



ফোবিয়ানের যাত্রী

আজ সকালে ঘুম ভাঙতেই আমার মায়ের কথা মনে পড়ল, অস্পষ্ট আবছা এবং হালকাভাবে নয়—অত্যন্ত তীব্রভাবে। মায়ের সাথে আমার যোগাযোগ সেই প্রায় বারো বছর—আমার ধারণা ছিল খুব ধীরে ধীরে আমার মস্তিষ্ক থেকে মায়ের স্মৃতি অস্পষ্ট হয়ে আসছে। কিন্তু আজ ভোরবেলা আমি বুঝতে পারলাম সেটি সত্যি নয়, মায়ের স্মৃতি হঠাৎ করে আমাকে প্রবলভাবে নাড়া দিয়ে গেছে। মা এবং সন্তানের মাঝে প্রাণিজগতের যে তীব্র জীর্ণ এবং আদিম ভালবাসা রয়েছে সেই ভালবাসার একটুখানির জন্য আজ সকালে আমি বুকের ভিতরে এক ধরনের শূন্যতা অনুভব করতে থাকি, আমার মাঝে একদল্লর দেবার জন্য কিংবা একবার তাকে স্পর্শ করার জন্য হঠাৎ করে নিজের ভিতর এক ধরনের বিচিত্র অস্থিরতা আবিষ্কার করে আমি নিজেই একটু অস্বাভাবিক হয়ে যাই।

আমি নিজের ভিতরকার এই অস্থিরতা দূর করার জন্য বিছানায় শুয়ে শুয়ে উপরের দিকে তাকিয়ে রইলাম, আলোর প্রতিফলন এবং বিচ্ছুরণ ব্যবহার করে আমার ছোট বাসস্থানটিতে খানিকটা বিশালত্ব আনার চেষ্টা করা হয়েছে—বাসার ছাদটিকে মনে হয় আকাশের কাছাকাছি। সেই সুদূর আকাশের কাছাকাছি ধূসর ছাদের দিকে তাকিয়ে থেকেও আমার ঘুরেফিরে মায়ের কথা মনে হতে থাকে, আমার বর্ণাঢ্য শৈশবের নানা ঘটনা আমার মনকে বিক্ষিপ্ত করে তুলতে শুরু করে। আমি আমার বিছানায় সোজা হয়ে বসে একটা নিখাল ফেলে মাথার কাছে সুইচটা স্পর্শ করলাম, সাথে সাথে সুপ করে বিছানাটা নিচে নেমে এল। আমি অনাবৃত শরীরটি নিও পলিমারের^১ চান্দর দিয়ে ঢেকে বিছানা থেকে নেমে জানালার কাছে এসে দাঁড়লাম। স্বচ্ছ কোয়ার্টজের জানালা দিয়ে বাইরের বিজৃত লোকালয় চোখে পড়ে। সারি সারি বসতি গায়ে গায়ে জড়িয়ে উঠেছে, অনেক উচুতে বায়োডোম^২ পুরো কসভিটিকে এই ধরনের ভয়ঙ্কর পরিবেশ থেকে রক্ষা করে রেখেছে। বাইরে হালকা বেগুনি আলো দেখেই কেমন জানি মন খারাপ হয়ে যায়। আমি একটা নিখাল ফেলে জানালা থেকে সরে এলাম—আমার ঘরের দেয়ালে রিমাত্রিক ভিডি টিভি^৩ কসানো রয়েছে, অনেকটা অনাযমনস্বভাবে সেটা স্পর্শ করতেই ঘরের মাঝামাঝি আমার মায়ের রিমাত্রিক ছবি জীবন্ত হয়ে ফুটে উঠল। বেলা-সন্দের বছরের একজন কিশোরীর মতো চেহারা, কোমল ত্বক এবং লালচে চুল। সাদা রঙের পোশাকে আমার মাঝে স্পর্শ হতে নেমে আসা একজন দেবীর মতো দেখায়। মা আমার চোখের দিকে তাকিয়ে জিজ্ঞেস করলেন, “কেমন আছিস বাবা ইবান?”

আমি জানি এটি ত্রিমাত্রিক হলোথ্রাফিক^৪ ছবি ছাড়া আর কিছুই নয়। আমি অসংখ্যবার আমার মায়ের এই একমাত্র ভিডিও ক্লিপটা দেখেছি। কিন্তু তবু আমি ফিসফিস করে বললাম, “ভালো আছি মা। আমি ভালো আছি।”

হলোথ্রাফিক ছবিতে আমার মা একদৃষ্টিতে আমার দিকে কয়েক মুহূর্ত তাকিয়ে থেকে চোখ নামিয়ে নিয়ে কোমল গলায় বললেন, “কতদিন তোকে দেখি না—এতদিনে তুই নিশ্চয়ই আরো কত বড় হয়েছিস। আমার মাঝে মাঝে খুব জানতে ইচ্ছে করে তুই কোথায় আছিস, কেমন আছিস।”

মা খানিকক্ষণ চুপ করে নিজের হাতের দিকে তাকিয়ে রইলেন, তারপর বিষণ্ণ গলায় বললেন, “যেখানেই থাকিস বাবা ইবান, তুই ভালো থাকিস।”

আমি ফিসফিস করে বললাম, “তুমি ভেবো না মা, আমি ভালো থাকব।”

আমার মা ডান হাতের উষ্টো পিঠ দিয়ে তার চোখ মুছে কাতর গলায় বললেন, “আমার ওপর রাগ পুষে রাখিস না বাবা—আমি আসলে বুঝতে পারি নি। যদি বুঝতে পারতাম তা হলে আমি তোকে এমনভাবে জন্ম দিতাম না। বিশ্বাস কর—”

আমার মা তেজ পড়ে আরো কিছু বলতে যাচ্ছিলেন আমি তার আগেই ভিডি টিউবটা বন্ধ করে দিলাম—আমি যদিও অসংখ্যবার আমার কাছে রাখা আমার মায়ের একমাত্র হলোথ্রাফিক ভিডিও ক্লিপটা দেখেছি, কিন্তু ভিডিও ক্লিপের এই অংশে মায়ের তীব্র অপরাধবোধের গ্লান্টিফিক^৫ দেবতে আমার ভালো লাগে না। জিনের^৬ প্রতিটি ক্রমাবর্তনকে নিয়ন্ত্রণ করে যখন একজন মানুষকে অতিমানবের পর্যায়ে জন্ম দেওয়া যায় তখন আমার মতো সাধারণ একজন মানুষের জন্ম দিয়ে আমার প্রতি যে অবিচার করা হয়েছে আমার মা সেজন্যে নিজেকে কখনো ক্ষমা করেন নি। আমার চারপাশে যারা আছে তারা সবাই সৃষ্টি হিসাবনিকাশ করে জন্ম দেওয়া মানুষ। তারা সুন্দর, সুস্থ সবল, মেধাবী, প্রতিভাবান এবং সাহসী। তাদের তুলনায় আমি খুব সাধারণ একজন মানুষ, আমার ভিতরে অন্য মানুষের জন্য ভালবাসা ছাড়া আর কোনো বিশেষ গুণাবলি নেই। আমাকে জন্ম দেওয়ার আগে আমার মা জিনেটিক ইঞ্জিনিয়ারিং^৭ ব্যবহার করে শুধুমাত্র এই মানবিক একটি ব্যাপার নিশ্চিত করেছিলেন—তার ধারণা ছিল একজন ভালো মানুষ হচ্ছে শ্রেষ্ঠ মানুষ, সুখী মানুষ। আমাকে তাই একজন হৃদয়বান ভালো মানুষ হিসেবে গড়ে তুলতে চেয়েছিলেন। বড় হতে গিয়ে আমি আবিষ্কার করেছিলাম মানব সভ্যতার কর্মবিকাশের এই স্তরে আসলে আমার মতো মানুষের প্রয়োজন খুব কম। আমি বড় হতে গিয়ে পদে পদে সমস্যার সম্মুখীন হয়েছি। আমাকে ভালো স্কুলে যেতে দেওয়া হয় নি, বড় সুযোগ থেকে সরিয়ে রাখা হয়েছে—একরকম জোর করে বারবার আমাকে প্রমাণ করতে হয়েছে যে, আমি আসলে অক্ষম নই। আমার বয়স যখন মাত্র তের বছর তখন এই বৈখ্য থেকে উদ্ধার পাওয়ার জন্য আমি আমাদের গ্রহ থেকে পালিয়ে এসেছিলাম, প্রথমে একটা মহাকাশযানের শিক্ষানবিসি হিসেবে কাজ করেছি, নিজের বোগ্যতা প্রমাণ করে আমি শেষ পর্যন্ত চতুর্থ মাত্রার বাণিজ্যিক মহাকাশযান চালানোর লাইসেন্স পেয়েছি। আমার মা আজ আমাকে দেখলে খুব খুশি হতেন—তার ছেলেকে জিনেটিক ইঞ্জিনিয়ারিং ব্যবহার করে অতিমানবের কাছাকাছি পৌঁছে না দেওয়াতেই খুব একটা ক্ষতি হয় নি। যেটুকু অর্জন করার আমি সেটুকু অর্জন করে নিয়েছি, কষ্ট হয়েছে সত্যি কিন্তু অসাধা হয় নি।

আমি ভিডি টিউবের সামনে খানিকক্ষণ দাঁড়িয়ে রইলাম, তারপর একরকম জোর করে মাথা থেকে সবকিছু বের করে দিলাম—দিনটি মাত্র শুরু হয়েছে, নষ্ট করার মতো সময় আমার হাতে একেবারেই নেই।

ভোরবেলা অন্তর্নক্ষত্র মহাকাশযানের একটি প্রদর্শনীতে যাবার কথা ছিল। সেখানে রওনা দেবার আগেই ভিডি টিউব থেকে একটি জরুরি সংকেত এল। এই কলোনির অন্তর্নক্ষত্র যোগাযোগ ব্যবস্থার পরিচালক লি-হান আমার সাথে কথা বলতে চায়—ভিডি টিউবে নয়, সরাসরি। আমি টিউবটি তুলে রেখে একটা নিখাস ফেললাম। সরাসরি কথা বলার একটিই অর্থ, কোনো একটি অন্তর্নক্ষত্র অভিযানের চুক্তি পাকাপাকি করে ফেলা। আমি মাত্র একটি অভিযান শেষ করে এসেছি, নতুন করে কোথাও যাবার আগে কিছুদিন বিশ্রাম নিতে চেয়েছিলাম—সেটি আর সম্ভব হবে বলে মনে হয় না।

ঘণ্টাখানেকের মাঝে আমার পরিচালকের সাথে দেখা হল, মধ্যবয়স্ক হাসিখুশি মানুষ, আমাকে দেখে হাত উপরে তুলে আনন্দ প্রকাশ করার একটি ভঙ্গি করে বলল, “এই যে ইবান, তোমাকে পেয়ে গেলাম!”

আমি হেসে বললাম, “লি-হান, তুমি এমন ভান করছ যে আমাকে পেয়ে যাওয়া খুব সৌভাগ্যের একটা ব্যাপার।”

“অবশ্যই সৌভাগ্যের ব্যাপার! এই পোড়া কলোনিতে কি মানুষ থাকে? একজন একজন করে সবাই সরে পড়ছে!”

আমি জানালা দিয়ে বাইরে তাকালাম, চারপাশে বেতনি রঙের এক ধূসরের চাপা আলো, বহু উপরে বায়োডোমের উপর গ্রহটির প্রলয়ঙ্করী আবহাওয়া হট্টোপুটি যাচ্ছে। চেষ্টা করলে এবান থেকেও সেই বাতাসের হট্টোপুটি শোনা যায়। আমি মাথা নেড়ে বললাম, “ঠিকই বলেছ। এই কলোনিটা আসলে মানুষের থাকার অযোগ্য। আমার সবসময় কী ভয় হয় জান?”

“কী?”

“একদিন এই বায়োডোম ধসে পড়বে আর আমরা সবাই ব্যাক্টেরিয়ার মতো মারা পড়ব। ঠিক মিশিন^৮ গ্রহের কলোনির মতো।”

লি-হান হা হা করে হেসে বলল, “তোমাকে যেন ব্যাক্টেরিয়ার মতো মারা যেতে না হয় সেই ব্যবস্থা করে ফেলেছি। পঞ্চম মাত্রার মহাকাশযানে করে তোমাকে এই কলোনি ছেড়ে চলে যাবার ব্যবস্থা করে দিচ্ছি।”

আমি একটু অবাক হয়ে বললাম, “তুমি জান আমার পঞ্চম মাত্রার মহাকাশযান চালানোর লাইসেন্স নেই।”

“আমরা সেই লাইসেন্সের ব্যবস্থা করে দেব।”

আমি ভুরু কুঁচকে অন্তর্নক্ষত্র যোগাযোগ ব্যবস্থার পরিচালক লি-হানের দিকে তাকালাম, “লাইসেন্সের ব্যবস্থা করে দেবে?”

“হ্যাঁ।”

“কেন?”

“কারণ এটি জরুরি। তা ছাড়া আমরা তোমার ফাইল খুব খুঁটিয়ে খুঁটিয়ে দেখেছি, আমাদের কমিটি মনে করে পঞ্চম মাত্রার মহাকাশযানের দায়িত্ব তুমি নিতে পারবে। তোমার কোনো জিনেটিক প্রাধান্য নেই, কিন্তু সেটি ছাড়াই তুমি অনেক উপরে চলে এসেছ—কমিটি সেটা খুব বড় করে দেখেছে।”

আমি তীক্ষ্ণ চোখে লি-হানের চোখের দিকে তাকিয়ে পুরো ব্যাপারটি বোকার চেষ্টা করলাম। আমি জানি যাদের জিনেটিকের প্রাধান্য নেই তাদেরকে প্রায় মানুষ হিসেবেই বিবেচনা করা হয় না, সে আমার সাথে কোনো কারণে মিথ্যে কথা বলেছে। লি-হান আমার

দৃষ্টি থেকে চোখ সরিয়ে নিয়ে বলল, “আমার মনে হয় এটি তোমার জন্য চমৎকার একটি সুযোগ। পরবর্তী কমিটি অন্যরকম হতে পারে—তারা তোমাকে সেই সুযোগ না-ও দিতে পারে।”

আমি জোর করে একটু হাসার চেষ্টা করে বললাম, “আমার মা আমাকে জন্ম দেবার আগে জিনেটিক কোডিংএ বুদ্ধিগতি বিশেষ কিছু দেন নি। আমি সম্ভবত অন্য মানুষের তুলনায় খানিকটা নির্বোধই—কিন্তু তবুও আমার মনে হচ্ছে এখানে অন্য ব্যাপার রয়েছে।”

লি-হান অশক্তিতে একটু নড়েচড়ে বলল, “অন্য কী ব্যাপার?”

“আমি আমার পঞ্চ বুদ্ধি দিয়ে সেটা বোঝার চেষ্টা করছি। আমার ধারণা এই অভিযানের খুঁটিনাটি জানতে পারলেই সেটা পরিষ্কার হয়ে যাবে। যেমন মনে কর আমার প্রথম কৌতূহল গন্তব্যস্থান নিয়ে—আমাকে মহাকাশযান নিয়ে কোথায় যেতে হবে?”

লি-হান আমার দৃষ্টি থেকে চোখ সরিয়ে উপরের দিকে তাকিয়ে বলল, “রিপি নক্ষত্রের কাছে যে গ্রহাণুপুঞ্জ আছে, সেখানে।”

আমি চমকে উঠে সোজা হয়ে বসে বললাম, “কী বললে? রিপি নক্ষত্রের কাছে?”

লি-হান দুর্বল গলায় বলল, “হ্যাঁ।”

“তার মানে আমাকে যেতে হবে মাহালা নক্ষত্রপুঞ্জের কাছে দিয়ে?”

“হ্যাঁ, তা ছাড়া উপায় নেই। দুই পাশে দুটি ব্ল্যাকহোল থাকায় যাত্রাপথটা হয় ঠিক মাহালা নক্ষত্রপুঞ্জের কাছে দিয়ে। আমি স্বীকার করছি এত কাছাকাছি দুটি ব্ল্যাকহোল থাকলে যাত্রাপথ বিপজ্জনক—”

আমি লি-হানকে ধামিয়ে দিয়ে বললাম, “তুমি বাজে কথা বলে সময় নষ্ট করছ। তুমি খুব ভালো করে জান ব্ল্যাকহোল কোনো সমস্যা নয়, গত এক শ বছর থেকে মানুষ ব্ল্যাকহোলের মহাকর্ষ শক্তি ব্যবহার করে মহাকাশে পাড়ি দিচ্ছে। সমস্যা অন্য জায়গায়।”

লি-হান চোখেমুখে বিষয় ফুটিয়ে বলল, “সমস্যা কোথায়?”

“তুমি খুব ভালো করে জান কোথায়। ঐ অঞ্চলে মানুষের কলোনি বিদ্রোহ করে আলাদা হয়ে গিয়েছে। পুরো এলাকাটা এখন ছোট-বড় শ খানেক মহাকাশদস্যুর আখড়া। গত দশ বছরে এই পথ দিয়ে যত মহাকাশযান গেছে তার অর্ধেক লুট হয়ে গেছে। কোনো জু জীবন্ত ফিরে আসে নি!”

“তুমি অতিরঞ্জন করছ ইবান।”

“আমি এতটুকু অতিরঞ্জন করছি না—” “তোমরা সত্য গোপন করছ, তা না হলে সংখ্যাটি আরো অনেক বেশি হত।” আমি হঠাৎ করে নিজের ভিতরে এক ধরনের ক্রোধ অনুভব করতে থাকি। অনেক কষ্ট করে গলার স্বরকে স্বাভাবিক রেখে বললাম, “তধু কি মহাকাশ দস্যু? মাহালা নক্ষত্রপুঞ্জ হচ্ছে অন্যবিকৃত এলাকা। সেখানে কোনো এক ধরনের মহাজাগতিক প্রাণী রয়েছে—”

লি-হান অবাক হবার ভান করে বলল, “তাতে কী হয়েছে? মহাজাগতে মানুষ ছাড়াও যে প্রাণী রয়েছে সেটি তো আর নতুন কোনো ব্যাপার নয়।”

“না, সেটি নতুন ব্যাপার নয়।” আমি মাথা নেড়ে বললাম, “কিন্তু সেই প্রাণী যদি বুদ্ধিমান হয়, সেই প্রাণী যদি ভয়ঙ্কর হয়, সেই প্রাণী যদি মানুষের প্রতি শত্রুতাবাপন্ন হয় এবং মানুষ যদি সেই প্রাণী সম্পর্কে কিছু না জানে তা হলে মানুষ তাদের ধারেকাছে যায় না। সে সম্পর্কে সুস্পষ্ট মহাজাগতিক আইন রয়েছে। আমাকে সেদিক দিয়ে পাঠিয়ে তোমরা মহাজাগতিক আইন ভাঙার চেষ্টা করছ।”

লি-হানের মুখ একটু অপ্রসন্ন হয়ে ওঠে। সে শীতল গলায় বলল, “তুমি যদি যেতে না চাও তা হলে যাবে না, আমি ভেবেছিলাম এটি তোমার জন্য একটি চমৎকার সুযোগ।”

“কোনটি সুযোগ আর কোনটি আমাকে বিপদে ফেলার যড়যন্ত্র সেই সিদ্ধান্তটা আমাকেই নিতে দাও।” আমি চেয়ার ছেড়ে উঠে দাঁড়াতে গিয়ে থেমে গিয়ে জিজ্ঞেস করলাম, “পঞ্চম মাত্রার এই মহাকাশযানে আমাকে কি কারণে নিতে হবে?”

লি-হান বিভ্রিত করে কিছু-একটা বলতে যাচ্ছিল, আমি তাকে বাধা দিয়ে বললাম, “আমি বাজি ধরে বলতে পারি সেই কারণে হবে দূষিত, বিস্বাস্ত এবং বিপজ্জনক কোনো জিনিস। যে জিনিস ধ্বংস হয়ে গেলে তোমাদের কারো কোনো মাথাব্যথা হবে না। হয়তো এমনও হতে পারে যে তোমরা চাও সেই কারণে ধ্বংস হয়ে যাক।”

লি-হান এবারে তার মুখ একটু কঠিন করে বলল, “তুমি একটু বেশি বাড়াবাড়ি করছ ইবান। এই অভিযানের কারণে খুব গুরুত্বপূর্ণ।”

“সেটি কী?”

“তুমি যতক্ষণ এই যাত্রাপথে যেতে রাজি না হচ্ছ আমি তোমাকে সেটা বলতে পারব না।”

“কিন্তু আমি যতক্ষণ জানতে না পারছি আমাকে কী কারণে নিয়ে যেতে হবে ততক্ষণ আমি রাজি হতে পারছি না।”

লি-হান তুচ্ছ ভূঁচকে কতক্ষণ কিছু-একটা চিন্তা করে আমার দিকে ঘুরে তাকিয়ে বলল, “ঠিক আছে আমি তোমাকে বলছি। তোমার কারণে আসলে জীবন্ত একজন মানুষ।”

“মানুষ?”

“হ্যাঁ। মানুষটির নাম হচ্ছে ম্যাসেল কাস। ম্যাসেল কাস হচ্ছে—”

আমি বাধা দিয়ে বললাম, “তোমাকে ম্যাসেল কাসের পরিচয় দিতে হবে না, আমি তাকে চিনি।”

“ও।”

আমি কঠিন গলায় বললাম, “তুমি দেখেছ আমার ধারণা সত্যি? মহাকাশযানের কারণে সত্যি সত্যি দূষিত, বিস্বাস্ত এবং বিপজ্জনক?”

লি-হান শীতল চোখে আমার দিকে তাকিয়ে রইল, কোনো কথা বলল না। আমি একটা নিঃশ্বাস ফেলে চেয়ারে হেলান দিয়ে বসে জানালা দিয়ে বাইরে তাকলাম, কেজন রক্তের আলোটাতে একটা কালচে গা-খিনখিন-করা ভাব চলে এসেছে, দেখেই কেমন জাতি মন খারাপ হয়ে যায়।

ম্যাসেল কাস এই সময়কার সবচেয়ে দুর্ধর্ষ মহাকাশ দস্যু। সাধারণত একটি স্বার্থ নিয়ে দুন্দের মাঝে সংঘর্ষ বেধে যায় তখন এক দল অন্য দলকে দস্যু বলে সম্বোধন করে। মহাজাগতিক অনেক কলোনিতেই নিজেদের স্বার্থ রক্ষা করার জন্য ছোট ছোট মানবগোষ্ঠী বিদ্রোহ করেছে এবং অনেক সময় তাদেরকে দস্যু আখ্যা দিয়ে খুব নিষ্ঠুরভাবে বিদ্রোহ দমন করা হয়েছে। ম্যাসেল কাসের ব্যাপারটি সেরকম নয়—সে প্রকৃত অর্থেই দস্যু, ছোট সৃষ্টিত একটা দল নিয়ে সে মাহালা নক্ষত্রপুঞ্জের কাছাকাছি থাকে, অত্যন্ত কৌশলে সে আন্তঃনক্ষত্র মহাকাশযানগুলোকে লুণ্ঠন করে নেয়। মহাকাশযানের জুন্দের প্রতি অমানুষিক নিষ্ঠুরতা নিয়ে ম্যাসেল কাসের অনেক গল্প প্রচলিত রয়েছে। মানুষটি সুন্দরন এবং বুদ্ধিমান, আধুনিক প্রযুক্তি সে খুব দক্ষতার সাথে ব্যবহার করে। মানুষের মস্তিষ্কের ওপর তার মৌলিক গবেষণা রয়েছে বলেও শোনা যায়। মহাজাগতিক প্রতিরক্ষাবাহিনী অনেকদিন থেকে তাকে ধরার চেষ্টা

করছিল এবং মাত্র কিছুদিন আগে তাকে ধরতে পেরেছে। বিচারের জন্য তাকে আঞ্চলিক কেন্দ্রে পাঠাতে হবে—আমি অবশ্য মনে করি এত খামেলা না করে প্রতিরক্ষাবাহিনীই তার বিচার করে শাস্তি দিয়ে ফেলতে পারত। এই ভয়ঙ্কর মানুষটিকে বাঁচিয়ে রাখা আসলে বিপদকে ঘরে টেনে আনা ছাড়া আর কিছু নয়।

আমার সামনে বসে থাকা লি-হান এবারে একটু কুঁকে পড়ে জিজ্ঞেস করল, “তুমি কি সত্যিই যেতে চাও না?”

“ম্যাক্সেল কাসের মতো চরিত্রকে নিয়ে যাওয়াটা কি তুমি খুব আকর্ষণীয় কাজ মনে কর?”

“কিন্তু তাকে শীতল করে পাথরের মতো জমিয়ে ফেলা হবে, টাইটানিয়ামের ভেন্টের মাঝে পাকাপকিতভাবে আটকে রাখা হবে। মহাকাশযানের কারপো-বে^{১৬} তে তাকে মালপত্র হিসেবে নেওয়া হবে—মানুষ হিসেবে নেওয়া হবে না।”

আমি একটা নিশ্বাস ফেলে বললাম, “সত্যি কথা বলতে কী তোমরা যদি মানুষটিকে শীতল ঘরে করে না নিতে, যদি তার সাথে কথা বলা যেত তা হলে আমার একটু আগ্রহ ছিল। আমি কথা বলে দেখতাম এই ধরনের মানুষেরা কীভাবে চিন্তা করে।”

“না, তোমার সেই সুযোগ নেই।” লি-হান মাথা নেড়ে বলল, “একেবারেই নেই।”

“মহাকাশযানের অন্য জুদের কীভাবে বেছে নিচ্ছ?”

আমার প্রশ্ন শুনে হঠাৎ করে লি-হান নিজের নখের দিকে তাকিয়ে সেটি খুঁটিয়ে খুঁটিয়ে পরীক্ষা করতে শুরু করল এবং আমি বুঝতে পারলাম এ ব্যাপারেও নিশ্চয়ই কোনো সমস্যা রয়েছে। আমি আবার টের পেলাম আমার ভিতরে একটা শীতল রোম্ব ছড়িয়ে পড়ছে। নিজেকে কষ্ট করে শান্ত করে আমি একটু সামনে কুঁকে পড়ে বললাম, “এই জুদের ব্যাপারটাও তা হলে আমি অনুমান করার চেষ্টা করি। আমার ধারণা এই অভিযানে জু হিসেবে যাবে এমন কিছু মানুষ যাদের জীবনের কোনো মূল্য নেই। আমার মতো—”

লি-হান বাধা দিয়ে বলল, “আসলে কোনো জু থাকবে না। তুমি একা এই মহাকাশযানটি নিয়ে যাবে।”

আমি চমকে উঠে বললাম, “একা?”

“হ্যাঁ।”

“একটি আন্তঃনক্ষত্র অভিযানে একজন মানুষ একা একটা পঞ্চম মাত্রার মহাকাশযান নিয়ে যাবে?”

“হ্যাঁ। নতুন পঞ্চম মাত্রার যে মহাকাশযানগুলো তৈরি হয়েছে সেগুলো বিশ্বয়কর। প্রকৃত অর্থেই সেখানে কোনো মানুষের প্রয়োজন নেই। শুধুমাত্র মহাজাগতিক আইন রক্ষা করার জন্য এখনো অধিনায়ক হিসেবে মানুষ রাখতে হয়। তাদেরকে কর্তৃত্ব দেওয়া হয়।”

আমি কোনো কথা না বলে লি-হানের দিকে তীক্ষ্ণ দৃষ্টিতে তাকিয়ে রইলাম। সে আমার দৃষ্টি উপেক্ষা করে বলল, “পঞ্চম মাত্রার এই মহাকাশযানগুলোকে নিয়ন্ত্রণ করার জন্য নতুন যে সিস্টেম দাঁড়া করানো হয়েছে অনেক ক্ষেত্রেই তা মানুষের মস্তিষ্ক থেকে ভালো। সত্যি কথা বলতে কী, আমরা যদি নিউরন^{১৭} সংখ্যা, এবং সিনাপ্স^{১৮} সংযোগ এসব দিয়ে হিসাব করি তা হলে এই সিস্টেমকে প্রায় একডজন মানুষের মস্তিষ্কের সুষম উপস্থাপন হিসেবে বিবেচনা করতে পার। যার অর্থ হচ্ছে—”

“আমি জানি।”

লি-হান হা হা করে হেসে বলল, “অবশ্যই তুমি জান। মানুষের মস্তিষ্কের ওপর তোমার কৌতূহলের কথা সবাই জানে।”

“হ্যাঁ।” আমি শীতল গলায় বললাম, “সবাই এটাও জানে যে এটা এসেছে আমার হীনমন্যতা থেকে। যেহেতু বুদ্ধিমত্তায় আমার জিনেটিক প্রাধান্য নেই তাই আমি সবসময় বোকার চেষ্টা করি বুদ্ধিমত্তা এসেছে কোথা থেকে। প্রচলিত বিশ্বাস এটা আমার দুর্বলতা। আমার সীমাবদ্ধতা।”

লি-হান মাথা নাড়ল, বলল, “না, তোমার এ ধারণা সত্যি নয়। তোমাকে আমি তোমার সম্পর্কে কমিটির রিপোর্ট দেখাতে পারব না, যদি পারতাম তা হলে দেখতে তোমার ক্ষমতা সম্পর্কে কমিটির পূর্ণ বিশ্বাস রয়েছে।”

কোনটি সত্যি কথা, কোনটি মিথ্যা কথা এবং কোনটি কাজ উদ্ধারের জন্য চাটুকরিভা সেটা বোকা আমার জন্য কঠিন নয়। কখন কথা বলতে হয়, কখন চুপ করে থাকতে হয় এবং কখন রেখে যেতে হয় এতদিনে আমি সেটাও শিখে ফেলেছি, কাজেই আমি কোনো কথা না বলে চুপ করে রইলাম।

লি-হান তার গলায় একটু বাড়াবাড়ি উচ্চস্বাস ফুটিয়ে বলল, বারোজন মানুষের মস্তিষ্কের সুষম উপস্থাপন—এর অর্থ বুঝতে পারছ? বারোজন মানুষ নয়—বারোজন মানুষ—বুদ্ধিমত্তার বারোজন—”

আমি হাত তুলে লি-হানকে ধামিয়ে দিয়ে বললাম, “আমি জানি।”

“তা হলে?”

“তা হলে কী?”

“তা হলে তোমার মাঝে উৎসাহ নেই কেন?”

“তুমি তখনতে চাও কেন আমার মাঝে উৎসাহ নেই?”

লি-হান মাথা নাড়ল, বলল, “হ্যাঁ তখনতে চাই।”

“তা হলে শোন।” আমি একটা বড় নিশ্বাস নিয়ে বললাম, “পঞ্চম মাত্রার এই মহাকাশযানটি মাত্র তৈরি করা হয়েছে, এটা পরীক্ষা করা দরকার। এই পরীক্ষার জন্য নিমিপিপ হিসেবে ব্যবহার করা হবে আমাকে—এটাই হচ্ছে সত্যি কথা। এই সত্যি কথা যে জানে তার পক্ষে এই অভিযানে উৎসাহ পাওয়া সম্ভব নয়।”

“তোমার এই সন্দেহ অমূলক।”

“হতে পারে। কিন্তু তাতে কিছু আসে-যায় না।” আমি উঠে দাঁড়িয়ে বললাম, “আমার পক্ষে এই অভিযানে যাওয়া সম্ভব নয়।”

“ভেবে দেব ইবান। তুমি সবসময় মানুষের বুদ্ধিমত্তা, মানুষের নৈতিকতা, মানুষের আশা-আকাঙ্ক্ষা-শুষ্ণ এবং ভালবাসা নিয়ে ভেবেছ। পৃথিবীর বড় বড় মানুষকে নিয়ে তোমার কৌতূহল। তারা কেমন করে ভাবে, কেমন করে ভবিষ্যতের স্বপ্ন দেখে সেটা জানতে চেয়েছে। এই প্রথম তোমার সুযোগ এসেছে পৃথিবীর সেরা মনীষীদের মুখোমুখি হবার। পঞ্চম মাত্রার মহাকাশযানের নিয়ন্ত্রণ প্রক্রিয়ার জন্য তৈরি নিউরাল নেটওয়ার্ক^{১৯} শুধুমাত্র তোমাকে সেই সুযোগ দেবে। তুমি ইচ্ছে করলে পৃথিবীর সেরা মনীষীদের মস্তিষ্ক ম্যাপিং^{২০} সাথে নিয়ে যেতে পারবে। তোমার দীর্ঘ এবং নিরসঙ্গ যাত্রাপথে তারা তোমার চমৎকার সঙ্গী হতে পারে। তোমার সারা জীবনের স্বপ্ন সত্যি হওয়ার—”

আমি হাত নেড়ে বললাম, “তোমার বক্তৃতার জন্য ধন্যবাদ লি-হান। কিন্তু আমি তোমার এই প্রস্তাব গ্রহণ করতে পারছি না।”

লি-হান কোনো কথা না বলে আমার দিকে স্থির দৃষ্টিতে তাকিয়ে রইল। আমি মাথা নেড়ে তার কাছ থেকে বিদায় নিয়ে লগা পা ফেলে ঘর থেকে বের হয়ে এলাম। আমার পিছনে স্বয়ংক্রিয় দরজা বন্ধ হয়ে যাচ্ছিল তখন লি-হান আমাকে ডাকল, “ইবান।”

আমি ঘুরে তাকিয়ে বললাম, “কী হল?”
“আমার ধারণা তুমি কিন্তু শেষ পর্যন্ত আমার প্রভাবে রাজি হয়ে এই অভিযানে যাবে।”

আমি ভীতু চোখে লি-হানের দিকে তাকালাম, সে জোর করে একটু হাসার চেষ্টা করল। আমি কঠিন গলায় বললাম, “কেন? তুমি কেন ভাবছ আমি তোমার প্রভাবে রাজি হব?”

“কারণ, তোমার একটা চিঠি এসেছে।”

আমি চমকে উঠে বললাম, “চিঠি?”

“হ্যাঁ।”

“কার চিঠি?”

“তোমার মায়ের।”

“আমার মায়ের?”

“হ্যাঁ।”

আমি কাঁপা গলায় জিজ্ঞেস করলাম, “আমার মা কী লিখেছে চিঠিতে?”

“আমি জানি না। অন্তঃসহযোগিতা যোগাযোগ কেন্দ্র থেকে সবমাত্র পাঠিয়েছে।”

লি-হান তার ডায়ার থেকে ছোট একটা ক্রিস্টাল বের করে আমার দিকে এগিয়ে দিল।

আমি ক্রিস্টালটি হাতে নিয়ে লি-হানের দিকে তাকালাম। সে আবার একটু হাসার চেষ্টা করে বলল, “চিঠিটা এসেছে বিশি নক্ষত্রের কাছাকাছি মানুষের কলোনী থেকে। মাহালা নক্ষত্রপুত্র পার হয়ে সেই কলোনীতে যেতে হয়।”

লি-হান উঠে দাঁড়িয়ে জানালার কাছে এগিয়ে গেল। জানালা দিয়ে কিছুক্ষণ বাইরে তাকিয়ে থেকে আবার আমার দিকে ঘুরে তাকিয়ে বলল, “ইবান, তুমি খুব সৌভাগ্যবান যে একজন মায়ের গর্ভে তোমার জন্ম হয়েছে। তুমি জান আমার ‘জন্ম’ হয় নি, আমাকে জিনম ল্যাবরেটরিতে^{১৪} তৈরি করা হয়েছে। ফ্যাক্টরিতে যেভাবে মহাকাশযানের ইঞ্জিন তৈরি করা হয়, সেভাবে।”

আমি লি-হানের দিকে তাকিয়ে রইলাম, আমি একটু অবাক হয়ে লক্ষ করলাম তাকে হঠাৎ একজন দুরূহী মানুষের মতো দেখাতে থাকে।

২

ভিডি টিউবের সুইচটা স্পর্শ করতেই ঘরের মাঝামাঝি আমার মায়ের মিমামিকি একটা প্রতিচ্ছবি স্পষ্ট হয়ে উঠল। ছবিটা এত জীবন্ত যে আমার মনে হল আমি বুঝি তাকে স্পর্শ করতে পারব।

আমার মায়ের প্রতিচ্ছবিটি ঘুরে আমার দিকে তাকিয়ে বলল, “বাবা ইবান, আমি জানি না আমাকে তুই দেখেছিস কি না! সেই কোন নক্ষত্রের কোন গ্রহপুঞ্জে তুই আছিস আমি জানিও না। তবু আমার ভাবতে ইচ্ছে করে তুই আমার সামনে আছিস, ছুপ করে বসে আমার কথা শুনছিস।”

মা কথা বন্ধ করে আমার দিকে তাকিয়ে একটু হাসলেন, মনে হল সত্যিই যেন আমাকে দেখতে পাচ্ছেন। মায়ের চেহারা সতের-অঠার বছরের একটা বালিকার মতো—কথার ভঙ্গিও সেরকম, চেহারাও বিস্ময়কর বয়সের ছাপ পড়ে নি।

মা একটা ছোট নিশ্বাস ফেলে হঠাৎ করে একটু গভীর হয়ে গেলেন। হাত দিয়ে লাগতে চুলগুলোকে পিছনে সরিয়ে বললেন, “বুঝলি ইবান, কয়দিন থেকে নিজের ভিতরে কেমন জাতি অস্থিরতা অনুভব করছি। শুধু মনে হচ্ছে এই জগতে কেন এসেছি, কী উদ্দেশ্য তার রহস্যটা বুঝতে পারছি না। আমি কি শুধু কয়েকদিন বেঁচে থাকার জন্য এসেছি নাকি তার অন্য উদ্দেশ্য আছে? যদি অন্য উদ্দেশ্য থেকে থাকে তা হলে সেটা কী? প্রাণিজগতের যেরকম বংশবৃদ্ধি করার উদ্দেশ্য থাকে মানুষের জন্য তো আর সেটা সত্যি নয়! মানুষকে জে আর আক্রমণের জন্য নিতে হয় না। জিনম ফ্যাক্টরিতে অর্টারমাফিক শিল্পের জন্য দেওয়া যায়। তা হলে আমাদের বেঁচে থাকার উদ্দেশ্যটা কী?”

মা কয়েক মুহূর্তের জন্য ধামলেন; তারপর ছেলেমানুষের মতো খিলখিল করে হেসে উঠলেন, কষ্ট করে হাসি ধামিয়ে বললেন, “আমার মনে সারাক্ষণ এরকম প্রশ্ন দেখে আমার চারপাশে যারা আছে তারা খুব চিন্তিত হয়ে পড়ল, তারা ভাবল আমার চিকিৎসা দরকার। একদিন আমাকে জোর করে ধরে নিয়ে গেল চিকিৎসক রোবটের কাছে, সেটি আমাকে টিপেটুপে দেখে বলল আমার মাথায় মস্তিষ্কের ভিতরে একটা দ্বৈত কপেট্রিন বসাতে হবে, যেটি আমার ভাবনাচিন্তাকে নিয়ন্ত্রণ করবে। সোজা কথায় আমাকে মানুষ থেকে পাশ্চিমা একটা রোবটে তৈরি করে ফেলবে।”

মা কথা ধামিয়ে আবার ছেলেমানুষের মতো হাসতে শুরু করলেন, হাসি ব্যাপারটি নিশ্চয়ই সংকলমক, আমিও মায়ের সাথে হাসতে শুরু করলাম। মা হাসি ধামিয়ে চোখ মুছে বললেন, “আমি চিকিৎসক রোবটের কথা শুনি নি। আমার মাথায় দ্বৈত কপেট্রিন বসানো হয় নি। মাথার ভিতরে এখনো আমার এক শ ভাগ ঝাঁটি মস্তিষ্ক রয়েছে তাই এখনো আমি বসে বসে এইসব ভাবি!” মা হঠাৎ সুর পাশ্চিমা বললেন, “বাবা ইবান, আমার কথা শুনে তুই আবার অর্ধহৃদয় হয়ে যাচ্ছিস না তো?”

আমি মাথা নাড়লাম, ফিসফিস করে বললাম, “না মা, অর্ধহৃদয় হয়ে যাচ্ছি না।”

“অর্ধহৃদয় হলে হবি। আমার কিছু করার নেই। কেন জানি তোর সাথে কথা বলতে ইচ্ছে করছে। আমার মনে হয় তুই যদি আমার কাছে থাকতি তা হলে আমার প্রশ্নগুলোর স্তরস্তুটা বুঝতে পারতি। এখানে আর কাউকে বোঝাতে পারি না।

“প্রথম প্রথম মনে হতো আমাদের জীবনের উদ্দেশ্য হয়তো জ্ঞানের অনুসন্ধান করা। কিন্তু গত এক শ বছরের ইতিহাসে দেখেছিস বড় আবিষ্কারগুলো কে করেছে? রোবট। কম্পিউটার। কপেট্রিন। যেগুলো মানুষ করেছে তার পিছনেও রয়েছে যন্ত্রপাতি, নিউক্লিয়ার নেটওয়ার্ক। তা হলে মানুষের জন্য থাকল কী? মানুষ বেঁচে থাকবে কেন? তাদের জীবনের উদ্দেশ্যটা কী?”

মা কিছুক্ষণের জন্য ধামলেন, তারপর আবার হেসে ফেললেন—মা যখন হাসেন তখন তাকে কী সুন্দরই না দেখায়! হাসি ধামিয়ে মাথা নেড়ে বললেন, “আমি জানি না কেন আমি তোকে এসব বলছি। আসলে তোকে বলছি কি না সেটাও আমি জানি না—তা হলে কেন বলছি এসব? মাঝে মাঝে আসলে তোর সাথে কথা বলতে ইচ্ছে করে—মনে হয় তুই হয়তো আমাকে বুঝতে পারবি। সে জন্য বলছি—আমি কল্পনা করে নিচ্ছি তুই আমার সামনে বসে আছিস, এই এখানে আমার কাছাকাছি।

“কিছুদিন থেকে আমার মনে হচ্ছে আমি যেন একটু একটু বুঝতে পারছি আমাদের জীবনের উদ্দেশ্য কী? ঠিক পুরোটুকু ধরতে পারছি না কিন্তু একটু যেন আন্দাজ করতে পারছি। আপো যেরকম মনে হত আমার জীবনের কোনো মূ্শ নেই, কোনো অর্থ নেই—

এখন সেরকম মনে হয় না। একসময় ভাবতাম তোর ভিতরে জিনেটিক কোনো প্রাধান্য না নিয়ে খুব ভুল করেছি, তোকে অতিমানব জাতীয় কিছু একটা তৈরি করা উচিত ছিল। কিন্তু এখন আর তা মনে হয় না। এখন মনে হয় আমি ঠিকই করেছি, তোকে সাধারণ একজন মানুষ হিসেবে তৈরি করেছি কিন্তু ভিতরে দিয়েছি একটা চমৎকার হৃদয়। যেখানে রয়েছে ভালবাসা। সবাইকে বড় হতে হবে কে বলেছে? মনে হয় যত ছোটই হোক জীবনের একটা অর্থ থাকে, একটা উদ্দেশ্য থাকে। কেউ এই জগতে অপ্রয়োজনীয় না। ছোট-বড় সবাই মিলে সৃষ্টিজগৎ।”

মা একটু থামলেন, থেমে হাসি হাসি মুখ করে বললেন, “বেশি বড় জ্ঞানের কথা বলে ফেললাম? অন্য সবাইকে তো বলছি না—তোকে বলছি। তুই আমার ছেলে, তোকে আমি পেটে ধরেছি। যখন পেটের মাঝে ছিলি তখন প্র্যাসেটা^{১৭} দিয়ে তোর শরীরে পুষ্টি দিয়েছি, বড় করেছি। তোকে যদি এসব কথা বলতে না পারি তা হলে কাকে বলব?

“বুকলি ইবান, জীবন নিয়ে, বেঁচে থাকা নিয়ে নানারকম প্রশ্ন আসে আমার মাথায়, কাটিকে জিজ্ঞেস করে তার উত্তর পাওয়া যায় না। নিজে নিজে তার উত্তর খুঁজে পেতে হয়। আমি তাই করছি। তবে একজন আমাকে খুব সাহায্য করেছে। মানুষটার নাম রিতুন। রিতুন ক্রিস। আলগল নক্ষত্রের কাছে মানুষের যে কলোনিটা আছে সেখানে থাকত সে। প্রায় দুই শ বছর আগে মানুষটা মারা গেছে, বেঁচে থাকলে আমি নিশ্চয়ই তার সাথে দেখা করতে যেতাম, ফেভাবেই হোক।

“এই মানুষটার লেখা কিছু বইপত্র আছে, কিছু ভিডিও ক্রিপ আছে, কিছু মোটা ফাইল^{১৮} আছে। আমি সেগুলো খুব মনোযোগ নিয়ে পড়েছি, দেখেছি, বোঝার চেষ্টা করেছি। মানুষটা অসম্ভব বুদ্ধিমান, অসম্ভব প্রতিভাবান। মনে হয় ঈশ্বর বুদ্ধি নিজের হাতে তার মাথায় একটা একটা করে নিউরনকে সাজিয়েছে, সিনাক্সে সংযোগ দিয়েছে! তার ভাবনা-চিন্তার সাথে পরিচিত হয়ে আমার নিজের ভিতরকার অনেক প্রশ্নের উত্তর পেয়ে গেছি।

“সেদিন রিতুন ক্রিস সম্পর্কে একটা নতুন তথ্য পেয়েছি। মানুষটা দুই শ বছর আগে মারা গেলেও তার মস্তিষ্কের পুরো ম্যাপিং নাকি রক্ষা করা আছে। পৃথিবীর বড় বড় মানুষ, বড় বড় দার্শনিক, বিজ্ঞানী, শিল্পীদের মস্তিষ্ক নাকি এভাবে ম্যাপিং করে বাঁচিয়ে রাখা হয়। তার মানে রিতুন ক্রিস মারা গেলেও তার মস্তিষ্ক বেঁচে আছে। বিশাল কোনো নিউরন নেটওয়ার্কে সেটা কসালে তার সাথে কথা বলা যাবে। কী আশ্চর্য ব্যাপার!

“কিন্তু দুঃখের কথা কী জানিস? মানুষের মস্তিষ্কের ম্যাপিং নিয়ে কাজ করার মতো নিউরাল নেটওয়ার্ক খুব বেশি নেই। যে কয়টি আছে সেগুলো আমার নাগালের বাইরে। আমার মতো সাধারণ মানুষ কখনো সেটা ব্যবহার করতে পারবে না। আমি খবর পেয়েছি তুই চতুর্থ মাত্রার মহাকাশযানের অধিনায়ক হয়েছিলি। যদি কোনোভাবে পঞ্চম মাত্রার মহাকাশযানের অধিনায়ক হতে পারিস তা হলে তুই তোর মহাকাশযানে সেরকম একটা নিউরাল নেটওয়ার্ক পাবি। তুই তা হলে রিতুন ক্রিসের সাথে কথা বলতে পারবি। কী সাংঘাতিক একটা ব্যাপার হবে চিন্তা করতে পারিস?”

আমার মা উজ্জ্বল চোখে আমার দিকে কিছুক্ষণ তাকিয়ে রইলেন, তারপর আবার বিলম্বিত করে হেসে উঠলেন, বললেন, “দেখ, কতক্ষণ থেকে আমি বকবক করছি! আমার এরকম উদ্ভট জিনিস নিয়ে কৌতূহল বলে ধরে নিচ্ছি তোরও বুদ্ধি এরকম কৌতূহল। আমার সব কথা ভুলে যা বাবা ইবান। ধরে নে এইসব হচ্ছে পাগলের প্রলাপ! তুই যদি পঞ্চম মাত্রার মহাকাশযানের অধিনায়ক হতে পারিস তা হলে মহাজগতের একেবারে শেষমাত্রায় মানুষের

যে কলোনি আছে সেখানে অভিয়ান করতে যাবি। আমি রামিবেলা আকাশের একটা নক্ষত্র দেখিয়ে সবাইকে বলব, আমার ছেলে ওখানে গেছে। আমার নিজের ছেলে—যেই ছেলেকে আমি পেটে ধরেছি!”

আমার মা কথা শেষ করে আমার দিকে হাসি হাসি মুখ করে তাকিয়ে রইলেন, কিন্তু আমি দেখতে পেলাম তার চোখে পানি এসে যাচ্ছে, আর আমার মা প্রাণপণ চেষ্টা করছে তার সেই চোখের পানি গোপন করতে।

যেরকম হঠাৎ করে আমার মায়ের ত্রিমাত্রিক জীবন্ত প্রতিচ্ছবি আমার ঘরের মাঝখানে এসে হাজির হয়েছিল ঠিক সেরকমভাবে আবার হঠাৎ করে সেটি অনূশ্য হয়ে গেল। আমি বৃকের ভিতর কেমন জানি এক ধরনের শূন্যতা অনুভব করতে থাকি। উঠে দাঁড়িয়ে আমি কিছুক্ষণ খোলা জানালা দিয়ে বাইরে তাকিয়ে থাকি। তারপর ফিরে এসে ভিডি টিউবটা স্পর্শ করে আন্তঃনক্ষত্র যোগাযোগ ব্যবস্থার পরিচালকের সাথে যোগাযোগ করতেই, ছোট ক্রিনটাতে লি-হানের ছবি ভেসে উঠল। সে আমার দিকে সরস্র নৃষ্টিতে তাকিয়ে জিজ্ঞেস করল, “কী খবর ইবান? তুমি কি শেষ পর্যন্ত মন স্থির করেছ?”

“করেছি লি-হান। আমি যাব।”

“চমৎকার। তা হলে দেরি করে কাজ নেই, তুমি কাল ভোরবেলা থেকে কাজ শুরু করে দাও, বুঝতেই পারছ আমাদের হাতে সময় নেই। আমাদের চার নব্বয় এন্টোজোম থেকে একটা স্কাউটশিপ^{১৯} তোমাকে ফেবিয়ানে নিয়ে যাবে।”

“ফেবিয়ান?”

“হ্যাঁ আমাদের পঞ্চম মাত্রার নতুন মহাকাশযানটির নাম ফেবিয়ান। স্থিতিশীল একটা কক্ষপথে সেটাকে আটকে রাখা হয়েছে।”

“কক্ষপথে?”

“হ্যাঁ, পঞ্চম মাত্রার মহাকাশযানকে সাধারণত গ্রহে নামানো হয় না।”

“ও।” আমি একমুহূর্ত ইতস্তত করে বললাম, “লি-হান।”

“বল।”

“তোমাকে একটা প্রশ্ন করি—তুমি সত্যি উত্তর দেবে?”

“প্রশ্নটা না শুনে আমি তোমাকে কথা দিতে পারছি না। বেঁচে থাকার জন্য অনেক সময় অনেক সত্যকে আড়াল করে রাখতে হয়।”

“আজ ভোরবেলা তোমার সাথে আমি রিপি নক্ষত্রের কাছাকাছি মানুষের কলোনিতে অভিয়ান নিয়ে যে কয়টি কথা বলেছিলাম তার প্রত্যেকটা সত্যি ছিল, তাই না?”

লি-হান একমুহূর্ত চুপ করে থেকে বলল, “তাতে কিছু আসে-যায়?”

“না, যায় না।”

“তা হলে আমরা সেটা নিয়ে কথা নাই—বা বললাম!”

মহাকাশযান ফেবিয়ানকে দেখে আমি চমৎকৃত হয়ে গেলাম। বিশাল এই মহাকাশযানটি একটি ছোটখাটো উপগ্রহের মতো। টাইটানিয়াম এবং জের্মিয়ামের সংকর ধাতুর দেয়ালের উপর তাপ অপরিবাহী নতুন এক ধরনের আওরণ দিয়ে ঢাকা। মূল ইঞ্জিনটি পদার্থ-প্রতিপদার্থ^{২০} জ্বালানি দিয়ে চালানো হয়। বিশেষ পরিস্থিতির জন্য প্রাজমা^{২১} ইঞ্জিনও রয়েছে। আন্তঃনক্ষত্র মহাকাশ পরিভ্রমণের জন্য একটি অপরূপ যোগাযোগ ব্যবস্থা তৈরি করে রাখা আছে। পুরো ফেবিয়ানকে নিয়ন্ত্রণ করার জন্য যে নিউরাল নেটওয়ার্কটি বসানো হয়েছে সেটি দেখে নিজের

ভিতরে হীনমন্যতা এসে যায়—মানুষের মস্তিষ্ক সত্যিকার অর্থেই এই নেটওয়ার্কের তুলনায় একেবারেই অকিঞ্চিৎকর। চতুর্থ মাসের মহাকাশযানের সাথে ফোবিয়ানের একটা বড় পার্বক্য রয়েছে, এটি নানা ধরনের অস্ত্র দিয়ে বোকাই, নিউক্লিয়ার বিস্ফোরক থেকে শুরু করে এল—রে লেজার^{২০} কিছুই বাকি নেই। সৌভাগ্যক্রমে আমার নিজেকে এই অস্ত্র চালানো শিখতে হবে না—ফোবিয়ানে অস্ত্র চালাতে অভিজ্ঞ রোবটেরা রয়েছে।

আমাকে পুরো ফোবিয়ানের নিয়ন্ত্রণ বুকে নিতে খুব বেশি সময় দেওয়া হল না। মস্তিষ্ক উত্তেজক ড্রাগ নিহিলিন^{২১} নিয়ে নিয়ে আমি না ঘুমিয়ে একটানা চৌদ্দ দিন কাজ করে পেলাম। আমাকে আনুষ্ঠানিকভাবে শাইসেন্স দেওয়ার সময়টিতে আমি মোটামুটিভাবে একটা ঘোরের মাঝে ছিলাম এবং অনুষ্ঠানটি থেকে আমি কীভাবে নিজের ঘরে ফিরে এসেছি সেটি আমার মনে নেই, নিহিলিনের মতো উত্তেজক ড্রাগও আমাকে জাগিয়ে রাখতে পারছিল না। আমি বিছানায় শুয়ে চোখ বন্ধ করার আগেই গভীর ঘুমে অচেতন হয়ে পড়লাম।

ঠিক কখন আমি ঘুম থেকে উঠেছি সেটি আমি নিজেও জানি না—আমার ধারণা ছিল একবেলা পান করে দিয়েছি, কিন্তু ক্যালেন্ডার দেখে আমি হতবাক হয়ে গেলাম, এর মাঝে ছত্রিশ ঘণ্টা পার হয়ে গেছে। যখন আমার ঘুম ভেঙেছে তখন আমার ঘরটি অন্ধকার এবং শীতল, আমি ভয়ঙ্কর স্তম্ভাশঙ্কিত। ঘরের ভিডি টিউবটি ক্রমাগত একটা জরুরি সংকেত দিয়ে যাচ্ছে। আমি কোনোমতে বিছানা থেকে উঠে টলতে টলতে ভিডি টিউবের কাছে গিয়ে সেটা স্পর্শ করতেই অস্বাভাবিক যোগাযোগ ব্যবস্থার পরিচালক লি-হানের ছবিটি ছোট স্ক্রিনে ফুটে উঠল। সে এক ধরনের আতঙ্কিত গলায় বলল, “কী হয়েছে তোমার ইবান?”

আমি জড়িত গলায় বললাম, “ঘুমাচ্ছিলাম। নিহিলিন নিয়ে কয়দিন জেপে ছিলাম তো, শরীর আর চলছিল না।”

“আমিও তাই আনাজ করেছিলাম। কিন্তু তাই বলে এত দীর্ঘ সময় ঘুমবে বুঝতে পারি নি।”

“আমিও বুঝতে পারি নি। যা-ই হোক কেন ডেকেছ বল।”

“আমাদের হাতে সময় নেই। তোমাকে এফুনি যাত্রা শুরু করতে হবে।”

“এফুনি মানে কখন?”

“আপামী ছত্রিশ ঘণ্টার মাঝে। একটা চৌম্বকীয় ঝড় আসছে, সেটা আসার আগে শুরু না করলে অনেক দেরি হয়ে যাবে।”

“ও।” আমি ঘুম থেকে জেপে ওঠার চেষ্টা করতে করতে বললাম, “কিন্তু আমার নিজেরও তো একটা প্রত্নুতি নিতে হবে।”

“না। তোমার নিজের প্রত্নুতি নেবার কোনো প্রয়োজন নেই। তোমার সবকিছুর প্রত্নুতি নেওয়া হয়েছে।”

“আমার ব্যক্তিগত কিছু কাজ—”

লি-হান অর্ধৈর্ষ হয়ে বলল, “তোমার কোনো কিছু আর ব্যক্তিগত নেই। যখন থেকে সিঙ্ক্রান্ত নেওয়া হয়েছে তোমাকে পঞ্চম মাসের মহাকাশযানের অধিনায়ক করা হবে সেদিন থেকে তোমাকে চত্রিশ ঘণ্টা চোখে চোখে রাখা হয়েছে। তোমার ব্যক্তিগত সবকিছু আমরা জানি—ঠিক সেভাবে ফোবিয়ানে সবকিছু রাখা হয়েছে। তোমার পছন্দসই বইপত্র, মেটা ফাইল থেকে শুরু করে প্রিয় খাবার, প্রিয় পোশাক, প্রিয় সঙ্গীত সবকিছু পাবে। তোমার কোনো ব্যক্তিগত কাজ বাকি নেই ইবান।”

“কিন্তু—”

“কোনো কিছু নেই। তা ছাড়া ফোবিয়ানের চরম পতিবেগ তোলার আগে পর্যন্ত তুমি নেটওয়ার্কে সবার সাথে যোগাযোগ রাখতে পারবে।”

আমি ইতস্তত করে বললাম, “আমি সাথে আরো একটি জিনিস নিতে চেয়েছিলাম।”

“কী?”

“রিতুন ক্রিসের মস্তিষ্ক ম্যাপিং।”

লি-হান এবার খেমে গিয়ে একটা শিশ দেবার মতো শব্দ করল।

আমি ভয়ে ভয়ে জিজ্ঞেস করলাম, “পাওয়া যাবে না?”

“একটু কঠিন হবে—কিন্তু আমি চেষ্টা করব।”

“চেষ্টা করলে হবে না। আমাকে পেতেই হবে। তুমি জান আমি প্রায় এক যুগ এই মহাকাশযানে একা একা বসে থাকব। আমার কথা বলার জন্য একজন মানুষ দরকার।”

লি-হান হাসার শব্দ করে বলল, “আমাদের সময়ে তুমি প্রায় এক যুগ থাকবে, কিন্তু তোমার নিজের ক্ষেমে তো এত দীর্ঘ সময় নয়। খুব বেশি হলে তিন বছরের মতো।”

“তিন বছর আর এক যুগে কোনো পার্থক্য নেই। একই ব্যাপার। একটা—কিন্তু গোলমাল হলেই তিন বছর সত্যি সত্যি একযুগ নয়, একেবারে এক শতাব্দী হয়ে যেতে পারে।”

“বুঝেছি।”

আমি পলার স্বরে যথেষ্ট গুরুত্ব দিয়ে বললাম, “আমাকে রিতুন ক্রিসের মস্তিষ্ক ম্যাপিং না দেওয়া হলে আমি কিছু এই অভিযানে যাব না।”

লি-হান একটু অর্ধৈর্ষ হয়ে বলল, “আহ! তুমি দেখি মহাকাশ-দস্যুদের মতো ব্ল্যাকমেইলিং শুরু করলে।”

“এটা ব্ল্যাকমেইলিং নয়—এটা সত্যি।”

“ঠিক আছে আমি যোগাড় করে দেব।”

“আমার আরো একটা জিনিস দরকার।”

“কী?”

“আমার মায়ের জন্য একটা উপহার।”

“কী উপহার নিতে চাও?”

“ঠিক বুঝতে পারছি না।”

“বায়োভোমের বাইরে ঝড়ো বাতাসের পর্জনের সাথে মিল রেখে একটা সঙ্গীতধ্বনি তৈরি হয়েছে। শুনলেই বুকের মাঝে কেমন জানি কবতে থাকে। সেই সঙ্গীতধ্বনি নিতে পার।”

“ঠিক আছে।”

“কিংবা এই গ্রহের প্রাচীন সভ্যতার কোনো চিহ্ন। কোনো রেলিক। থানাইটের ছোট কোনো মূর্তি?”

“বেশ। তুমি যদি মনে কর সেরকম কিছু বুঝে পাবে—”

“সবচেয়ে ভালো হয় যদি কোয়ার্টজের গোলকের ভিতরে করে একটা সৌভাগ্য-বৃক্ষ নিয়ে যাও।”

“সৌভাগ্য-বৃক্ষ?”

“হ্যাঁ। এই গ্রহের একটি বিশেষ ধরনের গাছ রয়েছে, ছোট গাছ তার মাঝে রয়েছে ছোট ছোট নীল পাতা। এখানকার মানুষ বলে যখন জীবনে বড় ধরনের সৌভাগ্য আসে তখন সেখানে ফুল ফোটে। উজ্জ্বল কমলা রঙের ফুল। তারি চমৎকার দেখতে।”

“বেশ। তা হলে এই গাছটাই নেওয়া যাক। কিন্তু আন্তঃসংস্কৃত পরিবহনে গাছপালা বা জীবন্ত প্রাণী আনা-নেওয়ার ওপর নানারকম বিধিনিষেধ রয়েছে না?”

লি-হান হা হা করে হেসে বলল, “তুমি তোমার মহাকাশযানে করে ম্যাসেল কাসকে নিয়ে যাচ্ছে। যাকে ম্যাসেল কাসের মতো একটি কবুকে নেওয়ার অনুমতি দেওয়া হয় তাকে যে কোনো জীবন্ত প্রাণী নেওয়ার অনুমতি দেওয়া হবে। সেটা নিয়ে তুমি চিন্তা কোরো না!”

“ঠিক আছে আমি চিন্তা করব না।”

“তা হলে তুমি চার দশর এন্ট্রোডোমে চলে আস। প্রকৃতি শুরু করা যাক। তোমাকে তিন ঘণ্টা সময় দেওয়া হল।”

“তিন ঘণ্টা? মাত্র তিন ঘণ্টার মাঝে আমি সারা জীবনের জন্য একটা গ্রহ ছেড়ে চলে যাব?”

লি-হান একটা নিশ্বাস ফেলে বলল, “কেউ যদি আমাকে এই গ্রহ ছেড়ে চলে যাবার সুযোগ করে দিত, আমি তিন মিনিটে চলে যেতাম।”

আমি কোনো কথা না বলে বাইরে তাকালাম। কুৎসিত বেগুনি আলোতে গ্রহটাকে কী ভয়ঙ্করই-না দেখাচ্ছে! লি-হান মনে হয় সত্যি কথাই বলছে।

ফোবিয়ানের কারণে ভস্টে স্টেনলেস স্টিলের কালো একটি সিলিন্ডারকে দেয়ালের সাথে আটকে দিয়ে সামরিক বাহিনীর উচ্চপদস্থ মানুষটি বলল, “এটি হচ্ছে ম্যাসেল কাস। ফোবিয়ানের মূল নিয়ন্ত্রণ কেন্দ্রে একে বুঝিয়ে দেওয়া হল।”

মহাকাশযানের ভরশূন্য পরিবেশে ভেসে ভেসে আমি সিলিন্ডারটির কাছে গিয়ে সেটি স্পর্শ করে বললাম, “এই মানুষটি সম্পর্কে আমি এত বিচিত্র ধরনের গল্প শুনেছি যে আমি নিশ্চিত হতে চাই যে মানুষটি মাঝপথে জেপে উঠবে না।”

সামরিক অফিসারটি হেসে বলল, “সে ব্যাপারে তুমি নিশ্চিত থাকতে পার, তাকে তরল হিলিয়াম তাপমাত্রায়^{২২} জমিয়ে রাখা আছে। জেপে ওঠার কোনো সম্ভাবনা নেই।”

“তোমার-আমার বেলায় সেটি সত্যি হতে পারে, ম্যাসেল কাসের বেলায় আমি এত নিশ্চিত নই।”

“এ ব্যাপারে তুমি নিশ্চিত থাকতে পার, পদার্থবিজ্ঞানের সূত্র তোমার-আমার জন্য যেটুকু সত্যি, ম্যাসেল কাসের জন্যও ততটুকু সত্যি। তরল হিলিয়াম তাপমাত্রায় মানুষের শরীরে কোনো জৈবিক অনুভূতি থাকে না। সে আক্ষরিক অর্থে একটি জড়কবু।”

“বাইরে থেকে কেউ কোনো সঙ্কেত দিয়ে তাকে জাপিয়ে তুলতে পারবে না?”

“না, এই সিলিন্ডারটিকে বাইরে থেকে কেউ কোনো সঙ্কেত পাঠাতে পারবে না। এটি বলতে পার তথ্য বা সঙ্কেতের দিক থেকে একেবারে নিশ্চিত।”

সামরিক অফিসারটি ফোবিয়ানের নিয়ন্ত্রণ কেন্দ্রের সাথে আনুষ্ঠানিক বোঝাপড়া শেষ করে আমাকে ছোট একটি ক্রিস্টাল ধরিয়ে দিয়ে বলল, “ইবান, তুমি এখন তোমার যাত্রা শুরু করতে পার।”

আমি ভস্টের দেয়ালে আটকে রাখা সারি সারি সিলিন্ডারগুলোর দিকে তাকালাম, ম্যাসেল কাস ছাড়াও এখানে অন্য মানুষ রয়েছে। কেউ কেউ প্রতিরক্ষা বাহিনীর, কেউ কেউ একেবারে সাধারণ যাত্রী। নিয়ন্ত্রণ কেন্দ্রে তাদের পরিচয় দেওয়া রয়েছে, আমার আলাদা করে জ্ঞানার কোনো প্রয়োজন নেই। মানুষ ছাড়াও এই মহাকাশযানে অন্য জিনিসপত্র রয়েছে, যার কিছু কিছু আমার জ্ঞানার কথা নয়। মহাকাশযানের অধিনায়ক হিসেবে আমাকে সেগুলো মানুষের এক কলোনি থেকে অন্য কলোনিতে পৌঁছে দেবার কথা। ম্যাসেল কাসের

কথা আলাদা, সে যে কোনো মহাকাশযানে থাকলে সেটি মহাকাশযানের অধিনায়কের জ্ঞান প্রয়োজন। জড় কবু হিসেবে থাকলেও সেটি জ্ঞান প্রয়োজন।

সামরিক অফিসার এবং তার সাথে আসা টেকনিশিয়ানরা নিজেদের যন্ত্রপাতি গুছিয়ে নিতে শুরু করে। ভরশূন্য পরিবেশে ভেসে যাওয়া যন্ত্রপাতি গুছিয়ে নেওয়া খুব সহজ নয় কিন্তু এই টেকনিশিয়ানরা দক্ষ, তাদের হাতের কাজ দেখতে ভালো লাগে। কিছুক্ষণের মাঝেই সবাই বিদায় নেওয়ার জন্য প্রস্তুত হয়ে পেল। একজন একজন করে সবাই এসে আমার সামনে মাথা নিচু করে অভিবাদন জানিয়ে তাদের স্কাউটশিপে উঠে পেল। সামরিক অফিসার আমার হাত ধরে সেখানে মৃদু চাপ দিয়ে বলল, “তোমার যাত্রা শুভ হোক, ইবান।”

আমি হেসে বললাম, “আমার পক্ষ থেকে চেষ্টার কোনো ক্রটি হবে না।”

সামরিক অফিসার আমার হাত ছেড়ে দিয়ে বাতাসে ভেসে ভেসে তার স্কাউটশিপে ঢুকে পেল, আমি ফোবিয়ানের পোল বায়ু-নিরোধক দরজাটা বন্ধ করে দিতেই স্কাউটশিপের ইঞ্জিনের চাপা শব্দ শুনে পেলাম, আমি এখন এখানে একা।

আমি নিজের ভিতরে এক ধরনের নিঃসঙ্গতা অনুভব করলাম, এই বিশাল মহাকাশযানটিতে আমি একা একা এক বিশাল দূরত্ব অতিক্রম করব—এক নক্ষত্র থেকে অন্য নক্ষত্রে। এই দীর্ঘ সময়ে আমার সাথে কথা বলার জন্যও কোনো সত্যিকার মানুষ থাকবে না। মহাকাশের নিকম কালো অন্ধকারে, হিমশীতল পরিবেশে এই বিশাল মহাকাশযান তার শক্তিশালী ইঞ্জিনের গুঞ্জন তুলে উড়ে যাবে। নতুন এই মহাকাশযানে হয়তো অজানা কোনো বিপদ অপেক্ষা করে আছে, মহালা নক্ষত্রপুঞ্জের কাছাকাছি দুটি বিশাল ব্ল্যাকহোল, তার পাশ দিয়ে বিপজ্জনক একটি কক্ষপথ দিয়ে আমাকে যেতে হবে। সেখানে মহাকাশ-দস্যুরা গুপ্ত পেতে আছে, কে জানে, হয়তো বিচিত্র কোনো মহাজাগতিক প্রাণীর যুঝোযুঝি হতে হবে! জানি না সেই দীর্ঘ যাত্রা কখনো শেষ হবে কি না, রিশি নক্ষত্রের সেই মানব কলোনিতে পৌঁছাতে পারব কি না। যদিও-বা পৌঁছাই সেই এক যুগ পর আমার মায়ের সাথে দেখা হবে কি না সে কথাটিই-বা কে বলতে পারে।

আমি জোর করে আমার ভিতর থেকে সব চিন্তা দূর করে সরিয়ে দিয়ে ভেসে ভেসে মহাকাশযানের উপরের দিকে যেতে থাকি। নিয়ন্ত্রণ কক্ষ গিয়ে আমাকে এখনই প্রস্তুত হতে হবে। ফোবিয়ানের শক্তিশালী ইঞ্জিন যখন প্রচণ্ড গর্জন করে এই গ্রহের মহাকর্ষ বলকে উপেক্ষা করে মহাকাশে পাড়ি দেবে তখন আমাকে নিরাপদ আশ্রয়ে থাকতে হবে।

কন্ট্রোল প্যানেলের সামনে আরামদায়ক চেয়ারটিতে বসার সাথে সাথে আমি ফোবিয়ানের নিয়ন্ত্রণকারী মূল নিউরাল নেটওয়ার্কের কণ্ঠস্বর শুনে পেলাম, “পঞ্চম মাত্রার আন্তঃসংস্কৃত মহাকাশযান ফোবিয়ানের পক্ষ থেকে আপনাকে এই মহাকাশযানের নেতৃত্ব দেওয়ার জন্য আনুষ্ঠানিক আমন্ত্রণ জানানি মহামান্য ইবান।”

মানুষের কণ্ঠস্বরে এ ধরনের যান্ত্রিক কথা শুনে সবসময়ই আমি একটা অবশিষ্ট বোধ করি—আমি ব্যক্তিগতভাবে সবসময়ই মনে করি যন্ত্র এবং মানুষের কথার মাঝে একটা স্পষ্ট পার্থক্য থাকা দরকার। মানুষের কথা শোনার সময় তাকে সবসময়ই আমরা দেখতে পাই, মুখের ভাবভঙ্গি থেকে কথার অনেক কিছু স্পষ্ট হয়ে ওঠে। যন্ত্রের বেলায় সেটা সম্ভব নয়—সত্যি কথা বলতে কী কথাটা কোথা থেকে আসছে অনেক সময় সেটাও বুঝতে পারি না।

আমি চেয়ারে নিজেকে নিরাপত্তা বেষ্ট দিয়ে বেঁধে নিতে নিতে বললাম, “আমি যদি বলি তোমার আমন্ত্রণ আমি গ্রহণ করলাম না!”

নিউরাল নেটওয়ার্কের কঠোর তরল পলায় বলল, “মহামান্য ইবান, আপনি ইচ্ছে করলে অবশ্য নেটা করতে পারেন। তাতে কিছু আসে-যায় না।”

“তুমি কে?”

“আমি ফোবি। ফোবিয়ানের নিউরাল নেটওয়ার্ক এবং মানুষের সংযোগকারী মডিউল ফোবি।”

আমি কন্ট্রোল প্যানেলের কয়েকটা সুইচ স্পর্শ করতে করতে বললাম, “আচ্ছা ফোবি, আমি যদি এখন তোমাকে জঘন্য ভাষায় গালাগাল করি তা হলে কী হবে?”

“কিছুই হবে না মহামান্য ইবান। আমি মানুষ নই, আমার ভিতরে কোনো মান-অপমান বোধ নেই—আমি আপনাকে সাহায্য করতে এসেছি, যেভাবে সবচেয়ে ভালোভাবে সাহায্য করা যায় সেভাবে সাহায্য করব।”

আমি কন্ট্রোল প্যানেলে ফোবিয়ানের ইঞ্জিনগুলোর স্ক্রিনিটি পরীক্ষা করতে করতে বললাম, “ফোবি, আমি যতদূর জানি তোমার নিউরাল নেটওয়ার্ক মানুষের মস্তিষ্ক থেকে অনেক গুণ ভালো। বলা হয়, মানুষ থেকে বারো গুণ বেশি তোমার বুদ্ধিমত্তা—যার অর্থ তুমি আসলে আমার থেকে অনেক বেশি বুদ্ধিমান। কাজেই প্রকৃত অর্থে আমার তোমাকে বলা উচিত মহামান্য ফোবি—”

ফোবি এবারে প্রায় হাসার মতো করে শব্দ করল, বলল, “আপনি ভুল করছেন মহামান্য ইবান, আমি নিউরাল নেটওয়ার্ক নই—আমি শুধুমাত্র নিউরাল নেটওয়ার্কের মানুষের সাথে যোগাযোগকারী মডিউল। নিউরাল নেটওয়ার্ক যদি একটা মানুষ হয় তা হলে আমি তার কঠোর। আমার নিজস্ব বুদ্ধিমত্তা নেই। আর সংশোধনের আনুষ্ঠানিকতার কোনো অর্থ নেই মহামান্য ইবান। দীর্ঘদিন গবেষণা করে দেখা গেছে একজন মানুষ এবং একজন যন্ত্রকে পাশাপাশি কাজ করতে দেওয়া হলে মানুষকে আনুষ্ঠানিকভাবে খানিকটা প্রাধান্য দিতে হয়, পুরো ব্যাপারটি অনেক সহজ হয়, এর বেশি কিছু নয়।”

“ও!” আমি একটা নিশ্বাস নিয়ে বললাম, “এই মহাকাশযানে আমি দীর্ঘ সময়ের জন্য আছি, তোমার সাথে যন্ত্র এবং মানুষ নিয়ে কথা বলা যাবে। এখন ফোবিয়ানকে শুরু করা যাক।”

“বেশ।”

আমি কন্ট্রোল প্যানেল পরীক্ষা করে মূল ইঞ্জিন দুটো চালু করলাম, সাথে সাথে ফোবিয়ানের দুইপাশে বসানো শক্তিশালী ইঞ্জিন দুটি পূর্ণন করে উঠল। আমি ফোবিয়ানের জানালা দিয়ে বিদ্যুৎঝলকের মতো আয়োনিত গ্যাস বের হতে দেখলাম। আমি অসংখ্যবার মহাকাশযানের মূল ইঞ্জিন চালু করে মহাকাশযানকে নিয়ে মহাকাশে ছুটে গিয়েছি কিন্তু প্রথম মুহূর্তটি প্রত্যেকবারই আমাকে একইভাবে অভিজ্ঞত করেছিল।

আমি ফোবিয়ানের তীব্র কম্পন অনুভব করি, মহাকাশযানটি শেষবারের মতো গ্রহটিকে প্রদক্ষিণ করতে শুরু করেছে, শক্তিশালী ইঞ্জিন দুটি প্রদক্ষিণ শেষ করার আগেই এই গ্রহের মহাকর্ষ বলকে ছিন্ন করে উড়ে যাবে।

আমি কন্ট্রোল প্যানেলের দিকে তাকিয়ে বসে থাকি। মহাকাশযানের ভরশূন্য পরিবেশ দূর হয়ে এখন এখানে ত্বরণ থেকে প্রচণ্ড আকর্ষণ শুরু হচ্ছে। আরামদায়ক চেয়ারটিতে অদৃশ্য কোনো শক্তি আমাকে ধীরে ধীরে চেপে ধরতে শুরু করেছে। সাধারণ যে কোনো মানুষ থেকে আমি অনেক বেশি মহাকর্ষ শক্তি সহ্য করতে পারি। কন্ট্রোল প্যানেলে দেখতে পাচ্ছি আমার ওজন বাড়তে শুরু করেছে, মনে হচ্ছে বুকের ওপর অদৃশ্য একটি দানব চেপে

বসেছে। আমার নিশ্বাস নিতে কষ্ট হতে থাকে, চোখের সামনে একটা গাল পরদা কাঁপতে শুরু করে।

আমার কানের কাছে ফোবি ফিসফিস করে বলল, “মহামান্য ইবান, আপনাকে অচেতন করে দিই?”

আমি দাঁতে দাঁত চেপে বললাম, “না।”

“কেন? কেন আপনি এই কষ্ট সহ্য করছেন?”

“জানি না।”

“আর কিছুক্ষণের মাঝে আপনার মাথার মাঝে রক্তপ্রবাহ বন্ধ হয়ে যাবে, আপনি এমনতেই অচেতন হয়ে পড়বেন।”

“তবু আমি দেখতে চাই।” আমি বুঝতে পারি অদৃশ্য শক্তির টানে আমার মুখের চামড়া পিছনে সরে আসছে, চোখ বেলা রাখতে পারছি না, মনে হচ্ছে বুকের ওপর কেউ একটা বিশাল পাথর চাপিয়ে রেখেছে, আমি একবারও বুকতরে নিশ্বাস নিতে পারছি না।

ফোবি আবার ফিসফিস করে বলল, “মহামান্য ইবান। আপনার নিরাপত্তার ব্যতিরেই এখন আপনাকে অচেতন করে রাখা প্রয়োজন। এটি নিষ্পত্তি পাগলামি—”

“আমি জানি।”

“কিছু—”

“ফোবি—তোমরা কি কখনো পাগলামি কর? যন্ত্র কি পাগলামি করতে পারে?”

ফোবি উত্তরে কী বলল আমি শুনতে পেলাম না, কারণ এর আগেই আমি অচেতন হয়ে পড়লাম।

৩

আমার যখন জ্ঞান ফিরে এল তখন মহাকাশযান ফোবিয়ান তার নির্দিষ্ট ব্যাপাথে উড়ে যেতে শুরু করে দিয়েছে। মহাকাশযানে একটি আরামদায়ক মহাকর্ষ বল। আমি নিরাপত্তা বেঁট খুলে চেয়ার থেকে নেমে এসে ডাকলাম, “ফোবি।”

“বলুন মহামান্য ইবান।”

“সবকিছু চলাছে ঠিকভাবে?”

“চলছে মহামান্য ইবান। আপনি সুস্থবোধ করছেন তো?”

“মাথার ভিতরে একটা ভোঁতা ব্যথা, আশা করছি ঠিক হয়ে যাবে।” আমি কন্ট্রোল প্যানেলে দূরে অপসূরমাণ গ্রহটির দিকে তাকিয়ে রইলাম, এখনো নিশ্বাস হতে চায় না আমি আমার জীবনের সবচেয়ে গুরুত্বপূর্ণ অংশ এই অজ্ঞত গ্রহটির ভিতরে একটা বায়োটোমে কাটিয়ে দিয়েছি। আমি মনিটর থেকে চোখ সরাতেই ছোট স্বচ্ছ গোলকটির দিকে চোখ পড়ল, ভিতরে বিচিত্র একটি গাছ, গাছে নীল পাতা তিরতির করে নড়ছে। আমি গাছটিকে দেখিয়ে জিজ্ঞেস করলাম, “এটাই কি সৌভাগ্য-বৃক্ষ?”

“হ্যাঁ মহামান্য ইবান। এটা সৌভাগ্য-বৃক্ষ।”

“মানুষের যখন সৌভাগ্য আসে তখন এই গাছে ফুল ফোটে?”

“সেরকম একটি জনশ্রুতি রয়েছে।”

“তুমি বিশ্বাস কর?”

ফেবি বলল, “সৌভাগ্য জিনিসটা কী সেটাকে নতুন করে ব্যাখ্যা করলেই এটা বিশ্বাস করা যায়।”

“কী রকম?”

“যেমন আপনি যদি ধরে নেন এই বিচিত্র গাছটির ফুল ফুটতে দেখা এক ধরনের সৌভাগ্য।”

আমি হা হা করে হেসে বললাম, “তালোই বলেছে ফেবি। তুমি নিঃসন্দেহে খুব বুদ্ধিমান।”

“খন্যবাদ মহামান্য ইবান।”

আমি গাছটিকে ভালো করে লক্ষ্য করতে করতে বললাম, “এই সৌভাগ্য-বৃক্ষ আমি আমার মায়ের জন্য নিয়ে যাচ্ছি।”

“আমি জানি।”

“তোমার কী মনে হয় ফেবি, আমার মা কি এটা পছন্দ করবেন?”

“নিশ্চয়ই করবেন।”

“তুমি তো আমার মাকে কখনো দেখ নি, তুমি কেমন করে জান?”

“কারণ আপনার মায়ের কাছে জিনিসটির কোনো গুরুত্ব নেই, আপনি এনেছেন এই ব্যাপারটির গুরুত্ব অনেক। তা ছাড়া ‘সৌভাগ্য-বৃক্ষ’ নামটির একটা আকর্ষণ আছে। সৌভাগ্যের জন্য অপেক্ষা করাও মানুষ খুব পছন্দ করে।”

আমি একটু হেসে বললাম, “তোমার কথা শুনে মনে হচ্ছে তুমি মানুষকে খুব ভালো বুঝতে পার।”

“আপনাদের জন্য ব্যাপারটি সহজাত, আমাদের শিখতে হয়। আমরা আনুষ্ঠানিকভাবে মানুষকে বুঝতে শিবি।”

আমি সৌভাগ্য-বৃক্ষ থেকে চোখ সরিয়ে হেঁটে জানালার কাছে এগিয়ে গেলাম, বাইরে নিকম্ব কালো অন্ধকার, তার মাঝে জ্বলজ্বল করে জ্বলছে অসংখ্য নক্ষত্র। মহাকাশযানে একটা মৃদু কম্পন, এ-ছাড়া প্রচণ্ড গতিবেগের কোনো চিহ্ন নেই। মনে হচ্ছে মহাকাশযানটি বুড়ি এক জায়গায় স্থির হয়ে আছে। কিন্তু আমি জানি এটি স্থির হয়ে নেই, প্রচণ্ড গতিবেগে এটি ছুটে চলেছে।

আমি জানালা থেকে চোখ ফিরিয়ে ভিতরে তাকিয়ে বললাম, “সৌভাগ্য-বৃক্ষ ছাড়াও এখানে আমার জন্য আরো একটি জিনিস থাকার কথা।”

“আপনি মহামন্ত্রী রিভুন ক্রিসের মস্তিক ম্যাপিঙের কথা বলছেন?”

“হ্যাঁ। সেটা আছে তো?”

“আছে মহামান্য ইবান। এখনো উপস্থাপন করা হয় নি। আপনি যখন চাইবেন আমাকে জানাবেন, আমি উপস্থাপিত করে দেব।”

“বেশ। আরো কিছু সময় যাক। আমি এই মানুষটির সাথে কথা বলতে খুব আগ্রহী তাই আপনাই বলে ফেলতে চাই না। একটু অপেক্ষা করতে চাই।”

“ঠিক আছে মহামান্য ইবান।”

আমি আবার জানালা দিয়ে বাইরে তাকালাম, কালো আকাশে নক্ষত্রগুলো দেখে বুকের ভিতরে আবার এক ধরনের শূন্যতা অনুভব করতে থাকি।

আমি মহাকাশযান ফেবিয়ানের বিভিন্ন স্তরে ঘুরে ঘুরে পুরোটা পরীক্ষা করে নিই। বাতাসের চাপ, অর্ধতা, ছালাসির পরিমাণ, নিয়ন্ত্রণপ্রক্রিয়া, যোগাযোগ নেটওয়ার্ক, অস্ত্রের সরবরাহ থেকে শুরু করে সৈন্যদের খাবার বা বিনোদনের ব্যবস্থা সবকিছুই খুঁটিয়ে খুঁটিয়ে দেখলাম। পুরো মহাকাশযানটির মাঝেই একটা যত্নের ছাপ রয়েছে। দীর্ঘদিনের পরিশ্রমে

এটাকে ঠাড়া করানো হয়েছে। যত্নপাতি এবং প্রযুক্তি আমাকে প্রকলভাবে আকর্ষণ করে, আমি মুগ্ধ হয়ে ফেবিয়ানের যান্ত্রিক উৎকর্ষ দেখে দেখে সময় কাটিয়ে দিতে লাগলাম।

মহাকাশযানটির পরীক্ষা-নিরীক্ষা এবং খুঁটিয়ে খুঁটিয়ে দেখার অংশটি আমি যাত্রার শুরুতেই করে নিতে চাইছি কারণ এখন এর ভিতরে একটা আরামদায়ক মহাকর্ষ বল রয়েছে। মহাকাশযানটির গতিবেগ প্রতিনিয়ত বেড়ে যাচ্ছে, তার ত্বরনের জন্য এখানে মহাকর্ষ বল—ইঞ্জিন দুটো বন্ধ করে দেবার পর এখানে আর মহাকর্ষ বল থাকবে না। তখন মহাকাশযানটিকে এর অক্ষের উপর ঘুরিয়ে আবার মহাকর্ষ বল তৈরি করতে হবে, সেটা হবে বাইরের দিকে। মহাকাশযান ফেবিয়ানটিকে কাছাকাছি একটা নিউট্রন স্টারের^{২০} দিকে নিয়ে যাওয়া হচ্ছে—তার মহাকর্ষ বলকে ব্যবহার করে মহাকাশযানটিকে আবার প্রচণ্ড একটা গতিবেগ দেওয়া হবে।

কয়েকদিনের মাঝেই আমি এই মহাকাশযানটিতে বেশ অভ্যস্ত হয়ে উঠলাম। আমার জন্য সুসজ্জিত একটা ঘর থাকা সত্ত্বেও আমি কন্ট্রোল প্যানেলের নিচে স্লিপিং ব্যাগের ভিতর ঘুমিয়ে যেতাম। যেটুকু না খেলেই নয় আমি সেটুকু খেয়ে সময় কাটিয়ে দিতাম। একা একা আছি বলে নিজের চেহাবার দিকে কখনো ঘুরে তাকাইতাম না এবং দেখতে দেখতে আমার মুখে নাড়িগোঁফের জঙ্গল হয়ে গেল। অবসর সময় আমি প্রাচীন সঙ্গীত শুনে সময় কাটাতেম এবং কখনো কখনো সময় কাটানো সমস্যা হয়ে গেলে এক টুকরো কৃত্রিম কাঠের টুকরো কুঁদে কুঁদে মানুষের ভাস্কর্য তৈরি করতে শুরু করতাম। কয়েকদিনের মাঝেই মহাকাশযানটি তার প্রয়োজনীয় গতিবেগ অর্জন করে ফেলবে, মূল ইঞ্জিন দুটি বন্ধ করে দেওয়ার পর আমি আবার ভরশূন্য পরিবেশে ফিরে যাব।

মহাকাশযানের জীবনযাত্রায় আমি যখন পুরোপুরি অভ্যস্ত হয়ে উঠলাম তখন একদিন আমার রিভুন ক্রিসের মুখোমুখি হবার ইচ্ছে করল। আমি ফেবিকে বললাম রিভুন ক্রিসের মস্তিকের ম্যাপিঙটিকে ফেবিয়ানের নিউরাল নেটওয়ার্কে উপস্থাপন করতে।

এ ধরনের কাজ অল্প কিছু সময়ের মাঝেই হয়ে যাবার কথা কিন্তু দেখা গেল পুরোটুকু শেষ করতে ফেবির দীর্ঘ সময় লেগে গেল। নিউরাল নেটওয়ার্কে উপস্থাপন শেষ করে ফেবি আমাকে নিচু গলায় বলল, “মহামান্য ইবান, আপনি এখন ইচ্ছে করলে মহামান্য রিভুন ক্রিসের সাথে কথা বলতে পারেন।”

“কীভাবে বলব? কোথায় রিভুন ক্রিস?”

“আপনি অনুমতি নিলে আমি তার হলোপ্রাথমিক ত্রিমাত্রিক একটি প্রতিচ্ছবি আপনার সামনে উপস্থিত করতে পারি।”

“বেশ, তুমি উপস্থাপন কর।”

আমার কথা শেষ হওয়ার আগেই নিয়ন্ত্রণ কক্ষের মাঝামাঝি জায়গায় মধ্যবয়স্ক একজন মানুষের প্রতিচ্ছবি স্পষ্ট হয়ে উঠল। মানুষটি একটা টিলে আলখাটার মতো সাদা পোশাক পরে সোজা হয়ে দাঁড়িয়ে আছে, খুব ধীরে ধীরে সেই মানুষটি আমার দিকে ঘুরে তাকাল। মানুষটিকে দেখে আমি নিজের শরীরে এক ধরনের শিহরন অনুভব করলাম কারণ আমি হঠাৎ করে বুঝতে পারলাম এটি একটি ত্রিমাত্রিক হলোপ্রাথমিক প্রতিচ্ছবি নয়, এটি সত্যিই একজন মানুষ। মানুষটি আমার দিকে তীব্র দৃষ্টিতে তাকিয়ে কঠিন গলায় জিজ্ঞেস করল, “আমি কোথায়?”

আমি দাঁড়িয়ে মাথা নিচু করে তাকে অভিবাদন করে বললাম, “মহামান্য রিভুন, আপনি মহাকাশযান ফেবিয়ানে।”

“আমি এখানে কেন?”

“আপনার সাথে কথা বলার জন্য আমি আপনার মস্তিষ্কের ম্যাপিকে মহাকাশযানের নিউরাল নেটওয়ার্ক উপস্থাপন করেছি।”

মহামান্য রিত্বনের মুখে হঠাৎ একটি গভীর বেদনার ছায়া পড়ল। তিনি বিষণ্ণ গলায় বললেন, “তুমি শুধুমাত্র আমার সাথে কথা বলার জন্য আমাকে এই ভয়ঙ্কর অমানবিক পরিবেশে নিয়ে এসেছ?”

“ভয়ঙ্কর অমানবিক পরিবেশ?”

“হ্যাঁ, এটি একজন মানুষের জন্য একটি ভয়ঙ্কর পরিবেশ, একটি অসহনীয় পরিবেশ।”

আমি একটু চমকে উঠে বললাম, “আমি আসলে বুঝতে পারি নি এই পরিবেশটি আপনার কাছে এত অসহনীয় মনে হবে।”

“বুঝতে পার নি? মহাকাশযানের নিউরাল নেটওয়ার্কের বিশাল শূন্যতার মাঝে আমি একা অনন্তকালের জন্য আটকা পড়ে আছি, আমার জন্ম নেই, মৃত্যু নেই, আদি নেই, অন্ত নেই, শুরু নেই, শেষ নেই—এটি যদি অমানবিক না হয় তা হলে কোনটি অমানবিক?”

“আমি আসলে বুঝতে পারি নি—”

মহামান্য রিত্বন একটা দীর্ঘশ্বাস ফেলে আমার চোখের দিকে তাকালেন, বললেন, “তুমি বুঝতে পার নি?”

“না।”

“বুঝতে চেষ্টা করেছ?”

আমি অপরাধীর মতো বললাম, “আসলে চেষ্টাও করি নি। আমি ভেবেছিলাম এটি আরো একটি মস্তিষ্কের ম্যাপিং—আসলে আপনি যে সত্যিকার একজন মানুষ হিসেবে আসবেন সেটি একবারও বুঝতে পারি নি।”

“হ্যাঁ, তুমি বিশ্বাস কর, আমি সত্যিকারের একজন মানুষ। আমি রিত্বন ক্রিসের মস্তিষ্কের ম্যাপিং নই—আমিই রিত্বন ক্রিস। রক্তমাংসের রিত্বন ক্রিস যেটুকু জীবন্ত ছিল আমি ঠিক ততটুকু জীবন্ত।”

“আমি বিশ্বাস করেছি। আমি আগে বুঝতে পারি নি কিন্তু এখন বুঝতে পেরেছি।”

রিত্বন ক্রিস আমার দিকে দুই পা এগিয়ে এসে জিজ্ঞেস করলেন, “তোমার নাম কী যুবক?”

“আমার নাম ইবান।”

“তুমি কে?”

“আমি এই মহাকাশযানের অধিনায়ক।”

রিত্বন ক্রিস কিছুক্ষণ আমার দিকে তাকিয়ে রইলেন, তারপর কাতর গলায় বললেন, “ইবান, তুমি আমাকে মুক্তি দাও।”

আমি অত্যন্ত বিচলিত হয়ে বললাম, “অবশ্যই আমি আপনাকে মুক্ত করে দেব। অবশ্যই দেব। কীভাবে করতে হয় আমাকে সেটা বলে দেন—”

“আমাকে এই নিউরাল নেটওয়ার্ক থেকে সরিয়ে নাও। আমার অস্তিত্বকে ধ্বংস করে দাও।”

“ধ্বংস করে দেব?”

“হ্যাঁ। আমাকে ধ্বংস করে দাও।”

আমি রিত্বন ক্রিসের দিকে তাকিয়ে রইলাম এবং হঠাৎ করে আমার ভিতরে এক ধরনের আতঙ্ক এসে ভর করল। রিত্বন ক্রিস আমার দিকে তাকিয়ে জিজ্ঞেস করলেন, “কী হয়েছে ইবান?”

“আপনি এত জীবন্ত, আপনাকে ধ্বংস করা তো আপনাকে হত্যা করার মতো। আমি কীভাবে আপনাকে হত্যা করব?”

রিত্বন ক্রিস বিপন্ন গলায় বললেন, “তুমি কী বলতে চাইছ ইবান?”

“আমি—আমি এখন কী করব? আমি আপনাকে এই নিউরাল নেটওয়ার্ক থেকে মুক্ত করতে চাই, কিন্তু সেটি তো একটা হত্যাকাণ্ডের মতো—”

রিত্বন ক্রিস কাতর গলায় বললেন, “তা হলে কি এখান থেকে আমার মুক্তি নেই?”

“আপনি কি নিজেকে নিজে মুক্ত করতে পারেন না?”

“আমি জানি না। আমি যখন বেঁচে ছিলাম তখন প্রযুক্তি এ রকম ছিল না। এ রকম নিউরাল নেটওয়ার্ক ছিল না, সেখানে মানুষের মস্তিষ্ক ম্যাপিং করা যেত না।”

“হ্যতো ফোবি বলতে পারবে।” আমি উইন্সটারের ডাকলাম, “ফোবি—ফোবি—”

ফোবি নিচু গলায় বলল, “বলুন মহামান্য ইবান।”

“তুমি কি নিউরাল নেটওয়ার্কের এমন ব্যবস্থা করে দিতে পারবে যেন মহামান্য রিত্বন ক্রিস নিজেকে নিজে মুছে দিতে পারবেন? অস্তিত্বকে সরিয়ে দিতে পারবেন?”

ফোবি উত্তর দিতে কয়েকমুহূর্ত সময় নিয়ে বলল, “নেটওয়ার্কের কোনো প্রক্রিয়া নিজে থেকে নিজে ধ্বংস করা অত্যন্ত বিপজ্জনক কাজ। সেটি সচরাচর করা হয় না।”

“কিন্তু করা কি সম্ভব?”

ফোবি আবার কয়েক মুহূর্ত সময় নিয়ে বলল, “হ্যাঁ, অত্যন্ত বিশেষ প্রয়োজনে সেটি করা সম্ভব। আপনি যদি নিজে কুঁকি নিয়ে সেটি করতে চান, সেটা করা যেতে পারে।”

“বেশ, তা হলে তুমি ব্যবস্থা করে দাও যেন মহামান্য রিত্বন নিজেকে নিজে নিউরাল নেটওয়ার্ক থেকে অপসারিত করতে পারেন।”

ফোবি আবার কয়েক মুহূর্ত সময় নিয়ে বলল, “আপনি যদি চান, তা হলে তাই করে দেব।”

আমি এবারে রিত্বন ক্রিসের দিকে তাকিয়ে বললাম, “মহামান্য রিত্বন, আপনাকে যেন এই নিউরাল নেটওয়ার্কের আটকা পড়ে থাকতে না হয় তার ব্যবস্থা করে দেওয়া হয়েছে, আপনি নিজেকে নিজে অপসারিত করে নিতে পারবেন।”

মহামান্য রিত্বন কিছুক্ষণ আমার দিকে তাকিয়ে থেকে হাসার চেষ্টা করে বললেন, “তার অর্থ তুমি হত্যা করতে চাও না বলে আমাকে আশ্বস্ততা করতে হবে?”

আমি কী বলব বুঝতে পারলাম না, একটু হতচকিত হয়ে রিত্বন ক্রিসের দিকে তাকিয়ে রইলাম। তিনি একটা দীর্ঘশ্বাস ফেলে বললেন, “বেশ তা হলে তাই হোক।”

নিয়ন্ত্রণ কক্ষের মাধ্যমাধি দাঁড়িয়ে থাকা রিত্বন ক্রিসের প্রতিচ্ছবিটি ধীরে ধীরে মিলিয়ে পেল। আমি একটা নিশ্বাস ফেলে ডাকলাম, “ফোবি।”

“বলুন মহামান্য ইবান।”

“এই সুদীর্ঘ অভিযানে আমি একা, ভেবেছিলাম মহামান্য রিত্বন ক্রিসের সঙ্গে কথা বলে সময় কাটাবে, কিন্তু দেখতে গেলে কী হল?”

“আমি দুর্গমিত মহামান্য ইবান।”

“আসলে তুমি দুর্গমিত নও ফোবি। তোমার দুর্গমিত হবার ক্ষমতাও নেই।”

“আপনি ঠিকই বলেছেন মহামান্য ইবান।”

“এই মহাকাশযানে সময় কাটানো নিয়ে আমার খুব বড় সমস্যা হয়ে যাবে। খুব বড় সমস্যা।”

আমি তখন ঘুণাঙ্করেও সন্দেহ করি নি যে আমার এই কথাটি আসলে ভয়ঙ্করভাবে ভুল প্রমাণিত হবে।

এরপরের কয়দিন অবশ্য আমার সময় কাটানো নিয়ে বড় কোনো সমস্যা হল না, মহাকাশযানটি প্রয়োজনীয় গতিবেগ অর্জন করে ফেলেছে; এখন ইঞ্জিন দুটো বন্ধ করে দিতে হবে। মহাকাশযান পরিচালনার নিয়মকানুনে ইঞ্জিন দুটো হঠাৎ করে বন্ধ করে দেওয়ার ব্যাপারে নানারকম বিধিনিষেধ রয়েছে। এর আগে আমি কখনোই একা কোনো মহাকাশযানে ছিলাম না, কাজেই নিয়মকানুন মেনে চলতে হয়েছে। এবারে সে-ধরনের কোনো সমস্যা নেই, কাজেই আমি ইঞ্জিন দুটো একসাথে হঠাৎ করে বন্ধ করে দেবার প্রকৃতি নিলাম। ফোবি আমার পরিকল্পনা আন্দাজ করে আমাকে সাবধান করার চেষ্টা করল, বলল, “মহামান্য ইবান, মহাকাশযানের ইঞ্জিন হঠাৎ করে বন্ধ করে দেওয়া চতুর্ভু মাজার অনিয়ম।”

“তার মানে জান?”

“জানি মহামান্য ইবান।”

“তার মানে এটি মহাকাশযানের কোনো বড় ধরনের ক্ষতি করবে না।”

“কিন্তু আপনার বড় ধরনের ক্ষতি হতে পারে।”

“মনে হয় না। সেই ছেলেবেলা উঁচু দেয়াল থেকে লাফিয়ে পড়তাম—হঠাৎ করে ভরশূন্য পরিবেশের অনুভূতি খুব চমৎকার অনুভূতি। আমার মনে হয় আমার ছেলেবেলার স্মৃতি মনে পড়ে যাবে।”

“আপনি ছাদে গিয়ে আঘাত করবেন, আপনার সাথে সাথে সকল খোলা যন্ত্রপাতি ছাদে আঘাত করবে, সমস্ত মহাকাশযান প্রচণ্ড একটা ঝাঁকুনিতে কেঁপে উঠবে, নিরাপত্তা যন্ত্রপাতি—”

“আহ ফোবি, তুমি ধামবে? আমি একটা বাচ্চা খোকা নই আর তুমি আমার মা নও! তুমি যদি ভুলে গিয়ে থাক তা হলে তোমাকে মনে করিয়ে দিই, আমি এই মহাকাশযানের অধিনায়ক।”

ফোবি নরম গলায় বলল, “আমি আপনার প্রতি বিশ্বাস্য অসম্মান প্রদর্শন করছি না মহামান্য ইবান, আমি আমার দায়িত্ব পালন করছি মাত্র।”

“চমৎকার! তুমি তোমার দায়িত্ব পালন কর, আমি আমার দায়িত্ব পালন করি!”

আমি শরীরকে আসন্ন ঘটনার জন্য প্রস্তুত করে সুইচকে স্পর্শ করে একসাথে দুটো ইঞ্জিন বন্ধ করে দিলাম। মনে হল সাথে সাথে মহাকাশযানে প্রলয়কাণ্ড ঘটে গেল, প্রচণ্ড শব্দ করে মহাকাশযানটি কেঁপে উঠল, এবং আমি আক্ষরিক অর্থে উড়ে গিয়ে ছাদে আঘাত করলাম, মহাকাশযানের দীর্ঘদিনের অভিজ্ঞতা থাকার কারণে আমি শারীরিক কোনো আঘাত পেলাম না, তবে উড়ে আসা নানা ধরনের যন্ত্রপাতি, আমার অতুল খাবার, জমে থাকা জঞ্জাল এবং অব্যবহৃত পোশাক থেকে নিজেকে রক্ষা করতে বেশ বেগ পেতে হল।

নিয়ন্ত্রণ কক্ষে ভাসমান যন্ত্রপাতি এবং অন্যান্য জঞ্জাল সরিয়ে ধরটিকে আবার ব্যবহারের উপযোগী করতে আমার বেশ কিছু সময় লাগল। ভেসে ভেসে আবার নিয়ন্ত্রণ প্যানেলের সামনে এসে ফোবিকে বললাম, “দেখলে, এটি কোনো ব্যাপার নয়।”

“দেখলাম। তবে আপনি সতর্ক না থাকলে উড়ে আসা যন্ত্রপাতি থেকে আঘাত পেতে পারতেন।”

“কিন্তু আমি সতর্ক থাকব না কেন?”

“সেটি অবশ্য সত্যিই বলেছেন।”

আমি পদার্থ-প্রতিপদার্থের অব্যবহৃত জ্বালানি চৌম্বকীয় ক্ষেত্রে আবদ্ধ করে নিরাপত্তার ব্যাপারটি নিশ্চিত করলাম। যাত্রাপথটি ছক করে নিউট্রন স্টারে পৌঁছাতে কত সময় লাগবে সেটি বের করে নিলাম, পুরো মহাকাশযানের ইন্টিনাটিতে একবার চোখ ফুটিয়ে মহাকাশযানের অধিনায়কের দৈনন্দিন কাজ করতে লক্ষ্য করলাম। মহাকাশযানে পুরোপুরি একা থাকার একটি সুবিধে রয়েছে যেটা আমি মাত্র টের পেতে শুরু করেছি, এখানে আমার এখন কোনো নিয়ম মানতে হয় না।

সমস্ত কাজ শেষ করতে করতে বেশ অনেকক্ষণ সময় লেগে গেল, দীর্ঘদিন মহাকর্ষ বলের মাঝে থেকে হঠাৎ করে ভরশূন্য পরিবেশে এসে যাওয়ায় অভ্যস্ত হতে একটু সময় নিচ্ছে। অধিনায়কের দৈনন্দিন তথ্য প্রবেশ করে আমি ঘুমানোর আয়োজন করলাম, এতদিন তবু একটু শ্রিপিং ব্যাগের ভিতরে ঘুমিয়েছি, এখন আর তারও প্রয়োজন নেই, আমি শূন্যে শুয়ে পড়তে পারি, ভেসে ভেসে দূরে কোথাও না চলে যাই সে জন্য একটা ফিতা দিয়ে একটা পা কন্টোল প্যানেলের সাথে বেঁধে নিলাম। আমি শূন্যে ভাসতে ভাসতে ঘুমানোর জন্য চোখ বন্ধ করেছি তখন আবার ফোবির কথা মনে পেলো, “মহামান্য ইবান, আপনি কিছু না খেয়েই ঘুমিয়ে পড়ছেন। এটি আপনার বাহ্যের জন্য—”

“ফোবি। আমি তোমাকে আগেই বলেছি, তুমি আমার মা নও, তুমি আমার স্ত্রী নও, তুমি আমার কোনো অভিভাবকও নও। আমাকে বিরক্ত কোরো না, ঘুমাতে দাও।”

ফোবি আমাকে আর বিরক্ত করল না এবং আমি কিছুক্ষণের মাঝেই গভীর ঘুমে অচেতন হয়ে পড়লাম।

আমি হঠাৎ ঘুম ভেঙে জেগে উঠলাম, কেন আমার হঠাৎ করে ঘুম ভেঙে গেল আমি জানি না। আমি চোখ খুলে তাকিয়ে আবার পাশ ফিরে ঘুমিয়ে যেতে গিয়ে মনে পড়ল আমি আসলে বিছানায় শুয়ে নেই, শূন্যে খুলে আছি। আমি তখন চোখ খুলে তাকলাম এবং হঠাৎ করে আতঙ্কে আমার সারা শরীর শীতল হয়ে গেল।

নিয়ন্ত্রণ কক্ষের মূল আলো নিভিয়ে রাখা হয়েছে বলে এখানে আবহা এক ধরনের অন্ধকার, ইঞ্জিনগুলো বন্ধ করে দেওয়ার ফলে কোথাও এতটুকু শব্দ নেই। এই ভয়ঙ্কর নৈঃশব্দ্য এবং আলো-আধারিতে আমি স্পষ্ট দেখতে পেলাম নিয়ন্ত্রণ কক্ষের মাঝামাঝি থেকে একজন তরুণী স্থির হয়ে একদৃষ্টে আমার দিকে তাকিয়ে আছে।

আমি চিৎকার করে উঠতে গিয়ে নিজেকে সামলে নিলাম, নিশ্চয়ই আমি স্বপ্ন দেখছি। কিন্তু আমি ততক্ষণ পুরোপুরি জেগে উঠেছি, আমি জানি আমি স্বপ্ন দেখছি না। আমার সামনে একটি তরুণী ভাসছে। এক টুকরা নিও পলিমার দিয়ে শরীরকে ঢেকে রেখেছে, নিয়ন্ত্রণ কক্ষের পরিশোধিত বাতাসের প্রবাহে সেই কাপড়টা উড়ছে। আমি স্থির দৃষ্টিতে তরুণীটির দিকে তাকিয়ে রইলাম, এটি ত্রিমাত্রিক হোলোগ্রাফিক কোনো প্রতিচ্ছবি নয়—তা হলে আমি দেখতে পেতাম দেয়ালের ভিডি টিউব থেকে আলো বের হয়ে আসছে। এটি সত্যি সত্যি রক্তমাংসের একজন তরুণী।

আমি অনেক কষ্টে নিজেকে সামলে নিয়ে শান্ত গলায় জিজ্ঞেস করলাম, “তুমি কে?”

আমার কথায় মেয়েটি ভয়ানক চমকে উঠল এবং আমি দেখতে পেলাম তার মুখে অবর্ণনীয় আতঙ্কের ছায়া পড়ছে। মেয়েটি আমার প্রশ্নের উত্তর না দিয়ে কিছুক্ষণ নিঃশব্দে দাঁড়িয়ে রইল, তারপর আমাকে পাঁচটা প্রশ্ন করল, “তুমি কে?”

আমি বললাম, “আমার নাম ইবান। আমি এই মহাকাশযানের অধিনায়ক।”

“অধিনায়ক?” মেয়েটা খুব অবাক হয়ে বলল, “অধিনায়ক তুমি?”

“হ্যাঁ।”

“তা হলে তোমাকে বেঁধে রেখেছে কেন?”

আমি অবাক হয়ে নিজের দিকে তাকালাম এবং হঠাৎ করে বুঝতে পারলাম, ঘুমানোর আগে আমি যেন ভেসে কোথাও না চলে যাই সে জন্য ফিতা নিয়ে একটা পা বেঁধে রাখার ব্যাপারটি মেয়েটিকে বিখিত করেছে। আমি পা থেকে কিতাটি খুলে বললাম, “কোথাও যেন তেলে চলে না যাই সেজন্য বেঁধে রেখেছিলাম।”

“কেন তুমি ভেসে চলে যাবে? আমি শুনেছি মহাকাশযানে অধিনায়কদের খুব সুন্দর ঘর থাকে।”

“তুমি ঠিকই শুনেছ—”

“তা হলে তুমি সেখানে না ঘুমিয়ে এখানে নিজেকে বেঁধে রেখে শূন্যে বুলে বুলে ঘুমাচ্ছ কেন?”

আমি ঠিক নিজেকে বিশ্বাস করতে পারলাম না যে এরকম বিচিত্র একটা পরিবেশে আমি এ ধরনের আলাপে জড়িয়ে পড়ছি। আমি গলার স্বর যতটুকু সম্ভব শান্ত রাখার চেষ্টা করে বললাম, “দেখ, এসব ব্যাপার নিয়ে আমরা পরেও কথা বলতে পারব। আগে আমার প্রশ্নের উত্তর নাও। আমার জানা প্রয়োজন তুমি হঠাৎ করে কোথা থেকে হাজির হয়েছ।”

মেয়েটি আমার প্রশ্ন শুনে কেন জানি ক্ষুব্ধ হয়ে উঠে বলল, “তুমি যদি মহাকাশযানের অধিনায়ক হয়ে থাক তা হলে তোমার জানা উচিত আমি কোথা থেকে হাজির হয়েছি।”

আমি বিপন্ন গলায় বললাম, “দেখতেই পাছ আমি জানি না। সেজন্যই ব্যাপারটি জরুরি—”

“কেন ব্যাপারটি জরুরি?”

“দাঁড়াও বলছি। তার আগে আমি আলো জ্বলে নিই।”

আমি আলো জ্বালানোর জন্য একটু এগিয়ে যেতেই মেয়েটি চিৎকার করে বলল, “খবরদার, তুমি আমার কাছে আসবে না।”

আমি একটু অপমানিত বোধ করলাম, কিন্তু এই মুহুর্তে মান-অপমান নিয়ে চিন্তা করার সময় নেই। আমি গলার স্বর শান্ত রেখে বললাম, “তোমার ভয় পাওয়ার কোনো কারণ নেই, আমি তোমার কাছে আসব না।”

নিয়ন্ত্রণ প্যানেলের সুইচ স্পর্শ করামাত্র নিয়ন্ত্রণ কক্ষটি উজ্জ্বল আলোতে ভেসে গেল এবং মেয়েটি হাত দিয়ে নিজের চোখ আড়াল করে দাঁড়াল। আমি দেখতে পেলাম মেয়েটি কমবয়সী এবং অপূর্ণ সুন্দরী। মসৃণ ত্বক, কালো চুল এবং সুগঠিত দেহ। মেয়েটির চেহারায় এক ধরনের নির্দোষ সারল্য রয়েছে যেটি আমি বহুদিন কারো মাঝে দেখি নি। মেয়েটি ভরশূন্য পরিবেশে অভ্যস্ত নয়, প্রতি মুহুর্তে সে ভাবছে সে পড়ে যাবে, কিন্তু ভরশূন্য পরিবেশে কেউ কোথাও পড়ে যেতে পারে না এবং এই বিচিত্র অনুভূতির সাথে সে অভ্যস্ত হয়ে যাওয়ার জন্য প্রাণপণ চেষ্টা করে যাচ্ছে। আমি কন্ট্রোল প্যানেলের কাছে দাঁড়িয়ে পুরো প্যানেলটিতে একবার চোখ বুগিয়ে অব্যাকবিক কিছু ঘটেছে কি না দেখার চেষ্টা করলাম—কিন্তু সেরকম কিছু চোখে পড়ল না। আমি মেয়েটির দিকে তাকিয়ে আবার জিজ্ঞেস করলাম, “তুমি কে? কোথা থেকে এসেছ?”

মেয়েটি আমার প্রশ্নের উত্তর না দিয়ে নিও পলিমারের চানরটি টেনে নিজের শরীরকে ভালো করে ঢাকার চেষ্টা করে বলল, “আমার শীত করছে।”

“এই পাতলা নিও পলিমারের টুকরো নিয়ে শরীর ঢাকার চেষ্টা করলে শীত করতেই পারে। আমি তোমার গরম কাপড়ের ব্যবস্থা করে দিচ্ছি।”

মেয়েটি কোনো কথা না বলে আমার দিকে বড় চোখে তাকিয়ে রইল। আমি আবার জিজ্ঞেস করলাম, “তুমি কে?”

“আমার নাম মিত্তিকা।”

“মিত্তিকা, তুমি কোথা থেকে এসেছ?”

“আমি জানি না। হঠাৎ করে আমার ঘুম ভেঙে গেল, আমি ঘুম থেকে উঠে ভাসতে ভাসতে এদিকে এসেছি—”

“তার মানে তুমি কার্পো বে’তে রাখা শীতল ক্যাপসুল থেকে উঠে এসেছ?”

“আমি সেটা জানি না। আমি রিশি নক্ষত্রপুঞ্জ যাবার জন্য রেজিস্ট্রি করিয়েছিলাম, কথা ছিল সেখানে পৌঁছার পর আমাকে জাগানো হবে। কিন্তু—”

মেয়েটি অভিযোগের সুরে আরো কিছু কথা বলতে থাকে কিন্তু আমি ভালো করে সেটা শুনতে পেলাম না, হঠাৎ করে এক ধরনের অত্যন্ত আশঙ্কায় আমার ত্বক কুঞ্চিত হয়ে উঠল। আমি চাপা গলায় ডাকলাম, “ফোবি।”

ফোবি একেবারে কানের কাছ থেকে ফিসফিস করে বলল, “বলুন মহামান্য ইবান।”

“এটা কী করে হল? এই মেয়েটি ঘুম থেকে জেগে উঠল কেমন করে?”

“বলতে পারছি না মহামান্য ইবান। আমার দুটি সম্ভাবনার কথা মনে হচ্ছে।”

“কী সম্ভাবনা?”

ফোবি উত্তর দেবার আগেই মিত্তিকা ভয়-পাওয়া গলায় চিৎকার করে উঠল, “তুমি কর সাধে কথা বলছ?”

আমি মিত্তিকাকে ভরসা দেবার ভঙ্গিতে বললাম, “ফোবির সঙ্গে। ফোবি হচ্ছে এই মহাকাশযানের মানুষের সাথে যোগাযোগ করার ইন্টারফেস।”

“সে কোথায়?”

“তুমি তাকে দেখতে পাবে না।”

মিত্তিকা আমার কথা বিশ্বাস করল বলে মনে হল না, কেমন জানি ভয়র্ভত চোখে আমার দিকে তাকিয়ে রইল। আমি ফোবিকে জিজ্ঞেস করলাম, “তুমি কী সম্ভাবনার কথা বলছ?”

“আপনি যখন ফোবিয়ানের দুটি ইঞ্জিন একসাথে বন্ধ করে দিয়েছিলেন তখন প্রচণ্ড ঝাঁকুনিতে কোনো একটি শীতল ক্যাপসুল খুলে গিয়েছে, নিরাপত্তা সার্কিট তখন তিতরের মানুষটিকে বাঁচিয়ে তুলেছে।”

আমি মাথা নাড়লাম, বললাম, “না। সেটা খুব সম্ভবযোগ্য মনে হচ্ছে না। দ্বিতীয় সম্ভাবনাটা কী?”

“রিতুন ক্রিসকে যখন আমরা নিজেকে নিজে অপসারণক্ষমতা দিয়েছি তখন নিউরাল নেটওয়ার্কের স্মৃতির একটা বড় অংশ নষ্ট হয়ে গিয়েছে। তার ফল হিসেবে শীতল ক্যাপসুলের মানুষেরা জেগে উঠেছে।”

“সর্বনাশ!”

মিত্তিকা একটু এগিয়ে আসার চেষ্টা করে গলার স্বর উঁচু করে বলল, “সর্বনাশ কেন?”

“তোমাকে নিয়ে আমি সর্বনাশ বলছি না।”

“তা হলে কাকে নিয়ে সর্বনাশ বলছ?”

“তোমাদের সাথে ম্যাক্সেল কুস নামে একজন ভয়ঙ্কর ডাকাত রয়েছে, তাকে নিয়ে বলছি। এই মানুষটি যদি জেগে উঠে থাকে তা হলে আমাদের খুব বড় বিপদ।”

ফেবি নিছু গলায় আমাকে ডাকল, “মহামান্য ইবান।”

“বল।”

“কিছু একটা নিয়ে একটু সমস্যা আছে। কার্গো বে’তে যোগাযোগ করা যাচ্ছে না। নিয়ন্ত্রণ নিয়ে সমস্যা হচ্ছে।”

আমি হঠাৎ করে এক ধরনের আতঙ্ক অনুভব করলাম, সত্যিই যদি মিত্তিকার মতো ম্যাসেল ক্রাসও জেগে উঠে থাকে তা হলে কী হবে? আমি চাপা গলায় ডাকলাম, “ফেবি।”

“বলুন মহামান্য ইবান।”

“আমার একটু কার্গো বে’তে যেতে হবে।”

ফেবি কোনো কথা বলল না।

“কী হয়েছে নিজের চোখে দেখে আসতে হবে।”

এবারেও ফেবি কোনো কথা বলল না।

“ফেবি।”

“বলুন মহামান্য ইবান।”

“আমার মনে হয় খালি হাতে যাওয়া ঠিক হবে না। অস্ত্রাগার থেকে একটা অস্ত্র নিয়ে যাই। কী বল?”

“ঠিক আছে।”

মিত্তিকা চোখ বড় বড় করে আমাদের কথা শুনছিল, এবারে ভয়ানক গলায় বলল, “তুমি কোথায় যাচ্ছে?”

“কার্গো বে’তে। তুমি এখানে একটু অপেক্ষা কর।”

“না, আমার ভয় করে।”

“এখানে ভয়ের কিছু নেই।”

“যদি ভয়ের কিছু না থাকে তা হলে হাতে অস্ত্র নিয়ে যাচ্ছ কেন?”

প্রশ্নটির ভালো কোনো উত্তর ভেবে পেলাম না, মিত্তিকা নিজেই বলল, “আমি তোমার সাথে যাব।”

“তুমি তো ভরশূন্য পরিবেশে অভ্যস্ত নও, তেসে তেসে যেতে পারবে না।”

“তেসে তেসে যদি যেতে না পারি তা হলে এখানে এসেছি কেন?”

আমি এই প্রশ্নটিরও উত্তর দিতে পারলাম না, মাথা নেড়ে বললাম, “ঠিক আছে চল।”

আমি মিত্তিকাকে নিয়ে নিয়ন্ত্রণ কক্ষ থেকে মূল করিডোর ধরে তেসে তেসে ফেবিরানের মাঝামাঝি সুবিকিত ঘরটি থেকে একটা শক্তিশালী অস্ত্র তুলে নিলাম, লেজার রশ্মি দিয়ে লক্ষ্যকব্জকে আবদ্ধ করে শক্তিশালী বিস্ফোরক ছুড়ে দেবার একটা অতি প্রাচীন কিন্তু কার্যকর অস্ত্র।

অস্ত্রটি উত্তর সাথে বেঁধে নিয়ে আবার আমি ভাসতে ভাসতে এগিয়ে যেতে থাকি, ভরশূন্য পরিবেশে তেসে তেসে যাওয়া নিয়ে মিত্তিকা যদিও খুব বড় গলায় কথা বলেছে কিন্তু আসলে অত্যন্ত না থাকায় সহজে এগিয়ে যেতে পারছিল না, আমি তাকে একহাতে টেনে নিয়ে যাচ্ছিলাম।

কার্গো বে-এর দরজা হাট করে খোলা, ভিতরে আবছা অন্ধকার। আমি আলো জ্বাললাম, ঘরের মাঝামাঝি একটা ক্যাপসুল ওলটপালট খেয়ে ভাসছে। ক্যাপসুলটি হাঁ করে খোলা। আমি চাপা গলায় জিজ্ঞেস করলাম, “মিত্তিকা, এটা কি তোমার ক্যাপসুল?”

মিত্তিকা মাথা নাড়ল, বলল, “না। আমারটা ওই পাশে।”

আমি উকু থেকে বুলে অস্ত্রটা হাতে নিয়ে একটা ঝটকা দিয়ে ক্যাপসুলের দিকে এগিয়ে পেলাম। ক্যাপসুলের দরজা খোলা, ভিতরে কেউ নেই। ক্যাপসুলের পাশে ম্যাসেল ক্রাসের নাম লেখা—এটাতে তাকে আটকে রাখা ছিল।

ভয়ের একটা শীতল শ্রোত আমার মেসপেও দিয়ে বয়ে গেল, ম্যাসেল ক্রাস ক্যাপসুল থেকে বের হয়ে এসেছে।

এই মহাকাশযানের কোথাও সে আমার জন্য অপেক্ষা করছে।

৪

আমি মিত্তিকাকে নিয়ে মহাকাশযানের নির্জন করিডোর ধরে ফিরে আসছিলাম, ম্যাসেল ক্রাস—এই মহাকাশযানের কোথাও লুকিয়ে আছে, হঠাৎ করে ভয়ঙ্কর চিৎকার করে অস্ত্র হাতে আমার ওপর ঝাঁপিয়ে পড়বে এই ধরনের একটা আশঙ্কায় আমার বুকের ভিতর হৃৎপিণ্ড ধক্ধক্ করে শব্দ করতে থাকে। করিডোরের মাঝামাঝি এসে আমি চাপা গলায় ফেবিকে ডাকলাম, “ফেবি।”

ফেবি আমার কানের কাছে থেকে উত্তর দিল, “বলুন মহামান্য ইবান।”

“ম্যাসেল ক্রাস শীতল ক্যাপসুল থেকে বের হয়ে গেছে।”

“আমি জানি।”

“তুমি কেমন করে জানা? কার্গো বে’তে তো নিউরাল নেটওয়ার্কের যোগাযোগ নেই।”

“ম্যাসেল ক্রাস নিয়ন্ত্রণ কক্ষে বসে আছে।”

আমি চাপা গলায় চিৎকার করে বললাম, “কী বললে?”

“বলেছি ম্যাসেল ক্রাস নিয়ন্ত্রণ কক্ষে বসে আছে।”

আমার নিজের কানকে বিশ্বাস হল না, অবিশ্বাসের গলায় বললাম, “কী বললে, নিয়ন্ত্রণ কক্ষে বসে আছে?”

“ঠিক করে বললে বলতে হয় তেসে আছে।”

“কেন?”

“মনে হয় তোমার জন্য অপেক্ষা করছে।”

“আমার জন্য? আমার জন্য কেন?”

“যতদূর মনে হয় মহাকাশযানের নিয়ন্ত্রণটি নিতে চায়।”

“ওর কাছে কি কোনো অস্ত্র আছে?”

“নেই।”

“একবারে খালি হাতে আমার জন্য অপেক্ষা করছে?”

“হ্যাঁ। মানুষটি খুব আত্মবিশ্বাসী।”

“তুমি কীভাবে জানা?”

ফেবি একটু ইতস্তত করে বলল, “মানুষের চরিত্রের সাথে পরিচিত হওয়ার জন্য আমাদের বিশেষ করে প্রস্তুত করা হয়।”

“ও।”

আমি মিত্তিকার দিকে তাকালাম, সে পুরো ব্যাপারটি এখনো বুঝতে পারছে না,

খানিকটা বিষয় এবং অনেকখানি আতঙ্ক নিয়ে সে আমার দিকে তাকিয়ে আছে। শুকনো মুখে বলল, “এখন কী হবে?”

প্রশ্নটি অত্যন্ত সহজ এবং সরল কিন্তু এর উত্তরটি সহজ কিংবা সরল নয়। আমার হঠাৎ করে মনে হতে থাকে যে, এই প্রশ্নটির উত্তর কারোই জানা নেই। কিন্তু মিত্তিকাকে আমি সে কথা বলতে পারি না। মহাকাশযানের অধিনায়ক হিসেবে এ রকম পরিবেশে যে ধরনের উত্তর দেবার কথা আমি সেরকম একটি দিলাম। বললাম, “পুরো ব্যাপারটি বিশ্লেষণ না করে এখন কিছু বলা যাচ্ছে না।”

মিত্তিকা ক্যাকাসে মুখে আমার দিকে তাকিয়ে শুকনো গলায় বলল, “তার মানে ম্যাস্কেল কাস আমাদের সবাইকে মেরে ফেলাবে?”

“মানুষকে মেরে ফেলা এত সহজ ব্যাপার নয়।”

“কিন্তু তুমি তো মানুষকে মেরে ফেলার জন্য একটা অস্ত্র নিয়ে ঘুরে বেড়াচ্ছ।”

আমি এই কথাই উত্তর দেব বৃকতে পারলাম না—উত্তর দেওয়ার সময় হল না, কারণ ততক্ষণে আমার নিয়ন্ত্রণ কক্ষ পৌঁছে গেছি। নিয়ন্ত্রণ প্যানেলের সামনে একজন মানুষ আমার দিকে পিছন ফিরে দাঁড়িয়ে আছে—মানুষটি নিশ্চয়ই ম্যাস্কেল কাস।

প্রথমেই আমার যে কথাটি মনে হল সেটি হচ্ছে ইচ্ছে করলেই আমি তাকে এখনই গুলি করে মেরে ফেলতে পারি। এই ধরনের একটা কথা আমার মাথায় এসেছে বলে পরমুহুর্তে হঠাৎ করে আমার নিজের ওপর এক ধরনের ঘৃণাবোধের জন্ম হল। আমি কিছু বলার আগেই ম্যাস্কেল কাস ধীরে ধীরে ঘুরে আমার দিকে তাকাল, ভরশূন্য পরিবেশে তার সহজে ঘোরার ভঙ্গি দেখে আমি বৃকতে পারলাম সে তার জীবনের দীর্ঘ সময় মহাকাশযানে কাটিয়েছে।

ম্যাস্কেল কাস মানুষটি সুদর্শন বলে জনেছিলাম এবং আমি দেখতে পেলাম কথাটি সত্য। তার মাথায় কালো চুল, খাড়া নাক এবং পতীর নীল চোখ। গায়ের রং তামাটে এবং মুখে এক ধরনের চাপা হাসি। আমি আবেকটু এগিয়ে গেলাম এবং হঠাৎ করে আবিষ্কার করলাম মানুষটি সুদর্শন হলেও সেখানে এক ধরনের বিচিত্র কদর্যতা বুকিয়ে আছে। সেই কদর্যতাটি কোথায়—তার চোখের দৃষ্টিতে নাকি মুখের চাপা হাসিতে আমি ঠিক ধরতে পারলাম না। মানুষটি আমার চোখের দিকে তাকাল এবং তার মুখের হাসিটি আরো বিস্তৃত করে বলল, “তোমাকে আমি একটি সুযোগ দিয়েছিলাম, তুমি সেই সুযোগ গ্রহণ করলে না।”

ম্যাস্কেল কাসের কথা বলার ভঙ্গিটি অত্যন্ত বিচিত্র। মনে হয় প্রত্যেকটা শব্দ আলাদা আলাদাভাবে উচ্চারণ করে এবং কথাটি শেষ হবার পরও মনে হয় তার কথা এখনো শেষ হয় নি।

কোনো একটি বিচিত্র কারণে ম্যাস্কেল কাস কী বলছে আমি সেটা বৃকতে পারলাম এবং সেজন্য আমার নিজের ওপর আবার একটু ঘৃণাবোধের জন্ম হল। ম্যাস্কেল কাসের মুখের ভঙ্গি খুব ধীরে ধীরে পরিবর্তিত হল, সে মুখের হাসি সরিয়ে সেখানে এক ধরনের অনুকম্পার ভাব ফুটিয়ে জ্বিল্জ্বল করল, “তোমার হাতে অস্ত্র ছিল, তুমি কেন আমাকে হত্যা করলে না?”

“যদি তোমাকে হত্যা করার প্রয়োজন হত, আমি তা হলে নিশ্চয়ই তোমাকে হত্যা করতাম ম্যাস্কেল কাস।”

ম্যাস্কেল কাস মাথা নেড়ে আবার আলাদা আলাদাভাবে একটি একটি শব্দ উচ্চারণ করে বলল, “আমি কিছু প্রয়োজন ছাড়াই হত্যা করতে পারি।”

আমি তার কথাটি না শোনার ভান করে একটা নিশ্বাস ফেলে বললাম, “তুমি কী চাও?”

“আপাতত এই মহাকাশযানটির কর্তৃত্ব চাই। এটিকে আমার নিজের এলাকায় নিতে চাই।”

“আমি দুর্গবিত ম্যাস্কেল কাস সেটি সম্ভব নয়। আমি এই মহাকাশযানের অধিনায়ক—”

আমার কথা শেষ হবার আগেই ম্যাস্কেল কাস তার ডান হাত উপরে তুলে আমার মাথার উপরে অকুলি নির্দেশ করল, এবং হঠাৎ করে আমি ভয়ঙ্কর আতঙ্কে শিউরে উঠলাম, আমি বৃকতে পারলাম, ম্যাস্কেল কাস একজন হাইব্রিড^{২৪}, একই সাথে যন্ত্র এবং মানুষ। তার শরীরের ভিতরে অস্ত্র, সেই অস্ত্র ব্যবহার করে সে তার আঙুলের ভিতর দিয়ে ভয়ঙ্কর বিস্ফোরক ছুড়ে দিতে পারে। আমি হতবাক হয়ে তাকিয়ে রইলাম এবং হঠাৎ বিন্দুংকলকের মতো তার আঙুল থেকে বিস্ফোরক ছুটে এল। আমি মিত্তিকাকে নিয়ে নিয়ন্ত্রণ কক্ষের নিচে ঝাঁপিয়ে পড়লাম, মাথার উপর দিয়ে বিস্ফোরক ছুটে গেল এবং প্রচণ্ড বিস্ফোরণে নিয়ন্ত্রণ কক্ষের দেয়াল চূর্ণ হয়ে গেল।

ম্যাস্কেল কাস তার হাত নামিয়ে আনে, আমি দেখতে পেলাম তার আঙুলের ডগা থেকে রক্ত ছুইয়ে পড়ছে, শরীরের ভিতরে বিস্ফোরক নুকানো থাকে, চামড়া ভেদ করে সেটি বের হয়ে এসেছে। ভরশূন্য পরিবেশে আমি কয়েকবার লুটোপুটি খেয়ে নিজেকে সামলে নিলাম, ম্যাস্কেল কাস নিয়ন্ত্রণ প্যানেল থেকে সাবলীল ভঙ্গিতে একটি লাফ দিয়ে একেবারে আমার সামনে এসে হাজির হল—আমি ততক্ষণে উরু থেকে আমার অস্ত্রটি বের করে এনেছি। ম্যাস্কেল কাসের দিকে সেটি তাক করে বললাম, “তুমি দুই হাত উপরে তুলে দাঁড়াও ম্যাস্কেল কাস।”

ম্যাস্কেল কাস এমনভাবে হেসে উঠল যেন আমি অত্যন্ত মজার একটা কথা বলেছি। আমি কঠোর মুখে বললাম, “আমি এই মহাকাশযানের অধিনায়ক। আমি তোমাকে আদেশ দিচ্ছি তুমি দুই হাত উপরে তুলে দাঁড়াও—”

ম্যাস্কেল কাসের মুখে একটা বিচিত্র হাসি ফুটে উঠল এবং সে হাত উপরে না তুলে খুব ধীরে ধীরে আমার দিকে এগিয়ে আসতে শুরু করে। আমি স্বয়ংক্রিয় অস্ত্রটি তাক করে চিংকার করে বললাম, “খবরদার—”

ম্যাস্কেল কাস ভ্রক্ষেপ করল না। ধীরে ধীরে তার হাত আমার দিকে তুলে ধরতে শুরু করল এবং আমি তখন মরিয়া হয়ে স্বয়ংক্রিয় অস্ত্রটির ট্রিগার টেনে ধরলাম। ভয়ঙ্কর বিস্ফোরণের শব্দে কানে তাল লাগে গেল এবং ম্যাস্কেল কাস নিয়ন্ত্রণ কক্ষের দেয়ালে গিয়ে ছিটকে পড়ল। আমি তখনো ধরধর করে কাঁপছি, জীবনে কখনো কোনো মানুষকে নিজ হাতে খুন করতে হবে ভাবি নি। আমি পতীর বিতৃষ্ণা নিয়ে আবিষ্কার করলাম ব্যাপারটি এমন কিছু কঠিন নয়। মিত্তিকা আমার হাত ধরে বলল, “ইবান।”

“কী হল?”

“ঐ দেখ—”

আমি মাথা ঘুরিয়ে দেখলাম, ম্যাস্কেল কাস আবার সোজা হয়ে দাঁড়িয়েছে। তার শরীরে আঘাতের কোনো চিহ্ন নেই। সে আমার দিকে তাকিয়ে হাসল, তারপর একটা নিশ্বাস ফেলে নিজের গালের চামড়াকে ধরে টেনে লম্বা করে ফেলতে থাকে, আমি সন্ধিখেয়ে দেখলাম গলিত পলিমারের মতো সেটা উপরে উঠে আসছে, বেশ খানিকটা উপরে তুলে এনে ছেড়ে দিতেই সেটা শব্দ করে আবার রবারের মতো নিচে নেমে এল। মিত্তিকা শিউরে উঠে আমাকে জাপটে ধরে ফিসফিস করে বলল, “দানব, নিশ্চয়ই দানব।”

ম্যাস্কেল কাস মাথা নাড়ল, বলল, “না। দানব না। হাইব্রিড। আধা যন্ত্র আধা মানুষ। আমার চামড়ার ওপর সূক্ষ্ম বায়োমারের^{২৫} আস্তরণ রয়েছে। সেটাকে ভেদ করে যাবার মতো কোনো বিস্ফোরক নেই। আমাকে হত্যা করার মতো কোনো অস্ত্র তৈরি হয় নি মেয়ে।”

আমি হতচকিতের মতো তাকিয়ে রইলাম, ম্যাক্সেল কাসের চোখ দুটি হঠাৎ হিংস্র পত্ন মতো ঝুলে ওঠে, সে আমার কাছে এগিয়ে এসে আঙুল নির্দেশ করে বলল, “কিন্তু তোমার মতো মানুষকে সহস্রবার ছিন্তিত্ব করে দেবার মতো অস্ত্র আমার দেখে আছে।”

আমি নিশ্বাস বন্ধ করে রইলাম, ম্যাক্সেল কাস আমার দিকে আরো এক পা এগিয়ে এল, তারপর ফিসফিস করে বলল, “কিন্তু আমি এই মুহুর্তে তোমাকে ছিন্তিত্ব করে দেব না। কারণ তোমাকে আমার প্রয়োজন।”

আমি ছিন্ন চোখে ম্যাক্সেল কাসের দিকে তাকিয়ে রইলাম। ম্যাক্সেল কাস আলাদা আলাদাভাবে প্রতিটি শব্দ উচ্চারণ করে বলল, “আমি কি তোমার নিকট থেকে প্রয়োজনীয় সহযোগিতা পেতে পারি?”

আমি কোনো উত্তর দিলাম না, ম্যাক্সেল কাসের মুখে আবার হাসি ফুটে উঠল, বলল, “নিশ্চয়ই পেতে পারি। এই মেয়েটিকে আমি সেক্ষণ্য শীতল ঘর থেকে বের করে এনেছি। তুমি নিশ্চয়ই এ রকম কমবয়সী একটি মেয়ের শরীরকে ছিন্তিত্ব হতে দেখতে চাও না।”

আমি চুপ করে রইলাম। ম্যাক্সেল কাস চাপা গলায় বলল, “চাও ইবান?”

মিতিকা আমাকে ধরে আর্তচিৎকার করে ধরধর করে কেঁপে উঠল। আমি মাথা নাড়লাম, “না চাই না।”

“চমৎকার।”

ম্যাক্সেল কাস এবারে শূন্য ভেসে আবার নিয়ন্ত্রণ প্যানেলের কাছে ফিরে গেল, সেখানে দাঁড়িয়ে আমার দিকে তাকিয়ে বলল, “তোমরা বিশ্রাম নিতে যাও। আমার যখন প্রয়োজন হবে আমি তোমাদের ডাকব।”

আমি মিতিকাকে ধরে ঘর থেকে বের হয়ে যাচ্ছিলাম, ম্যাক্সেল কাস আবার ডাকল, “ইবান।”

“বল।”

“তোমার প্রয়োজনীয় অস্ত্রটি রেখে যাও। বুঝতেই পারছ এটি তোমার জন্য একটি জগাল ছাড়া আর কিছু নয়।”

আমি হাতের অস্ত্রটি ম্যাক্সেল কাসের দিকে ছুড়ে দিলাম, সে হাত দিয়ে সেটিকে সরিয়ে দিয়ে নিয়ন্ত্রণ প্যানেলের ওপর বুক পড়ল, অস্ত্রটি সত্যি সত্যি অপ্রয়োজনীয় জগালের মতো ঘরে পাক খেয়ে ভেসে বেড়াতে থাকে।

প্রায় হিন্তিরিয়াস্তু মিতিকাকে ঘুমের ওষুধ দিয়ে একটা বিশ্রামঘরে শুইয়ে আমি নিজের ঘরে ফিরে এসেছি। অধিনায়কের জন্য আলাদা করে রাখা আমার এই ঘরটিতে আমি খুব একটা আসি নি। দরজা খুলে ভিতরে ঢুকে আমি চমকে উঠলাম, আমার বিছানার পাশের আরামদায়ক চেয়ারে কেউ একজন বসে আছে। আমাকে দেখে মানুষটি ঘুরে তাকাল এবং আমি তাকে চিনতে পারলাম, মানুষটি রিতুন ক্রিস, সত্যিকারের মানুষ নয়, তার হলোশাফিক প্রতিশ্রুতি।

আমি অবাক হয়ে বললাম, “মহামান্য রিতুন ক্রিস, আপনি?”

“হ্যাঁ আমি।”

“আমি ভেবেছিলাম আপনি এই নিউরাল নেটওয়ার্ক থেকে মুক্তি নিয়ে আমাদের এখান থেকে চলে গেছেন।”

“হ্যাঁ, আমি মুক্তি চেয়েছিলাম, কিন্তু যে কারণে তুমি আমাকে হত্যা করতে পার নি, ঠিক সেই কারণে আমিও নিজেকে হত্যা করতে পারি নি। তা ছাড়া—”

“তা ছাড়া?”

“তা ছাড়া ম্যাক্সেল কাসের কাজ দেখে হঠাৎ আমার একটু কৌতূহল হল, ইচ্ছে হল সে কী করে দেখি।”

“দেখেছেন?”

“হ্যাঁ দেখেছি। পত দুই শ বছরে প্রযুক্তির অনেক উন্নতি হয়েছে। আমাদের সময় হাইব্রিড ছিল না। অত্যন্ত বিচিত্র একটি প্রক্রিয়া। অত্যন্ত বিচিত্র একটি ধারণা।”

আমি একটি নিশ্বাস ফেললাম। রিতুন ক্রিস আমার দিকে তাকিয়ে বললেন, “তোমাকে খুব বিচলিত মনে হচ্ছে ইবান।”

আমি একটু অবাক হয়ে বললাম, “এটি কি বিচলিত হওয়ার মতো ব্যাপার নয়? আমি একটি মহাকাশযানের অধিনায়ক। সেই মহাকাশযানের শীতল ক্যাপসুল থেকে একটি দস্যু বের হয়ে পুরো মহাকাশযানটি দখল করে ফেলল। আমাকে এখন তার কথা শুনতে হবে, তা না হলে সে মানুষ খুন করে ফেলবে।”

রিতুন ক্রিস শব্দ করে হাসলেন, বললেন, “জীবনকে এত গুরুত্ব দিয়ে নিতে হয় না। একটি দস্যুর যা করার কথা সে তাই করেছে। তুমি একটি মহাকাশযানের অধিনায়ক, তোমার যা করার কথা তুমি তাই কর।”

“আমি কী করব?”

“আমি সেটা কেমন করে বলি? তবে তুমি কী কর আমি সেটাও দেখার জন্য খুব কৌতূহল নিয়ে অপেক্ষা করছি।”

“মহামান্য রিতুন, আপনি সর্বকালের একজন শ্রেষ্ঠ প্রতিভাবান মানুষ। আমি খুব সাধারণ একজন মানুষ, শুধুমাত্র পরিশ্রম করে আমি এ পর্যন্ত এসেছি। আমি বড় বিপদ দেখি নি, কীভাবে সেটার মুখোমুখি হতে হয় জানি না।”

“সেটা কেউই জানে না ইবান। জীবনের অভিজ্ঞতা দিয়ে সেটা শিখতে হয়।”

“আমি আপনার কাছে সাহায্য চাই মহামান্য রিতুন।”

মহামান্য রিতুন একটা নিশ্বাস ফেলে বললেন, “তোমাদের এই পুরো ব্যাপারটি আমার কাছে একটি পরাবাস্তব নাটিকার মতো—আমি এর একজন দর্শক। এর ভালো-মন্দে আমার কিছু আসে-যায় না। আমি এতে অংশ নিতে পারব না ইবান। আমি শুধু দেখে যাব।”

“আপনি বলতে চাইছেন ম্যাক্সেল কাস যদি এক জন এক জন করে মানুষ খুন করতে থাকে আপনি এতটুকু বিচলিত হবেন না?”

“আমি বলতে পারছি না ইবান। আমি হয়তো বিচলিত হব, অভিনয় জেনেও মানুষ অভিনেতার ভালো অভিনয় দেখে অভিভূত হয়।”

আমি দুই হাতে নিজের হুল ধরে টানতে থাকি, তারপর কাতর গলায় বলি, “মহামান্য রিতুন, আপনি একবার বলুন, আমি কী করব।”

মহামান্য রিতুন দীর্ঘ সময় চুপ করে থেকে বললেন, “জীবনকে সহজভাবে নাও ইবান। খুব সহজভাবে নাও।”

“তার অর্থ কী?”

“আমি বলে দিলে তুমি বুঝবে না। তোমার নিজেকে সেটা বুঝতে হবে।”

“আমি খুব সাধারণ মানুষ। আমি কী বুঝব?”

“এই বিশ্বব্রহ্মাণ্ডে কেউ সাধারণ নয়। সবাই অসাধারণ, সেটা শুধু তাকে জানতে হয়। কেউ তার জীবনে সেটা জানে, কেউ জানে না।”

ম্যাক্সেল কুস আমাকে বিশ্রাম নিতে বলেছে কিন্তু আমি জানি আমি বিশ্রাম নিতে পারব না। আমি আমার ঘরে নিদ্রাহীন হয়ে শুয়ে রইলাম, রিতুন ক্লিস আমাকে পুরো ব্যাপারটি সহজভাবে নিতে বলেছেন কিন্তু আমি এটা সহজভাবে নিতে পারছি না। আমাকে পঞ্চম মাত্রার একটা মহাকাশযানের অধিনায়ক করে পাঠানো হয়েছে কিন্তু ম্যাক্সেল কুসের মতো একজন হাইব্রিড দস্যু সেই মহাকাশযানটির কর্তৃত্ব নিয়ে নিয়েছে—এটি কি সহজভাবে নেওয়া সম্ভব? আমি লি-হানের কাছে এটা নিয়ে সন্দেহ প্রকাশ করেছিলাম, আমার সেই সন্দেহটাই তো সত্যি প্রমাণিত হল। আমি যদি পুরো ব্যাপারটি সহজভাবে নিতে চাই তা হলে ধরে নিতে হবে কোনো কিছুতেই আর কিছু আসে-যায় না। ফোবিয়ান থাকুক বা না-থাকুক, আমি থাকি বা না-থাকি, ম্যাক্সেল কুস থাকুক বা না-থাকুক কিছুতেই আর কিছু আসে-যায় না। এই বিশ্বব্রহ্মাণ্ডের লক্ষ কোটি নক্ষত্রের অসংখ্য প্রাণিজগতের তুলনায় মানুষ ক্ষুদ্র একটি প্রাণী, তাদের কয়েকজনের ভাগ্যে কী ঘটেছে সেটা এমন কোনো গুরুত্বপূর্ণ ঘটনা নয়। আমার বেঁচে থাকা না-থাকাও এমন কোনো গুরুত্বপূর্ণ ব্যাপার নয়। আমি মোটামুটি একটা জীবন উপভোগ করেছি সেই জীবনকে দীর্ঘ থেকে দীর্ঘতর করতে হবে এমন কোনো কথা নেই—কাজেই আমার যা ইচ্ছে আমি তাই করতে পারি।

হঠাৎ করে আমি নিজের ভিতরে নতুন এক ধরনের শক্তি অনুভব করতে থাকি, মনে হতে থাকে সত্যিই জীবনকে সহজভাবে নিতে হবে—এর জটিলতা আমাকে যেন স্পর্শ করতে না পারে।

আমি শুয়ে থেকে থেকে নিজের অজান্তেই এক সময় ঘুমিয়ে পড়লাম।

আমাকে ম্যাক্সেল কুস ঘুম থেকে জেগে তুলল, আমি চোখ বুলে তাকাতাই সে বলল, “ইবান, তুমি আমার সাথে নিয়ন্ত্রণ কক্ষে চল।”

আমি হাত দিয়ে চোখ মুছে বললাম, “কেন?”

“আমি মহাকাশযান ফোবিয়ানের গতিপথ পালটাতে চাই।”

আমি ভিতরে ভিতরে চমকে উঠলেও বাইরে সেটা প্রকাশ করলাম না। শান্ত গলায় বললাম, “কেন?”

ম্যাক্সেল কুস আমার চোখের দিকে তাকিয়ে বলল, “আমি চাই, সেটাই কি যথেষ্ট নয়?”

“সম্ভবত। কিন্তু আমি কারণটা জানতে চাই।”

“কেন?”

“কারণটা পছন্দ না হলে আমি রাজি না-ও হতে পারি।”

ম্যাক্সেল কুস অবাক হয়ে আমার দিকে তাকাল, মনে হল সে বিশ্বাস করতে পারছে না আমি কথাটা বলেছি। কয়েক মুহূর্ত ছুপ করে থেকে শীতল গলায় বলল, “তুমি সত্যি রাজি না হওয়ার সাহস রাখ?”

আমি সহৃদয় ভঙ্গিতে হাসার চেষ্টা করে বললাম, “আসলে রাখি না, আমি মহাকাশযানের অধিনায়ক, সাহস দেখানো আমার পায়িত্বের মাঝে পড়ে না। তবে তুমি যদি

আমাকে বল মহাকাশযানের গতিপথ পালটে দিয়ে কাছাকাছি ব্ল্যাকহোলে কাঁপ দিতে চাও—তা হলে আমি রাজি না-ও হতে পারি! তাতে আমি হয়তো তোমার হাতে এই মুহূর্তে মারা পড়ব, দুদিন পরে ব্ল্যাকহোলের ভয়ঙ্কর মহাকর্ষ বলে শরীরের নিচের অংশ উপরের অংশ থেকে আলাদা হয়ে যাওয়া থেকে সেটা এমন কিছু ব্যাপার নয়।”

ম্যাক্সেল কুস বলল, “না, আমি ব্ল্যাকহোলে কাঁপ দেব না।”

“তা হলে কী করবে?”

“আমার একটি সুপাঠিত দল রয়েছে, তাদের সাথে আমার যোগাযোগ হয়েছে, আমি তাদের তুলে নিতে চাই।” আমি ভিতরে ভিতরে ভয়ানকভাবে চমকে উঠলেও বাইরে সেটা প্রকাশ করলাম না, শান্ত গলায় জিজ্ঞেস করলাম, “তারাও কি তোমার মতো হাইব্রিড মানুষ?”

“না। হাইব্রিড মানুষ হওয়ার ক্ষমতা খুব বেশি মানুষের নেই।”

“ও।”

“চল তা হলে।” ম্যাক্সেল কুস একটু খেমে জিজ্ঞেস করল, “নাকি তুমি রাজি নও?”

আমি একটা নিশ্বাস ফেলে বললাম, “আমি অবশ্যই চাইব না তুমি তোমার সুপাঠিত দলকে এখানে তুলে আন, কিন্তু এই মুহূর্তে আমার কিছু করার নেই। সম্ভবত ভবিষ্যতে তোমাকে এবং তোমার পুরো দলকেই ধ্বংস করার এটি একটি সুযোগ।”

ম্যাক্সেল কুস চোখ তুলে আমার দিকে তাকিয়ে জিজ্ঞেস করল, “তুমি সত্যিই বিশ্বাস কর যে একদিন তুমি আমাকে এবং আমার দলকে ধ্বংস করবে?”

“হ্যাঁ। আমি সেটা খুব সহজেই করতে পারি। আমি এই মহাকাশযানের অধিনায়ক। পঞ্চম মাত্রার মহাকাশযান অধিনায়ক ছাড়া আর কারো নির্দেশে চালানো যায় না। তার অর্থ জান?”

ম্যাক্সেল কুস মাথা নাড়ল, সে জানে।

আমি হাসার ভঙ্গি করে বললাম, “আমি ইচ্ছে করলেই তোমাদের সবাইকে নিয়ে এই মহাকাশযানটি ধ্বংস করে দিতে পারব। তোমাকে এবং তোমার সুপাঠিত দলকে ধ্বংস করা কঠিন কোনো ব্যাপার নয়। তবে আমি সেটা করতে চাই যখন আমি এর ভিতরে নেই তখন।”

কথাটি খুব উঁচু স্তরের রসিকতা হয়েছে এ রকম জান করে আমি উচ্চৈঃস্বরে হাসতে শুরু করি। ম্যাক্সেল কুস কিছুক্ষণ তীক্ষ্ণ দৃষ্টিতে আমার দিকে তাকিয়ে থেকে নিচু গলায় বলল, “গত রাতে যখন তোমার সাথে দেখা হয়েছিল তখন তুমি বিশেষ বিচলিত ছিলে, আজ তোমার তোমাকে খুব আত্মবিশ্বাসী মনে হচ্ছে।”

“এখানে রাত এবং তোমার বলে কিছু নেই ম্যাক্সেল কুস। কারো জন্য পুরোটাই রাত, কারো জন্য পুরোটাই দিন।”

“তুমি কী বললে?”

“বিশেষ কিছু বলি নি—আর আত্মবিশ্বাসের কথাটা সত্যি। আমি ঠিক করেছি জীবনটা খুব সহজভাবে নেব। সিদ্ধান্তটা নেবার পর হঠাৎ করে আত্মবিশ্বাস বেড়ে গেছে।”

“সহজভাবে?”

“হ্যাঁ। যার অর্থ বেঁচে থাকতেই হবে এ রকম কোনো পোঁ আমার মাঝে আর নেই। তার অর্থ বুঝতে পারছ?”

ম্যাক্সেল কুস কঠিন মুখে বলল, “তুমি কোনটা বোঝাতে চাইছ সেটা হয়তো বুঝতে পারি নি।”

“আমারও তাই ধারণা। আমি বোঝাতে চাইছি যে আমার থেকে সাবধান। যে মারা

যেতে প্রকৃত তার থেকে ভয়ঙ্কর আর কিছু নেই।" আমি সুর পালটে বললাম, "যা-ই হোক, ওসব ব্যাপার নিয়ে মাথা ঘামিয়ে কাজ নেই, তার থেকে চল দিনটি শুরু করার আগে ভালো কিছু খাওয়া যাক। আমার কাছে চমৎকার কিছু পানীয় আছে।"

ম্যাসেল কুস সরা চোখে আমার দিকে তাকিয়ে কিছুক্ষণ কী একটা ভাবল, তারপর বলল, "চল।"

"তুমি যে রকম আমার অতিথি, মিত্তিকাও আমার অতিথি। তাকে ডেকে আনলে তোমার কোনো আপত্তি নেই তো?"

"না নেই।"

"চমৎকার।"

মহাকাশযানের অধিনায়কের বিশেষ খাবার এবং বিশেষ পানীয় থাকা সত্ত্বেও আমাদের খাবারের অনুষ্ঠানটি মোটেও আনন্দনায়ক হল না। মিত্তিকা চমৎকার একটি পোশাক পরে এলেও ম্যাসেল কুসের সামনে বসে সে প্রায় কিছুই বেতে পারল না। ভরশূন্য পরিবেশে খাবার বিশেষ পদ্ধতির সাথে সে পরিচিত নয়—ব্যাপারটি তার জন্য বেশ কঠিন।

আমরা নিঃশব্দে খাওয়া শেষ করলাম, ম্যাসেল কুস হাইব্রিড মানুষ হলেও তাকে খেতে হয়, তাকে নিশ্বাস নিতে হয়—আমি এই ব্যাপারটি নিশ্চিত হতে চাইছিলাম। খাওয়ার পর আমি এবং ম্যাসেল কুস নিয়ন্ত্রণ প্যানেলের ওপর ঝুঁকে পড়লাম—সে ঠিক কোথায় যেতে চাইছে সেটি আমার জানা প্রয়োজন। হোয়াইট ভোয়ার্ক^{২৩} জাতীয় একটা নক্ষত্রের কাছাকাছি কিছু বড় গ্রহ রয়েছে তার একটি উপগ্রহের সাথে সে যোগাযোগ করছে বলে দাবি করল। আমি অবিশ্বাসের ভঙ্গিতে মাথা নেড়ে বললাম, "অসম্ভব। যে কোনো মানুষ ঐ গ্রহ উপগ্রহ থেকে দূরে থাকবে। ঐগুলো হচ্ছে অনাবিকৃত অঞ্চল। গ্যালাক্টিক তথ্যকেন্দ্রে সুনির্দিষ্ট তথ্য রয়েছে যে এই অঞ্চলে বুদ্ধিমান প্রাণের বিকাশ হয়েছে।"

ম্যাসেল কুস তাচ্ছিল্যের ভঙ্গিতে বলল, "আমার কোনো বুদ্ধিমান প্রাণীর প্রয়োজন নেই, আমার প্রয়োজন আমার দলের সকল মানুষকে। তারা যথেষ্ট বুদ্ধিমান।"

"বুদ্ধি ব্যাপারটি কী সেটা নিয়ে বিতর্ক করা যেতে পারে, আমি সেই বিতর্কে যেতে চাচ্ছি না, আমি মেনে নিচ্ছি তোমার দলের মানুষেরা যথেষ্ট বুদ্ধিমান। কিন্তু ঐ অঞ্চলের মহাজাগতিক প্রাণী তোমার দলের মানুষ থেকেও বেশি বুদ্ধিমান হতে পারে। সেখানে উপস্থিত হওয়া নিরাপদ না-ও হতে পারে।"

ম্যাসেল কুস আমার দিকে শীতল চোখে তাকিয়ে বলল, "নিরাপত্তার ব্যাপারটি আমি তোমার কাছ থেকে শিখতে চাইছি না ইবান।"

আমি সাথে সাথে হাত তুলে বললাম, "ঠিক আছে, আমি সে ব্যাপারে কোনো কথা বলছি না।"

"চমৎকার। তুমি তা হলে মহাকাশযানের গতিপথ পরিবর্তন কর। আগামী আটচল্লিশ ঘণ্টার মধ্যে আমরা ঐ এলাকায় পৌঁছে যেতে চাই।"

"ফেবিয়ানের জ্বালানি নিয়ে একটা সমস্যা হতে পারে—"

"সেটি আমার সমস্যা নয়।"

"বেশ।"

আমি একটা নিশ্বাস ফেলে কাজ শুরু করে দিলাম। ফেবিয়ানের ফুল তথ্যকেন্দ্রে কিছু পোপন সংখ্যা প্রবেশ করিয়ে তার গতিপথ পালটে দেওয়ার জন্য নির্দিষ্ট কোডে নির্দেশ দিতে শুরু করলাম। কিছুক্ষণের মধ্যেই ফেবিয়ানের শক্তিশালী ইঞ্জিন গর্জন করে উঠল।

ম্যাসেল কুস তার দলবলকে সম্বহ করার জন্য যে গ্রহটিকে ঘিরে ফেবিয়ানের কক্ষপথ নির্দিষ্ট করল, সেই গ্রহটিকে আমার খুব অপছন্দ হল। এই কুখ্যনিত বিশাল গ্রহটির যে উপগ্রহ থেকে সে তার সঙ্গীসার্থীর সঙ্কেত পেয়েছে বলে দাবি করল সেই উপগ্রহটিকে আমার অপছন্দ হল আরো বেশি। একটি নির্দিষ্ট গ্রহ বা উপগ্রহ সম্পর্কে ব্যক্তিগত ভালো লাগা না-লাগার কোনো দাবি নেই, কিন্তু শুরু থেকেই এই গ্রহ এবং উপগ্রহ সম্পর্কে আমার ভিতরে এক ধরনের অজ্ঞত অনুভূতির জন্ম হয়ে গেল। আমি ব্যাপারটি গোপন করার কোনো চেষ্টা না করে ম্যাসেল কুসকে বললাম, "তুমি তোমার দলের লোকজনের অবস্থান ঠিক করে কে-অর্ডিনেট জানিয়ে দাও, আমি স্কাউটশিপ পাঠিয়ে তাদেরকে আনার ব্যবস্থা করে দিই।"

ম্যাসেল কুস সরা চোখে আমার দিকে তাকাল, বলল, "তুমি নিশ্চয়ই আমাকে নির্বোধ বিবেচনা কর নি।"

আমি মাথা নাড়লাম এবং বললাম, "না করি না। কিন্তু এই উপগ্রহটিকে আমার খুব অপছন্দ হয়েছে, গ্যালাক্টিক তালিকায় এর কোনো নাম নেই, বিদ্যুটে সংখ্যা দিয়ে পরিচয় দেওয়া হয়েছে। এটি অস্থিতিশীল এবং বিস্ফোরণোন্মুখ। আমি এখানে যেতে চাই না।"

"তুমি যেতে চাও কি না-চাও সেটি বিবেচনার মাঝে আনার প্রয়োজন নেই। আমি চাই কি না-চাই সেটাই শুরুত্বপূর্ণ।"

"তুমি কী চাও?"

"আমার নিরাপত্তার খাতিরে আমি কখনোই তোমাকে অলান হতে দেব না। কাজেই আমরা যে স্কাউটশিপ নিয়ে এই উপগ্রহে নামব সেখানে তুমি থাকবে। মিত্তিকা নামের সেই মেয়েটিও থাকবে।"

আমি একটা নিশ্বাস ফেললাম, আমি যদি একজন দসু হতাম আমিও ঠিক এ ধরনের নিরাপত্তার ব্যবস্থা না করে কোথাও এক পা অগ্রসর হতাম না।

ম্যাসেল কুস নিয়ন্ত্রণ প্যানেলে তার দলের লোকজনের সাথে যোগাযোগ নিশ্চিত করতে করতে আমাকে বলল, "তুমি স্কাউটশিপটা প্রকৃত কর, আমরা কিছুক্ষণের মধ্যেই রওনা দিতে চাই।"

স্কাউটশিপে যাবার আগে আমি মিত্তিকাকে ডেকে পাঠালাম, সে এক ধরনের ভয়ানক চোখে হাজির হল, ফ্যাকাসে মুখে জিজ্ঞেস করল, "কী হয়েছে ইবান?"

"ম্যাসেল কুস কিছুক্ষণের মধ্যে এই উপগ্রহটাতে নামছে।"

মিত্তিকা সশ্রদ্ধ দৃষ্টিতে আমার দিকে তাকাল, এই তথ্যটি তাকে জানানোর কারণটি সে বুঝতে পারছে না। আমি একটু ইতস্তত করে বললাম, "সে এই উপগ্রহটাতে একা যাবে না, তোমাকে আর আমাকে নিয়ে যাবে।"

কথাটি শুনে মিত্তিকা বেরকম ভয় পেয়ে যাবে বলে ভেবেছিলাম দেখা গেল সে সেরকম ভয় গেল না, বরং তার মাঝে বিচিত্র এক ধরনের কৌতূহলের জন্ম হল। চোখ বড় বড় করে বলল, "এই উপগ্রহে সত্যি সত্যি বুদ্ধিমান প্রাণী আছে?"

আমি তুরু ঝুঁচকে বললাম, "আমি আশা করছি নেই।"

"কেন? তুমি বুদ্ধিমান মহাজাগতিক প্রাণী পছন্দ কর না?"

“সত্যি কথা যদি বলতে বল তা হলে বলব যে, না, যে বুদ্ধিমান প্রাণীর সাথে আমার যোগাযোগ হয় নি তাকে আমি পছন্দ করি না।”

“কেন?”

“প্রথমত বুদ্ধিমান প্রাণী কৌতূহলী হয়। কাজেই তারা আমাদের নিয়ে কৌতূহলী হবে।”

“কৌতূহলী হলে সমস্যা কিসের?” মিত্তিকা ঠিক বুঝতে পারল না আমি কী নিয়ে কথা বলছি। আমি একটা নিশ্বাস ফেলে বললাম, “যদি এরা মোটামুটি আমাদের মতো বুদ্ধিমান হয় তা হলে আমাদের কেটেকুটে দেখবে। আমাদের ধরে তাদের ল্যাবরেটরিতে নিয়ে রাখবে। যদি অনেক বেশি বুদ্ধিমান হয় তা হলে আমাদের মস্তিষ্কের নিউরনগুলো বিশ্লেষণ করবে, আমাদের নতুন করে তৈরি করবে—”

মিত্তিকাকে এবারে একটু আতঙ্কিত হতে দেখা গেল। আমি সাহস দিয়ে বললাম, “তোমার ভয় পাওয়ার কিছু নেই। ম্যাক্সেল কুসের দলবল যেহেতু এই উপগ্রহে বেঁচে আছে এখানে নিশ্চয়ই বুদ্ধিমান কোনো মহাজাগতিক প্রাণী নেই। যদি থেকেও থাকে তা হলে সেটা নিশ্চয়ই বন্ধুত্বাবাদী—”

“দেখতে কী রকম হবে বলে তোমার মনে হয়? অনেকগুলো চোখ, জঁড়ের মতো হাত-পা—”

আমি উচ্চৈঃস্বরে হেসে উঠে বললাম, “তুমি নিশ্চয়ই বিনোদন চ্যানেলে নানা ধরনের ছায়াছবি দেখ। প্রকৃত বুদ্ধিমান প্রাণী হলে সেটি যে আমাদের মতো হবে তার কোনো নিশ্চয়তা নেই। হয়তো তারা এত ক্ষুদ্র যে মাইক্রোস্কোপ দিয়ে দেখতে হয়, কিংবা এত বড় যে পুরোটা নিয়েই তারা একটা গ্রহ! কিংবা তারা বাতাসের মতো—দেখা যায় না কিংবা তরল সমুদ্রের মতো—”

মিত্তিকার এবারে খুব আশাতপ্ত হল বলে মনে হল। আমি সাহস দিয়ে বললাম, “তোমার এত মন খারাপ করার কিছু নেই, হয়তো সত্যিই দেখবে ছোট ছোট পুতুলের মতো হাসিখুশি মহাজাগতিক প্রাণী, তোমাকে দেখে আনন্দে নাচানাচি করছে!”

স্কাউটশিপটি কিছুক্ষণের মাঝেই আমি প্রস্থত করে নিলাম, মূল মহাকাশযানের মতো এর এত বড় ইঞ্জিন নেই কিন্তু কাজ চালানোর মতো দুটি শক্তিশালী প্রাজমা ইঞ্জিন রয়েছে। মূল মহাকাশযান থেকে বিচ্ছিন্ন হয়ে যেতে পারে বলে এর মাঝে কয়েকদিন থাকার মতো প্রয়োজনীয় অক্সিজেন, খাবার পানীয় বা জ্বালানি রয়েছে, শক্তিশালী যোগাযোগ ব্যবস্থা এমনকি ভয়ঙ্কর ধরনের অস্ত্রও রয়েছে।

আমি স্কাউটশিপের নিয়ন্ত্রণ প্যানেলের সামনে বসে সেটার ইঞ্জিন চালু করতে করতে ম্যাক্সেল কুসকে বললাম, “তোমার কাছে আমি একটা ব্যাপারে নিশ্চিত হতে চাই।”

“কী ব্যাপার?”

“উপগ্রহটিতে নামার পর যদি তুমি আমাকে কিংবা মিত্তিকাকে তোমার সাথে নিতে চাও তা হলে আমাদের অস্ত্র নিতে দিতে হবে।”

ম্যাক্সেল কুস কয়েক মুহূর্ত কিছু-একটা ভাবল, তারপর একটা নিশ্বাস ফেলে বলল, “ঠিক আছে।”

স্কাউটশিপটি ফোবিয়ান থেকে বিচ্ছিন্ন হয়ে কিছুক্ষণের মাঝেই গ্রহও পর্জন করে উপগ্রহের দিকে ছুটে চলল। উপগ্রহটি বিশাল, নিজের একটা বায়ুমণ্ডলও রয়েছে। বায়ুমণ্ডলের ঘর্ষণে স্কাউটশিপটি উত্তপ্ত হতে শুরু করেছে, তাপনিরোধক আস্তরণ থাকার পরও আমরা সেটা

অনুভব করতে শুরু করেছি। স্কাউটশিপের সংবেদনশীল মনিটর উপগ্রহের বায়ুমণ্ডল, তার তাপমাত্রা, আর্দ্রতা, প্রাণের চিহ্ন বা বিদ্যুৎ চৌম্বকীয় তরঙ্গের অবশিষ্ট খুঁজতে থাকে। ম্যাক্সেল কুসের দলবলের দুর্বল সঙ্কেত ছাড়া এই উপগ্রহটিতে অবশ্য অন্য কোনো ধরনের প্রাণের চিহ্ন পাওয়া গেল না।

ধীরে ধীরে স্কাউটশিপটি আরো নিচে নেমে আসে, বায়ুমণ্ডলের ঘনত্ব তুলনামূলকভাবে অনেক বেশি, স্কাউটশিপের গতিবেগ অনেক কমিয়ে আনতে হল, উপগ্রহটির ভিতরে এক ধরনের আবছা সবুজ আলো। বায়ুমণ্ডলে শক্তিশালী আয়নের^{২৭} আঘাতে এই আলো বের হয়ে আসছে। আমি স্কাউটশিপটিকে উপগ্রহের মাটির কাছাকাছি নামিয়ে এনে নির্দিষ্ট লক্ষ্যবস্তুর কাছে এসে ঘূরপাক বেতে থাকি। ম্যাক্সেল কুস তার দলের লোকজনের সাথে যোগাযোগ করে কিছুক্ষণ নিচু গলায় কথা বলল, তারপর ঘুরে আমার দিকে তাকিয়ে বলল, “তুমি স্কাউটশিপটিকে নিচে নামিয়ে নাও।”

আমি মনিটরে একটি সমতল জায়গা দেখে স্কাউটশিপকে নিচে নামিয়ে আনলাম। জানালা দিয়ে বাইরে তাকিয়ে মিত্তিকা ভয়-পাওয়া গলায় বলল, “কী সর্বনাশ! এটা তো দেখি নরকের মতো।”

ম্যাক্সেল কুস একটা নিশ্বাস ফেলে বলল, “আমার দলের সবচেয়ে চৌকস মানুষগুলো এই নরকে আটকা পড়ে আছে।”

“এখানে কেমন করে আটকা পড়ল?”

“মহাজাগতিক নিরাপত্তারক্ষীর সাথে সংঘর্ষ হয়ে মহাকাশযানটি বিক্ষত হয়ে গিয়েছিল।”

“তারা নিশ্চয়ই খুব সৌভাগ্যবান যে মহাকাশযান বিক্ষত হওয়ার পরও প্রাণে বেঁচে গিয়েছিল।”

ম্যাক্সেল কুস বলল, “শুধু সৌভাগ্য নয়, এ ব্যাপারে তাদের নিজস্ব কিছু কৃতিত্বও রয়েছে। আমি বলেছি তারা চৌকস।”

নিরাপত্তারক্ষী বা সৈনিক কিংবা কলকারখানার চৌকস হলে সেটা আমি বুঝতে পারি কিন্তু একটা দস্যুদলকে যখন চৌকস বলা হয় তার অর্থ ঠিক কী আমি সেটা ঠিক বুঝতে পারি না কিন্তু সেটা নিয়ে আমি আর কোনো প্রশ্ন না করাই বুদ্ধিমানের কাজ বলে মনে করলাম। আমি স্কাউটশিপের ভেতর খুলে সেখান থেকে পোশাক বের করে পরে নিতে শুরু করি। এই উপগ্রহের বায়ুমণ্ডলে শুধু যে যথেষ্ট অক্সিজেন নেই তা নয়, এটা রীতিমতো বিষাক্ত। স্কাউটশিপের সামনে কিছু স্বয়ংক্রিয় অস্ত্র রয়েছে সেখান থেকে একটি বেছে নিয়ে আমি আমার হাতে তুলে নিলাম, ম্যাক্সেল কুস চোখের কোনো দিকে আমাকে লক্ষ্য করল কিন্তু কিছু বলল না। আমি মোটামুটি একটা হালকা অস্ত্র তুলে নিয়ে মিত্তিকার হাতে তুলে নিলাম, সে অবাক হয়ে জিজ্ঞেস করল, “এটা কী?”

“একটা স্বয়ংক্রিয় অস্ত্র।”

“এটা দিয়ে কী করব?”

“হাতে রাখ, যদি প্রয়োজন হয় তা হলে ব্যবহার করবে।”

“আমি অস্ত্র ব্যবহার করতে জানি না।”

আমি হেসে বললাম, “সত্বে খুব খুশি হলাম। আশা করছি এই কিসেটা কখনো যেন তোমার শিখতে না হয়।”

“কিন্তু যেটা ব্যবহার করতে জানি না সেটা হাতে নিয়ে কী করব?”

“এটা স্বয়ংক্রিয় অস্ত্র—তোমাকে কিছু করতে হবে না।”

মিত্তিকা কী বুঝল কে জানে, শেষ পর্যন্ত অস্ত্রটা হাতে নিয়ে ঘুরিয়ে ঘুরিয়ে দেখে পিঠে কুলিয়ে নিল। ম্যাসেল কাস অস্ত্রগুলো নেড়েচেড়ে দেখে ভারী একটা অস্ত্র হাতে তুলে নিল, তার হাতে অস্ত্র নেওয়ার ভঙ্গি দেখেই বোকা গেল সে জীবনের একটা দীর্ঘ সময় এই অস্ত্র হাতে কাটিয়েছে।

ফাউন্টশিপের অভ্যন্তরীণ নিরাপত্তার ব্যবস্থা নিশ্চিত করে আমরা জরুরি সরবরাহের ব্যাক প্যাকটি পিঠে নিয়ে গোলাকার দরজার কাছে এসে দাঁড়ালাম। ম্যাসেল কাস আমাকে আগে বের হওয়ার জন্য ইঙ্গিত করল—সেটাই স্বাভাবিক। আমার পিছু পিছু মিত্তিকা এবং সবার শেষে ম্যাসেল কাস নেমে এল।

বাইরে এক ধরনের অস্থিতিশীল আবহাওয়া, হ-হ করে সবুজ রঙের এক ধরনের বাতাস বইছে। আকাশে সবসময় এক ধরনের আলো, কখনো বাড়ছে কখনো কমছে বলে চোখের রেটিনা কিছুতেই অভ্যস্ত হতে পারছে না। চারদিকে ধূসর উঁচুনিচু প্রান্তর, নানা আকারের পাথর, কিছু কিছু এক ধরনের তরলে ডুবে আছে, তরলের ভিতর থেকে বড় বড় বুদবুদ বের হয়ে আসছে। মিত্তিকা ঠিকই বলেছে, নরক বলা হলে চোখের সামনে যে ছবিটি ফুটে ওঠে সেটি অনেকটা এ রকম।

ম্যাসেল কাসের দলের মানুষদের সঙ্গে এখন অনেক শক্তিশালী, ইচ্ছে করলে তাদের চেহারাও দেখা যাবে। কিন্তু আমরা আর সে চেষ্টা না করে হাঁটতে শুরু করলাম। আমাদের চোখের সামনে লাগানো গ্যালাক্টিক অবস্থান নির্ধারণ মডিউলে^{২৮} দেখতে পাচ্ছি কমপক্ষে তিরিশ মিনিটের মতো হাঁটতে হবে। আমি হাঁটতে হাঁটতে ঘুরে মিত্তিকার দিকে তাকিয়ে বললাম, “তোমার কেমন লাগছে মিত্তিকা?”

মিত্তিকা বড় বড় নিশ্বাস ফেলে বলল, “এই পোশাক পরে অভ্যাস নেই তো তাই খুব সুবিধে করতে পারছি না।”

আমি উৎসাহ দিয়ে বললাম, “কে বলেছে পারছ না? এই তো চমৎকার হাঁটছ।”

“কিন্তু আমার কষ্ট হচ্ছে।”

কমবয়সী এই মেয়েটির জন্য আমার মায়ার হৃদয়, শুধুমাত্র ভাষণের দোষে মহাজাগতিক একজন দস্যুর হাতে ধরা পড়ে তার এক অজানা উপগ্রহের অস্থিতিশীল আবহাওয়ার মাঝে হেঁটে হেঁটে আরো কিছু যাবু অপরাধীদের উদ্ধার করতে যেতে হচ্ছে। ম্যাসেল কাসের সাথে তার সঙ্গীসাথীরা একত্র হলে পুরো পরিবেশটা কেমন হবে চিন্তা করে আমি নিজের ভিতরে এক ধরনের অশান্তি বোধ করতে শুরু করেছি।

আমি মিত্তিকার পিঠে হাত দিয়ে বললাম, “এই তো আমরা এসে পেছি।”

কথটি পুরোপুরি সত্যি নয় কারণ তার পরেও আমাদের প্রায় আরো এক ঘণ্টা হাঁটতে হল এবং উপগ্রহের বৈরী আবহাওয়ায় হাঁটতে হাঁটতে যখন আমরা ক্লান্ত হয়ে গেলাম তখন হঠাৎ করে চোখের সামনে বিক্ষম একটা মহাকাশযান দেখতে পেলাম।

মহাকাশযানটি নিশ্চয়ই অনেকদিন আগে এখানে বিক্ষম হয়েছে, কারণ পুরো মহাকাশযানটি ধূসর এবং সবুজাভ ধুলোর আন্তরণে ঢাকা পড়ে আছে। আমি একটু অবাক হয়ে মহাকাশযানটির দিকে তাকিয়ে রইলাম কারণ এটি যেভাবে বিক্ষম হয়েছে তাতে এর ভিতরে কোনো মানুষের বেঁচে থাকার কথা নয়। মহাকাশযানের মূল অক্ষটি ভেঙে গিয়েছে, বিক্ষমরণের ফলে যে বিশাল গর্ত তৈরি হয়েছে তার ভিতর দিয়ে মহাকাশযানের পুরো বাতাস বের হয়ে যাবার কথা। এ রকমভাবে বিক্ষম হওয়া মহাকাশযান কিছুতেই

বায়ুনিরোধক থাকতে পারে না। আমি মহাকাশযানের দেয়ালের দিকে তাকালাম, প্রচণ্ড উত্তাপে এটি দুমড়ে মুচড়ে গলে গিয়েছে, একটা মহাকাশযানের এই ধরনের উত্তাপ সহ্য করার কথা নয়, নিরাপত্তার পুরো ব্যবস্থা ধ্বংস হয়ে যাবার কথা। এই প্রলয়কাণ্ডে কোনোভাবেই মহাকাশযানের কোনো অভিযাত্রীর বেঁচে থাকার কথা নয়। আমি সবিনয়ই মহাকাশযানটির দিকে তাকিয়ে থেকে ফিসফিস করে বললাম, “কী আশ্চর্য!”

ম্যাসেল কাস আমার কাছাকাছি দাঁড়িয়ে বলল, “কোনটি কী আশ্চর্য?”

“এই মহাকাশযানটি যেভাবে বিক্ষম হয়েছে এর মাঝে কোনো মানুষ বেঁচে থাকার কথা নয়।”

“কিন্তু দেখতেই পাচ্ছি মানুষ বেঁচে আছে।”

“হ্যাঁ, কিন্তু সেটি কীভাবে সম্ভব হল? আমি বুঝতে পারছি না।”

“এটা নিয়ে এখন মাথা না ঘামিয়ে চল ভিতরে যাওয়া যাক।”

“চল।”

আমরা ঘুরে ঘুরে ভিতরে চোকের দরজা খুলে বের করলাম, সেই দরজা ধাক্কা দিতেই সেটা ক্যাচক্যাচ শব্দ করে খুলে গেল। ভিতরে সবুজ রঙের ধুলোর আন্তরণ এবং ঘোলাটে এক ধরনের অন্ধকার। মাথায় লাগানো উজ্জ্বল আলোতে দেখতে দেখতে আমরা হাঁটতে থাকি, প্রথমে আমি, আমার পিছনে মিত্তিকা এবং সবার শেষে ম্যাসেল কাস। ঠিক কী কারণ জানা নেই কিন্তু আমাদের সবার হাত অস্ত্রের ট্রিপারে চলে এসেছে, এই বিক্ষম মহাকাশযানটিতে এক ধরনের অত্যন্ত আতঙ্কের চিহ্ন রয়েছে।

সরু করিডোর ধরে হেঁটে হেঁটে আমরা আরো বড় একটি দরজার সামনে এসে দাঁড়ালাম, শক্ত দরজা এমনিতে খোলা যাক্ষিল না, পা দিয়ে কয়েকবার লাথি দেবার পর সেটা ধীরে ধীরে খুলে গেল। আমি নিশ্বাস বন্ধ করে ভিতরে ঢুকে চারদিকে তাকালাম, এখানেও কেউ নেই। আমরা মোটামুটি একটা খোলা জায়গায় এসে দাঁড়িয়েছি, মহাকাশযানটি বিক্ষম হওয়ার কারণে এটি বাঁকা হয়ে আছে, এক সময় এখানে আলো এবং বাতাস ছিল এখন কোথাও কিছু নেই, একটি ধমধমে নীরবতা।

মিত্তিকা আমার কাছে এসে আমার হাত ধরে ফিসফিস করে বলল, “আমার ভয় করছে।”

আমি তার পিঠে হাত দিয়ে বললাম, “ভয়ের কিছু নেই মিত্তিকা। আমরা আছি না?”

“জানি, তবু কেমন জানি ভয় লাগছে।”

ভয় লাগার ব্যাপারটি হাস্যকর বোঝানোর জন্য আমি শব্দ করে হাসার চেষ্টা করলাম, কিন্তু পদ্ধতিটা খুব ভালো কাজ করল না।

ঢাল বেয়ে সাবধানে নিচে নেমে এসে আমরা আধা গোলাকার আরেকটি দরজার সামনে এসে দাঁড়ালাম, এই দরজার ফাঁক দিয়ে হলদে রঙের ঘোলাটে এক ধরনের আলো বের হচ্ছে। ম্যাসেল কাস খুশি খুশি গলায় বলল, “এই যে, সবাই নিশ্চয়ই এখানে আছে।”

আমি দরজাটিতে হাত দিয়ে শব্দ করলাম, এবং ভিতর থেকে এক ধরনের শব্দ হল, মনে হল কেউ একজন প্রত্যন্তর নেওয়ার চেষ্টা করছে। আমি সাবধানে দরজাটি ধাক্কা দিয়ে খুলে ভিতরে ঢুকলাম, মাঝারি অসমতল একটি ঘর, সম্ভবত ইঞ্জিন কক্ষ—সেখানে বিভিন্ন জায়গায় কয়েকজন মানুষ ছিন্নভিন্ন পোশাকে, ধুলো এবং কালি মাখা অবস্থায় পাথরের মূর্তির মতো বসে আছে। মানুষগুলোর বসে থাকার মাঝে এক ধরনের অস্বাভাবিকতা রয়েছে যেটি দেখে আমার বুকের মাঝে ধক করে উঠল।

আমার পিছু পিছু মিথ্রিকা এবং সবার পরে ম্যাসেল কাস ঘরটিতে এসে ঢুকল, ম্যাসেল কাসকে খুব বিচলিত মনে হল না, কিন্তু মিথ্রিকা ছোট একটা আতঙ্কিতকার করে আমাকে পিছন থেকে শক্ত করে আঁকড়ে ধরল। আমি নিচু গলায় বললাম, “কী হয়েছে মিথ্রিকা?”

মিথ্রিকা কাঁপা গলায় বলল, “এরা কারা? আমার ভয় করছে।”

ম্যাসেল কাস দুই পা এগিয়ে গিয়ে বলল, “বাড়াবাড়ি ভয় পাবার কিছু নেই, এরা আমার লোকজন।” ম্যাসেল কাস দুই হাত উপরে তুলে অভিযান করার ভঙ্গি করে বলল, “কী খবর, কেমন আছ তোমরা?”

মানুষগুলো—যারা সংখ্যায় ছয় জন, যাদের মাঝে পুরুষ, মহিলা এবং পুরুষও নয় মহিলাও নয় এ রকম মানুষ রয়েছে, ম্যাসেল কাসের অভিযানে খুব বেশি অনুপ্রাণিত হল না। কাছাকাছি যে বসে ছিল শুধুমাত্র সে যত্নবশত একটা হাত উপরে তুলল।

ম্যাসেল কাস গলার স্বরে আরো আন্তরিকতা ফুটিয়ে বলল, “তোমরা এই ভয়ঙ্কর দুর্ঘটনায় বেঁচে যাবে সেটা আমি আশা করি নি, বলা যেতে পারে এটি একটি ম্যাজিকের মতো।”

মানুষগুলো এবারেও কোনো কথা বলল না, পিছনে বসে থাকা একজন মানুষ, যার শারীরিক গঠন দেখে মহিলা বলে অনুমান করলাম, ধীরে ধীরে উঠে দাঁড়িয়ে আমাদের দিকে এগিয়ে আসতে থাকে। ম্যাসেল কাস নিজে থেকে আরো এক পা এগিয়ে গিয়ে বলল, “বিলা অনেকদিন পর তোমাদের সেখা পেলাম। তোমাদের আর দুশ্চিন্তার কারণ নেই। আমি তোমাদের নিয়ে যেতে এসেছি।”

বিলা নামের মেয়েটি বসবসে গলায় বলল, “আমাদের নিয়ে যাবে?”

মেয়েটির গলার স্বরে শুনে আমি চমকে উঠলাম, গলার স্বরটি আশ্চর্য রকমের প্রাণহীন এবং যন্ত্রিক।

ম্যাসেল কাস মাথা নাড়ল, বলল, “হ্যাঁ নিয়ে যাব। অবশ্যই নিয়ে যাব।”

“কোথায় নিয়ে যাবে?”

“আমার সাথে। আমাদের দল আবার নতুন করে তৈরি করব। সবাই মিলে নতুন অভিযান হবে। নতুন অস্ত্র, নতুন প্রযুক্তি—অনেক পরিকল্পনা আছে।”

সামনে বসে থাকা ভয়ঙ্করদর্শন মানুষটি মুখ উঁচু করে মোটা গলায় বলল, “মানুষ থাকবে সেখানে?”

“মানুষ?” ম্যাসেল কাস অবাক হয়ে বলল, “মানুষ থাকবে না কেন ইরি? অবশ্যই থাকবে।”

ম্যাসেল কাসের কথা শুনে ইরি নামের ভয়ঙ্করদর্শন মানুষটি হঠাৎ কেমন জানি খুশি হয়ে উঠল, সে তার শরীর দু'লিমে বিচিত্র একটি আনন্দহীন হাসি হাসতে শুরু করে। ইরি নামের মানুষটির হাসি দেখে ছড়িয়ে ছিটিয়ে বসে থাকা আরো কয়েকজন মানুষ হাসতে শুরু করে, আনন্দহীন ভয়ঙ্কর এক ধরনের হাসি, শুনে আমার পায়ে কাঁটা দিয়ে ওঠে।

ম্যাসেল কাস তাদের হাসি দেখে যাওয়া পর্যন্ত অপেক্ষা করল, তারপর বলল, “তোমরা এতদিন এখানে কেমন ছিলে বল?”

প্রথমে কেউ কোনো কথা বলল না, এবং হঠাৎ করে পিছন থেকে না—পুরুষ না—মহিলা এই ধরনের সবুজ রঙের চুলের একটি মানুষ বলল, “জানি না।”

“জানি না?” ম্যাসেল কাস অবাক হয়ে বলল, “কেমন ছিলে জান না? কী বলছ উলন?”

উলন স্থির দৃষ্টিতে কিছুক্ষণ ম্যাসেল কাসের দিকে তাকিয়ে রইল, তারপর শীতল গলায় বলল, “কেমন করে জানব? ভয়ঙ্কর একটা বিস্ফোরণ হল, তারপর আর কিছু মনে নাই।”

“মনে নাই?”

“না।”

ম্যাসেল কাস অন্যদের দিকে তাকাল, অন্যরাও তখন মাথা নাড়ল, বলল, “নাই, মনে নাই।”

“কিছু মনে নাই?”

মানুষগুলো একজন আরেকজনের দিকে তাকাল, তারপর বলল, “না, মনে নাই।”

আমি ঠিক বুঝতে পারলাম না হঠাৎ করে ম্যাসেল কাস রেগে উঠল কেন, গলার স্বর উঁচু করে বলল, “আসলে মনে আছে, তোমরা মিথ্রিকা কথা বলছ।”

মানুষটি বসে থাকা একজন মানুষ তখন ধীরে ধীরে উঠে এল, তার শরীরের একটা বড় অংশ বিকটভাবে পুড়ে গেছে, একটা হাত ভেঙে অসহায়ভাবে ঝুলছে, মানুষটির চেহারায় জগৎসংসারের প্রতি বিতৃষ্ণা—ম্যাসেল কাসের কাছাকাছি এসে বলল, “আমরা মিথ্রিকা কথা বলছি?”

“হ্যাঁ। আমার ধারণা তোমরা মিথ্রিকা কথা বলছ।”

“কেন?”

“কারণ, তোমরা আমাকে বলবে না গুকোনাইটগুলো কোথায় আছে।”

মানুষগুলো চুপ করে বসে এবং দাঁড়িয়ে রইল, তাদের দেখে মনে হল তারা ম্যাসেল কাসের কথা বুঝতে পারছে না।

“বল, কোথায় রেখেছে গুকোনাইটগুলো?”

বিলা নামের মহিলাটি প্রথমে হেসে উঠল, প্রাণহীন আনন্দহীন ভয়ঙ্কর এক ধরনের হাসি। তার হাসি শুনে অন্য আরো কয়েকজন হেসে উঠল এবং ম্যাসেল কাস আরো রেগে উঠে চিৎকার করে বলল, “তোমরা বলবে না কোথায় আছে গুকোনাইটগুলো?”

মুখে নোংরা দাড়িগোঁফ একজন মানুষ উপরের দিকে তাকিয়ে বলল, “আমরা বেঁচে আছি না মারা গেছি সেটাই মনে নাই—আর গুকোনাইট!”

উলন জিজ্ঞেস করল, “গুকোনাইট কী?”

ম্যাসেল কাস এবারে তার হাতে অস্ত্রটা তুলে নিয়ে সেটা ঝাঁকুনি দিয়ে বলল, “তোমরা এখন বলতে চাও যে গুকোনাইট কেন না?”

ইরি ম্যাসেল কাসের দিকে তাকিয়ে বলল, “হতে পারে চিনি কিংবা চিনি না। মনে নাই। আসলে কিছু মনে নাই।”

“আমাকে মনে আছে?”

ইরি উত্তর না দিয়ে ম্যাসেল কাসের দিকে তাকিয়ে রইল। ম্যাসেল কাস হাতের অস্ত্র উদ্ব্যত করে দুই পা এগিয়ে বলল, “তোমরা কি ভেবেছ আমি শুধু তোমাদের উদ্ধার করার জন্য এসেছি?”

পুরুষ, মহিলা এবং না—পুরুষ না—মহিলা কেউই কোনো কথা বলল না। ম্যাসেল কাস পা দাপিয়ে বলল, “না, আমি শুধু তোমাদের উদ্ধার করার জন্য এখানে আসি নাই। একটা মহাকাশযান দখল করে এই উদ্ভট উপগ্রহে কেউ শুধু মানুষকে উদ্ধার করার জন্য আসে না। আমিও আসি নাই। আমি গুকোনাইটের জন্য এসেছি। বল কোথায় আছে গুকোনাইট।”

ইরি চিন্তিত মুখে বলল, “দাঁড়াও জিজ্ঞেস করে দেখি।”

“কাকে জিজ্ঞেস করবে?”

ইরি কিছু একটা বলার চেষ্টা করে খেমে গেল। মনে হল কিছু একটা নিয়ে সে হঠাৎ যন্ত্রণাগ্রস্ত হয়ে পড়েছে।

ম্যাসেল ক্রাস আবার চিৎকার করে জিজ্ঞেস করল, “কাকে জিজ্ঞেস করবে?”

“এ তো—ঐ যে, যারা—মানে—এই যে—” ইরিকে কেমন ঘেন্না বিস্ময় দেখায়।

ম্যাসেল ক্রাস ভুরু কুঁচকে তাকিয়ে রইল, তারপর হিংস্র গলায় বলল, “বুকেছি। তোমরা সহজ কথায় নড়বে না। আবার আমাকে একটা উদাহরণ তৈরি করতে হবে, ঘেন্না তোমাদের সব কথা মনে পড়ে।”

আমি এক ধরনের আতঙ্ক নিয়ে ম্যাসেল ক্রাসের দিকে তাকালাম, সে এখন কী করতে যাচ্ছে?

ম্যাসেল ক্রাস দাঁতে দাঁত ঘষে বলল, “আমি ঠিক দশ সেকেন্ড সময় দিলাম, তার মাঝে তোমরা যদি না বল গুলোনাটগুলো কোথায় আছে তা হলে আমি তোমাদের এক জনকে গুলি করে মারব।”

ম্যাসেল ক্রাস তার অস্ত্র উঁচু করে ধরল এবং আমি হঠাৎ করে বুঝতে পারলাম, সে সত্যিই দশ সেকেন্ড পর গুলি করবে। আমি ম্যাসেল ক্রাসের দিকে এগিয়ে গেলাম, “ম্যাসেল ক্রাস—”

ম্যাসেল ক্রাস ধমক দিয়ে বলল, “তুমি ছুপ কর এখন। আমি এখানে ধর্ম প্রচারে আসি নি। এদের এক জন দুই জনকে গুলি করে মেরে না ফেলা পর্যন্ত—”

আমি বাধা দিয়ে বললাম, “তুমি কাকে মারতে চাইছ?”

“কেন? এদেরকে।”

“যারা মরে গেছে, তাদেরকে মারা যায় না।”

ম্যাসেল ক্রাস অবাক হয়ে আমার দিকে তাকাল, বলল, “কী বললে?”

আমি চাপা গলায় বললাম, “এরা সবাই মরে গেছে।”

“মরে গেছে?”

“হ্যাঁ। এই গ্রহে অক্সিজেন নেই, শুধু বিস্ময় বাতাস। এই মানুষগুলো কেউ কোনো নিশ্বাস নিচ্ছে না। দেখেছ?”

“নিশ্বাস নিচ্ছে না?”

“না।”

“তা হলে এরা কথা বলছে কেমন করে?”

“জানি না। আমার ধারণা—”

“তোমার ধারণা—”

“আমার ধারণা এই মৃতদেহগুলোকে কেউ নিয়ন্ত্রণ করছে।”

ম্যাসেল ক্রাস আমার দিকে অবিশ্বাসের দৃষ্টিতে তাকাল, তারপর মাথা ঝাঁকিয়ে বলল, “বাজে কথা বোলো না।”

আমি বুঝতে পারলাম সে আমার কথা বিশ্বাস করল না, আমি বুঝতে পারলাম সে এখন এদের এক জন-দুজনকে গুলি করবে। আমি চোখের কোনো দিকে দেখতে পেলাম বিলা নামের মেয়েটা খুব ধীরে ধীরে হেঁটে হেঁটে দরজার সামনে এসে দাঁড়িয়েছে—একমাত্র এই দরজা দিয়ে বের হওয়া যায়, দরজাটি বন্ধ করে দিলে আর কেউ বের হতে পারবে না। সমস্ত শরীরের বেশিরভাগ পুড়ে যাওয়া মানুষটাও আমাদের অন্যপাশে এসে দাঁড়িয়েছে।

উলন এবং ইরিও উঠে দাঁড়িয়েছে—সবাই খুব ধীরে ধীরে আমাদের ঘিরে ফেলছে। আমি মানুষগুলোর চোখের দিকে তাকিয়ে শিউরে উঠলাম, সেগুলো কাদের চোখের মতো প্রাণহীন, নিশ্চল। মানুষগুলোর চোখমুখে জীবনের কোনো চিহ্ন নেই।

আমি সাবধানে এক পা পিছিয়ে এসে মিত্তিকার কাছে দাঁড়িয়ে ফিসফিস করে বললাম, “মিত্তিকা।”

“কী?”

“তুমি আমার খুব কাছে এসে দাঁড়াও।”

“কেন?”

“এখন বলতে পারব না প্রকৃত হয়ে থাক।”

“কিসের জন্য প্রকৃত হয়ে থাকব?”

“জানি না।”

আমি সাবধানে অস্ত্রটা হাতে নিয়ে চোখের কোনো দিকে চারপাশে তাকালাম, মানুষগুলো খুব নিঃশব্দে আমাদের ঘিরে ফেলে চারপাশ থেকে এগিয়ে আসছে এবং হঠাৎ আমার মনে হল, এই প্রথম ম্যাসেল ক্রাস একটু ভয় পেয়েছে। ভয়টা লুকানোর জন্য সে চিৎকার করে বলল, “দাঁড়াও সবাই—যে যেখানে আছে দাঁড়াও।”

কেউ দাঁড়াল না, বরং আরো এক পা এগিয়ে এল, ম্যাসেল ক্রাস হিংস্র স্বরে চিৎকার করে তার স্বয়ংক্রিয় অস্ত্রের ট্রিগার টেনে ধরল। প্রচণ্ড শব্দে একঝাঁক গুলি বের হয়ে সামনে দাঁড়ানো মানুষগুলোকে ঝাঁজরা করে ফেলল, কিন্তু একজন মানুষও থমকে দাঁড়াল না, কারো মুখে যন্ত্রণার একটু চিহ্নও ফুটে উঠল না। ইরি হঠাৎ করে অপ্রকৃতিস্থের মতো হেসে উঠল।

ম্যাসেল ক্রাস এই প্রথম আতঙ্কিত হয়ে উঠল, সে ফ্যাকাসে মুখে একবার আমার দিকে তাকাল তারপর আবার ঘুরে মানুষগুলোর দিকে তাকিয়ে আবার হিংস্রভাবে গুলি করতে লাগল।

আমি দেখতে পেলাম মানুষগুলোর শরীর ছিন্নভিন্ন হয়ে যাচ্ছে, কিন্তু সেখান থেকে কোনো রক্ত বের হচ্ছে না। আমি তীক্ষ্ণ দৃষ্টিতে তাকিয়ে সবিস্ময়ে দেখতে পেলাম শরীরের ভিতর থেকে কিভাবে কালচে রঙের কোনো একটা জীবন্ত প্রাণী বের হয়ে আসছে। বিভিন্ন ক্ষতস্থান থেকে অটোপাসের পায়ের মতো অগাঠাটা কিভাবে কিছু একটা বের হয়ে আসছে, আবার ভিতরে ঢুকে যাচ্ছে। ঘরের ভিতরে জ্বালন্ত চাপা এক ধরনের হিসহিস শব্দ শোনা যেতে থাকে।

মিত্তিকা আতঙ্কে চিৎকার করে আমাকে ঝাঁকড়ে ধরল, আমি এক হাত দিয়ে তাকে শক্ত করে ধরে রেখে বললাম, “আমাকে ধরে রেখো।”

আমি অন্য হাত দিয়ে স্বয়ংক্রিয় অস্ত্রটা উপরের দিকে তাক করলাম, এটিকে এটমিক ব্লাস্টার^{৩০} হিসেবে ব্যবহার করলে মহাকাশযানের ছাদটুকু উড়িয়ে দিয়ে যাবার কথা। আমি নিশ্বাস আটকে রেখে ট্রিগার টেনে ধরতেই প্রচণ্ড বিস্ফোরণ এবং আভ্যন্তরীণ হুলকাহ ঘরটি কেঁপে উঠল, মহাকাশযানের ছাদের একটা বড় অংশ উড়ে ফাঁকা হয়ে গেছে—সেই ফাঁকা অংশ দিয়ে বিচ্ছিন্ন উপগ্রহের কুণ্ডলিত আকাশ দেখা যাচ্ছে।

আমি এক হাতে অস্ত্রটাকে ধরে রেখে অন্য হাতে জেট প্যাকটার সুইচ স্পর্শ করলাম, সাথে সাথে জেট প্যাকটার^{৩১} ক্ষুদ্র ইঞ্জিন দুটো গর্জন করে উঠল। জেট প্যাক একজন মানুষকে নিয়ে উড়ে যেতে পারে দুজনকে নিয়ে উড়তে পারবে কি না আমি পুরোপুরি নিঃসন্দেহ নই কিন্তু এখন সেটা নিয়ে চিন্তা করার সময় নেই। মিত্তিকা নিজে থেকে তার

জেট প্যাক চালাতে পারবে না—সে আপে কখনো ব্যবহার করে নি, আমি জেট প্যাকের ইঞ্জিনের ওপর পুরোপুরি নির্ভর না করে সেটাকে একটা শক্তিশালী ধাক্কা দেবার জন্য প্রাণপণে লাফিয়ে উঠলাম। ঠিক সময়ে জেট প্যাকের ইঞ্জিন কান ফটানো শব্দে গর্জন করে উঠল এবং আমরা দুজন মুহূর্তের মাঝে বিধ্বস্ত মহাকাশযানের বিস্ফোরণে উড়ে যাওয়া ছাদ দিয়ে বের হয়ে এলাম। আমার মনে হল শেষ মুহূর্তে নিচের মানুষগুলো ছুটে এসে আমাদের ধরার চেষ্টা করেছিল কিন্তু আমরা ততক্ষণে তাদের নাগালের বাইরে চলে এসেছি। আমি নিচে গোলাগুলির শব্দ শুনেতে পেলাম, এক ধরনের হট্টোপুটি হচ্ছে বলে মনে হল। কিন্তু ততক্ষণে আমরা অনেক দূর সরে গিয়েছি।

আমি মিত্তিকাকে এক হাতে কোনোভাবে ধরে রেখে বললাম, “আমাকে শক্ত করে ধরে রেখো মিত্তিকা।”

মিত্তিকা আমাকে ধরে রেখে কাঁপা গলায় বলল, “আমার এখনো বিশ্বাস হচ্ছে না আমরা বের হয়ে আসতে পেরেছি।”

“এখনই—এত নিশ্চিত হযো না মিত্তিকা—”

“কেন নয়?”

“এই প্রাণীগুলো এত সহজে আমাদের ছেড়ে দেবে না।”

মিত্তিকা ভয়-পাওয়া গলায় বলল, “কেন? এ কথা বলছ কেন?”

“প্রাণীগুলো এতদিন শুধু মৃত মানুষদের দেখেছে—এই প্রথমবার তারা জীবিত মানুষ দেখছে। বুদ্ধিমান প্রাণী হলে কৌতূহল হবার কথা।”

“সর্বনাশ!”

“হ্যাঁ, প্রকৃত থেকে। অস্ত্রটা হাতে রেখো—”

“কিন্তু আমি বলেছি আমি গুলি করতে পারি না। কীভাবে করতে হয় আমি জানি না—”

“তোমার জানতে হবে না। যখন সময় হবে তুমি জানবে।”

“কেমন করে জানব?”

“বেঁচে থাকার আদিম প্রবৃত্তি থেকে।”

আমি আর মিত্তিকা মাটি থেকে শ খানেক মিটার উপর দিয়ে উড়ে যেতে লাগলাম, চারপাশে সবুজাভ এক ধরনের কুয়াশা এবং ধূসো, আমি টের পেলাম আমার শরীরে বৈদ্যুতিক চার্জ জমা হতে শুরু করেছে—আমরা তার মাঝে উড়ে যেতে লাগলাম। মিত্তিকা আমাকে শক্ত করে ধরে রেখেছে, আমি টের পাচ্ছি সে এখনো ধরধর করে কাঁপছে।

কিছুক্ষণের মাঝে আমি স্কাউটশিপিটা দেখতে পেলাম—অস্থিতিশীল এহটির আবছা আলোতে সেটিকে একটি প্রাগৈতিহাসিক প্রাণীর মতো লাগছিল। আমি স্কাউটশিপের সাথে যোগাযোগ করে একটা নিশ্বাস ফেলে বললাম, “আমরা কাছাকাছি এসে গেছি মিত্তিকা। নামার জন্য প্রস্তুত হও।”

“আমি প্রস্তুত আছি।”

আমি জেট প্যাকের সুইচ স্পর্শ করে ইঞ্জিন দুটো নিয়ন্ত্রণ করে সাবধানে নিচে নেমে এলাম। হাতে অস্ত্রটি ধরে রেখে আমি দ্রুত চারপাশে একবার তাকিয়ে নিই, কোথাও কিছু নেই। মিত্তিকা আমাকে শক্ত করে ধরে রেখেছে; আমি শুনেতে পেলাম তার স্পেসস্যুটের ভিতরে সে জোরে জোরে নিশ্বাস নিচ্ছে।

আমরা স্কাউটশিপের দরজার কাছে এসে দাঁড়াতেই ঘর্ঘর্ শব্দ করে দরজাটা খুলে গেল। আমি মিত্তিকাকে সামনে এগিয়ে দিয়ে বললাম, “ঘাও ভিতরে ঢোক।”

প্রথমে মিত্তিকা এবং তার পিছু পিছু আমি ভিতরে ঢুকলাম এবং প্রায় সাথে সাথে ঘর্ঘর্ শব্দ করে দরজাটা বন্ধ হয়ে গেল। মিত্তিকা স্কাউটশিপের দেয়ালে পিঠ লাগিয়ে জোরে জোরে নিশ্বাস নিতে নিতে বলল, “আমরা বেঁচে গেছি? বেঁচে গেছি ইবান?”

“সেটা এখনো জানি না, তবে মনে হচ্ছে বিপদের ঝুঁকি অনেকটা কমেছে।” আমি নরম গলায় বললাম, “নিরাপদে মহাকাশযান ফেবিয়ানে ফিরে যাবার সজ্জাবনা এখন শতকরা নব্বই ভাগ।”

আমরা স্কাউটশিপের কোয়ার্টারটাইন কক্ষে^{৩২} দাঁড়িয়ে রইলাম, স্কাউটশিপের স্বয়ংক্রিয় যন্ত্রপাতি আমাদের স্পেসস্যুট থেকে সকল রকম জৈব-অজৈব পদার্থ পরিষ্কার করতে শুরু করেছে। আমাদের ঘিরে নানারকম রাসায়নিক তরল ঘুরতে থাকে, শক্তিশালী আলট্রা ভায়োলেট রশ্মি^{৩৩} এসে আঘাত করে—সকল বাতাস তম্ব নেওয়া হয়। মিত্তিকা অর্ধৈর্ষ হয়ে বলল, “এটা কখন শেষ হবে? কখন আমরা স্কাউটশিপ চালু করব?”

“এই তো একুনি।”

“এত দেরি হচ্ছে কেন?”

“কিছু করার নেই মিত্তিকা, যতক্ষণ পর্যন্ত আমাদের পুরোপুরি পরিষ্কার করা না হচ্ছে আমাদের এখান থেকে ভিতরে ঢুকতে নেওয়া হবে না। অজানা কোনো জীবনের চিহ্ন, কোনো ভাইরাস, কোনো জীবাণু নিয়ে আমরা ফেবিয়ানে ফিরে যেতে পারব না।”

“কেন?”

“আমাদের নিরাপত্তার জন্যই।”

মিত্তিকা অর্ধৈর্ষ হয়ে দাঁড়িয়ে ছটফট করতে লাগল। আমিও ভিতরে ভিতরে অস্থির হয়ে গেছি কিন্তু বাইরে সেটা প্রকাশ করলাম না, মহাকাশযানের অধিনায়কদের নিজেদের অনুভূতি এত সহজে প্রকাশ করার কথা নয়।

একসময় কোয়ার্টারটাইন ঘরে নিরাপত্তার সবুজ আলো জ্বলে উঠল। আমি আর মিত্তিকা বায়ুনিরোধক দরজা দিয়ে স্কাউটশিপের ভিতরে ঢুকলাম। আমরা দ্রুত আমাদের স্পেসস্যুট খুলে নিতে শুরু করি, যদিও নতুন এই পোশাকগুলো পুরোপুরি বায়ুনিরোধক হয়েও আশ্চর্য রকম পেলব কিন্তু তারপরেও দীর্ঘ সময় একটি বায়ুনিরোধক পরিবেশের ভিতরে থেকে যন্ত্রপাতি দিয়ে কথা বলার ব্যাপারটি স্নায়ুর ওপরে এক ধরনের চাপের সৃষ্টি করে। স্পেসস্যুট ভাঙের মাঝে চুকিয়ে, অস্ত্রগুলো খুলে নিরাপদ জায়গায় রেখে আমরা স্কাউটশিপের নিয়ন্ত্রণ প্যানেলের কাছে এসে দাঁড়ালাম। মিত্তিকা আমার কাছে এসে আমার হাত স্পর্শ করে বলল, “ইবান—”

“কী হল?”

“আমার প্রাণ রক্ষা করার জন্য তোমাকে অনেক ধন্যবাদ।”

“তোমার প্রাণ তো আসালামভাবে রক্ষা করি নি। আমি আমাদের প্রাণ রক্ষা করেছি।”

“কিন্তু তুমি তো আমাকে নিয়ে বের হয়ে এসেছ, তুমি তো ইচ্ছে করলে জেট প্যাক ব্যবহার করে একা বের হয়ে আসতে পারতে।”

আমি অবাধ হয়ে মিত্তিকার দিকে তাকিয়ে রইলাম, বললাম, “আমি একা কেন বের হয়ে আসব?”

মিত্তিকা আমার চোখের দিকে তাকিয়ে বলল, “সেটাই নিয়ম। সবাই নিজের জন্য বেঁচে থাকে। আমি সেটাই শিখেছি। সেটাই পেখানো হয়েছে।”

“সেটা নিয়ম না, মিত্তিকা। আমি সেটা শিখি নি।”

মিত্তিকা নিশ্বাস ফেলে বলল, “তুমি অন্যরকম। তোমার জিনেটিক প্রোফাইলও অন্যরকম। আমি লক্ষ করছি।”

আমি কিছু না বলে নিয়ন্ত্রণ প্যানেলে স্কাউটশিপের ইঞ্জিনের অবস্থা লক্ষ করে সেটা চালু করার প্রাথমিক ব্যবস্থাগুলো শেষ করতে থাকি। মিত্তিকা আমার পাশে দাঁড়িয়ে একটা নিশ্বাস ফেলে বলল, “এর মাঝে সবচেয়ে ভালো কী হয়েছে জান?”

আমি মাথা নাড়লাম, বললাম, “জানি। ম্যাসেল ক্লাস দূর হয়েছে।”

“হ্যাঁ। আমি জানি না তাকে আর কোনোভাবে দূর করা যেত কি না—”

“মনে হয় এত সহজে যেত না। একজন খুব খারাপ মানুষকে শুধুমাত্র অন্য একজন খুব খারাপ মানুষ শাস্ত করতে পারে।”

মিত্তিকা খুব সুন্দর করে হেসে বলল, “তুমি খারাপ মানুষ নও। তুমি খুব চমৎকার একজন মানুষ। কাজেই তুমি ওর কিছু করতে পারতে না।”

আমি হেসে বললাম, “তুমি আমার সম্পর্কে কিছু জান না, তুমি আমাকে দেখেছ মাত্র তিন কয়েকদিন।”

“সেটাই যথেষ্ট। আমি অনেক মানুষকে দেখেছি, তুমি অন্যরকম। তোমার ভিতরে কিছু একটা আছে যেটা অন্যের ভিতরে নেই।”

আমি সুইচ স্পর্শ করে মূল ইঞ্জিনে জ্বালানির প্রবাহ সৃষ্টি করে তাকিয়ে রইলাম, আর কিছুক্ষণের মাঝেই আমরা এই অস্তিত্ব গ্রহটাকে ছেড়ে চলে যেতে পারব। মিত্তিকা আরো একটু এগিয়ে এসে বলল, “ম্যাসেল ক্লাসকে ওরা কী করছে বলে তোমার মনে হয়?”

আমি মাথা নাড়লাম, বললাম, “বলা কঠিন। তবে আমাদের চাইতে সে অনেক বেশি বিচিত্র। ভয়ঙ্কর মানুষ ছিল ম্যাসেল ক্লাস। মস্তিষ্কে আরো একটা কম্পোনেন্ট বসিয়ে রেখেছে—হাইব্রিড মানুষ। যখন তার মানুষের অংশটাকে কাবু করে ফেলা হয়—তার যন্ত্রের অংশটা লাম্বিত্ব নিয়ে নেয়।”

“কী ভয়ানক!”

“আর চিন্তা নেই। যন্ত্রণা দূর হয়েছে।” আমি কন্ট্রোল প্যানেল দেখে মিত্তিকাকে বললাম, “ইঞ্জিন চালু করার সময় হয়েছে। মিত্তিকা তুমি নিরাপত্তা বেক্ট লাগিয়ে গিয়ে বস।”

মিত্তিকা তার বসার আসনের দিকে রওনা দিয়ে হঠাৎ একটা আর্ন্তচিৎকার করে উঠল। আমি চমকে উঠে ঘুরে তাকলাম এবং হঠাৎ করে আমার হৃৎস্পন্দন থেমে গেল। স্কাউটশিপের জানালায় ম্যাসেল ক্লাস দাঁড়িয়ে আছে—সে ফিরে এসেছে!

মিত্তিকা চিৎকার করে বলল, “ইবান! ইঞ্জিন চালু কর—একুনি।”

আমি নিয়ন্ত্রণ প্যানেলের ওপর হুঁকে পড়লাম—ম্যাসেল ক্লাস স্কাউটশিপের ভিতরে ঢুকতে পারবে না—তার হাতের অস্ত্র দিয়েও সহজে আমাদের কোনো ক্ষতি করতে পারবে না। আমি সুইচ স্পর্শ করতে গিয়ে থেমে গেলাম, ম্যাসেল ক্লাসকে কুণ্ডলিত সাপের মতো কিছু একটা জড়িয়ে ধরেছে, সে প্রাণপণে সেই কিলবিলে জিনিসটি থেকে মুক্ত হওয়ার চেষ্টা করছে। তার মুখে আতঙ্ক, সে চিৎকার করছে।

মিত্তিকা হিষ্টিরিয়াধ্বস্তের মতো আবার চিৎকার করতে থাকে, “তাড়াতাড়ি ইবান, তাড়াতাড়ি—”

ইঞ্জিন চালু করতে গিয়ে আমি আবার থেমে গেলাম, ম্যাসেল ক্লাসের চোখে-মুখে অনুনয়, তার জীবন তিস্তা চাইছে—অস্ত্র দিয়ে গুলি করেও প্রাণীটির অস্তিত্ব থেকে নিজেকে

রক্ষা করতে পারছে না। একজন মানুষ একটি মহাজাগতিক প্রাণী থেকে নিজেকে রক্ষা করতে চাইছে আমি মানুষ হয়ে দেখানো কি আরেকজন মানুষকে ধ্বংস হতে দিতে পারি?

আমি সুইচ থেকে নিজের হাত সরিয়ে নিয়ে উঠে দাঁড়লাম। মিত্তিকা চিৎকার করে বলল, “কী হল?”

“ম্যাসেল ক্লাসকে সাহায্য করতে হবে।”

“কী বললে?” মিত্তিকা নিজের কানকে বিশ্বাস করতে পারল না, “তুমি কী বললে?”

“বলেছি ম্যাসেল ক্লাসকে এই মহাজাগতিক প্রাণীর হাত থেকে বাঁচাতে হবে।”

“কেন?” মিত্তিকা চিৎকার করে বলল, “কেন?”

“কারণ, ম্যাসেল ক্লাস একজন মানুষ। একজন মানুষ সবসময় অন্য মানুষকে রক্ষা করে।”

“করে না। কখনো করে না—ম্যাসেল ক্লাস মানুষ নয়। দানব। আমাদের শেষ করে দেবে।”

“সম্ভবত।” আমি শান্ত গলায় বললাম, “কিন্তু আমি একজন মানুষ হয়ে আরেকজন মানুষকে এভাবে ফেলে চলে যেতে পারব না।”

“কী বলছ তুমি? কী বলছ?” মিত্তিকা চিৎকার করে উঠল, “তুমি কীরকম মানুষ?”

আমি মাথা নেড়ে স্কাউটশিপের দরজার দিকে এগিয়ে গেলাম, নিহু গলায় বললাম, “আমি দুর্ভাগ্যবিশিষ্ট মিত্তিকা। তুমি একটু আগেই বলেছ আমি অন্যরকম মানুষ।” আমি একটু থেমে যোগ করলাম, “মনে হয় আসলেই অন্যরকম। অন্যরকম নির্বোধ।”

আমি হঠাৎ করে আমার মাথের ওপর এক ধরনের অভিমান অনুভব করলাম। বিচিত্র এক ধরনের অভিমান—কেন আমার মা আমাকে এ রকম একজন অর্ধহীন ভালোমানুষ হিসেবে জন্ম দিয়েছিল?

৬

স্কাউটশিপের প্রাকমা ইঞ্জিন দুটো গুরুত্বপূর্ণ শব্দ করছে, আমরা উপগ্রহটা ঘুরে এসে এইমাত্র সেখান থেকে কোবিয়ানের দিকে রওনা দিয়েছি। স্কাউটশিপের যোগাযোগ মডিউল ঠিকভাবে কোবিয়ানের সাথে যোগাযোগ করে স্বয়ংক্রিয় ফিডব্যাক চালু করেছে নিশ্চিত হওয়ার পর আমি চেয়ারে হেলান দিয়ে বসেছি। ঠিক এ রকম সময়ে আমি অনুভব করলাম আমার গলায় শীতল একটা ধাতব জিনিস স্পর্শ করেছে, জিনিসটা কী বুঝতে আমার অসুবিধে হল না—ম্যাসেল ক্লাসের স্বয়ংক্রিয় অস্ত্রটি। আমার কাছে ব্যাপারটি খুব অপ্রত্যাশিত মনে হল না, আমি এ রকম কিছুই জন্ম অপেক্ষা করছিলাম।

ম্যাসেল ক্লাস শীতল গলায় বলল, “আহামক কোথাকার।”

আমি কোনো কথা বললাম না। ম্যাসেল ক্লাস দাঁতে দাঁত ঘষে বলল, “আমাকে যে দরজা খুলে স্কাউটশিপে ঢুকতে দিয়েছ সেটা প্রমাণ করে তুমি কত বড় আহামক, কত বড় নির্বোধ।”

আমি এবারো কোনো কথা বললাম না। ম্যাসেল ক্লাস এবারে যেন একটু জুস্ত হয়ে উঠল, তার অস্ত্রটি দিয়ে আমার গলায় একটা বোঁচা দিয়ে বলল, “আমি এই মুহূর্তে তোমার মাথায় গুলি করে দিলু বের করে দিতাম। কেন সেটা করছি না জান?”

আমি মাথা নাড়লাম, বললাম, “না, জানি না।”

“কারণ তা হলে কন্ট্রোল প্যানেলটা তোমার মস্তিষ্কের টিস্যু আর রক্তে মাঝামাঝি হয়ে যাবে। বুঝেছ?”

আমি মাথা নাড়লাম, বললাম, “বুঝেছি।”

“আমি নির্বোধ মানুষ সহ্য করতে পারি না।”

আমি এবারে হাত দিয়ে ম্যাসেল ক্যাসের উদ্যত অঙ্গটা অবহেলার সাথে সরিয়ে বললাম, “ম্যাসেল ক্যাস—তুমি খুব ভালো করে জান কেন তুমি আমাকে সহ্য করতে পার না। আমি নির্বোধ সে কারণে নয়।”

“তা হলে কেন?”

“কারণ আমি তোমার প্রশ্ন রক্ষা করেছি। সেজন্য।” আমি এবারে ঘুরে তার চোখের দিকে তাকিয়ে বললাম, “তুমি বুঝতে পারছ না কেন আমি তোমার প্রশ্ন রক্ষা করেছি। সেটা বুঝতে না পেরে তুমি হটফট করছ।”

“আমি খুব ভালো করে বুঝতে পারছি আহাম্মক।”

“না, তোমার বোঝার ক্ষমতা নেই ম্যাসেল ক্যাস। তবে তোমার মানসিক শক্তির জন্য আমি সেটা তোমাকে বলব।”

ম্যাসেল ক্যাস সরু চোখে আমার চোখের দিকে তাকাল। আমি বললাম, “এই উপগ্রহের প্রাণীরা বুদ্ধিমান। যদি এরা বুদ্ধিমান না হত তা হলে ছয় জন মৃত মানুষের মস্তিষ্ক থেকে সকল তথ্য বের করে নিয়ে এসে তাদেরকে জীবন্ত মানুষের মতো ব্যবহার করতে পারত না। আমি নিশ্চিত এই প্রাণীদের সাথে আবার আমাদের দেখা হবে, যোগাযোগ হবে এমনকি বন্ধুত্ব হবে। আমি তাদের একটা ভুল ধারণা দিতে চাই নি—”

“কী ভুল ধারণা?”

“যে বিপদের সময় একজন মানুষ অন্য মানুষের পাশে এসে দাঁড়ায় না।”

ম্যাসেল ক্যাস কোনো কথা না বলে আমার দিকে জ্বলন্ত চোখে তাকিয়ে রইল, তারপর হিসহিস করে বলল, “আমি তোমাকে শেষ করব। ইবান—” প্রত্যেকটা শব্দে আলাদা করে জোর দিয়ে বলল, “সারা জীবনের জন্য শেষ করব।”

আমি মাথা ঘুরিয়ে নিম্নতর প্যানেলের দিকে তাকিয়ে বললাম, “তাতে কিছু আসে-যায় না ম্যাসেল ক্যাস। আমি তোমাকে আগুই বসেছি, তাতে কিছু আসে-যায় না।”

স্কাউটশিপটা ফোবিয়ানের দিকে এগিয়ে যেতে থাকে—মনিটরে ফোবিয়ান ধীরে ধীরে স্পষ্ট হয়ে উঠছে। আমি অনেকটা অনমনস্কভাবে সেদিকে তাকিয়ে রইলাম। এ রকম সময় হঠাৎ করে কান্নার শব্দ শুনতে পেলাম। স্কাউটশিপে কেউ একজন কাঁদছে। পিছনে ঘুরে না তাকিয়েও আমি বুঝতে পারলাম সেটি মিত্তিকা। মিত্তিকা কেন কাঁদছে?

রিতুন ক্রিস আমার ঘরের মাঝামাঝি দাঁড়িয়ে আছেন—তিনি একটি হলোপ্রাফিক প্রতিচ্ছবি তাই তিনি দাঁড়িয়ে থাকতে পারেন, প্রয়োজন হলে বসেও থাকতে পারেন। ভরশূন্য পরিবেশে একজন সত্যিকারের মানুষ দাঁড়িয়ে থাকতে পারে না বা বসে থাকতে পারে না—তাকে ভেসে থাকতে হয়। আমি ঘরের দেয়াল স্পর্শ করে তার সামনে স্থির হয়ে থাকার চেষ্টা করছিলাম। রিতুন ক্রিস আমার দিকে তাকিয়ে একটু হাসলেন। আমি বললাম, “মহামান্য রিতুন, আপনার কী মনে হয়? আমি কি ভুল করেছি?”

রিতুন ক্রিস মাথা নাড়লেন, বললেন, “না ইবান। তুমি ভুল কর নি।”

“আপনি কি সত্যিই বলছেন, নাকি আমাকে সত্যনা দেওয়ার জন্য বলছেন?”

মহামান্য রিতুন হেসে মাথা নাড়লেন, “আমি যখন একজন সত্যিকার মানুষ ছিলাম তখনো মিছিমিছি কাউকে সত্যনা দিই নি—এখন তো কোনো প্রশ্নই আসে না।”

“তবে খুব শান্তি পেলাম। ম্যাসেল ক্যাসকে ফিরিয়ে নিয়ে আসার পর থেকে খুব অশান্তিতে ছিলাম, শুধু মনে হচ্ছিল কাজটা কি ঠিক করলাম? বিশেষ করে যখন মিত্তিকার কান্নার কথা মনে হচ্ছিল তখন নিজেকে খুব অপরাধী মনে হচ্ছিল।”

“সেটাই খুব স্বাভাবিক।” মহামান্য রিতুন নরম গলায় বললেন, “পুরোপুরি এক শ তাপ বিবেকহীন অপরাধী যখন হাইব্রিড মানুষ হয়ে একটা মহাকাশযান দখল করে ফেলে তখন সেটা খুব ভয়ের ব্যাপার হতে পারে। তুমি যে নিজেকে অপরাধী ভাবছ সেটা এমন কিছু স্বাভাবিক নয়।”

“কিন্তু—কিন্তু—মিত্তিকা এত ভেঙে পড়ল কেন?”

“সম্ভবত সে কিছু একটা জানে যেটা তুমি জান না। সে কিছু একটা অনুভব করতে পারছে যেটা তুমি অনুভব করতে পারছ না।”

আমি চমকে উঠে বললাম, “আপনি কী বলছেন মহামান্য রিতুন?”

রিতুন ক্রিস একটা নিশ্বাস ফেলে বললেন, “আমি কিছুই বলছি না ইবান, আমি অনুমান করার চেষ্টা করছি।”

“আপনি কী অনুমান করেছেন?”

“মিত্তিকা অপূর্ব সুন্দরী একটি মেয়ে। ম্যাসেল ক্যাস নিঃসঙ্গ একজন পুরুষ—মানুষের আদিম প্রবৃত্তি অনুমান করা তো কঠিন কিছু নয়।”

আমি কয়েক মুহূর্ত কোনো কথা বলতে পারলাম না, হতবাক হয়ে রিতুন ক্রিসের দিকে তাকিয়ে রইলাম। শুকনো ঠোঁট জিত দিয়ে ভিজিয়ে বললাম, “আপনি বলেছিলেন জীবনকে সহজভাবে নিতে। আমি নিজের জীবনকে সহজভাবে নিতে পারি কিন্তু মিত্তিকার জীবন?”

রিতুন ক্রিস কিছু বললেন না। আমার দিকে একদৃষ্টে তাকিয়ে রইলেন। আমি কাতর গলায় বললাম, “ম্যাসেল ক্যাসকে যদি ঐ ভয়ঙ্কর উপগ্রহটাতে ছেড়ে আসতাম তা হলে আমরা বেঁচে যেতাম! আমি নিজের হাতে এই দানবটাকে নিয়ে এসেছি—”

রিতুন ক্রিস মাথা নাড়লেন, বললেন, “হ্যাঁ। এই দানবটাকে এখন তোমার নিজের হাতে খুন করতে হবে।”

“এটি কি একটি স্ববিরোধী কাজ হল না? একজন মানুষকে বাঁচিয়ে এনেছি তাকে খুন করার জন্য?”

“কোনো হিসেবে নিশ্চয়ই স্ববিরোধী। তুমি সেই হিসেবে যেও না ইবান।”

আমি অসহায়ভাবে মাথা নেড়ে বললাম—“কিন্তু ম্যাসেল ক্যাসকে খুন করা যায় না মহামান্য রিতুন। তার শরীর থেকে গুলি ফিরে আসে।”

“আমি দুঃখিত ইবান, মানুষকে কীভাবে খুন করতে হয় সে সম্পর্কে আমার বিন্দুমাত্র ধারণা নেই।”

“কিন্তু তা হলে কেমন করে হবে?” আমি মাথা কাঁকিয়ে বললাম, “আপনার আমাকে সাহায্য করতে হবে মহামান্য রিতুন। দোহাই আপনাকে—”

“আমি একটি হলোপ্রাফিক প্রতিচ্ছবি ইবান। আমার অস্তিত্ব একটি নিউরাল নেটওয়ার্ক।”

“কিন্তু আপনি নিজেই বলেছেন আপনি সত্যিকার রিতুন ক্রিস। আপনি সর্বকালের সবচেয়ে প্রতিভাবান মানুষ—”

“সেটি অতিরঞ্জন। সেটি ভালবাসার কথা। আমি আসলে সাধারণ মানুষ।”

“কিন্তু আপনি যেটা জানেন সেটা নিশ্চিতভাবে জানেন, সেটা বিশ্বাস করেন। আপনি বলুন আমি কী করব?”

রিতুন ক্লিন দীর্ঘ সময় চুপ করে থেকে বললেন, “ম্যাক্সেল কুাসের সবচেয়ে বড় শক্তি হচ্ছে সে হাইব্রিড মানুষ। সেই শক্তিকে তার দুর্বলতায় পরিণত করে নাও।”

“কীভাবে করব সেটা?”

“আমি জানি না। সেটা আমি জানি না ইবান। সেটা তোমাকে ভেবে বের করতে হবে।”

রিতুন ক্লিন চলে যাবার পরও আমি স্থির হয়ে এক জায়গায় ভেসে রইলাম। আমি এখন কী করব? ম্যাক্সেল কুাসের শক্তিকে কীভাবে আমি দুর্বলতায় পরিণত করব? আমি ঠাণ্ডা মাথায় পুরো ব্যাপারটি ভাবতে চাইলাম এবং হঠাৎ করে আবিষ্কার করলাম আমার হাঁটার ইচ্ছে করছে, আমি যখন কোনো কিছু নিয়ে ভাবি তখন আমি একাএকা হাঁটি। এই ভরশূন্য পরিবেশে ভেসে থাকা যায় কিন্তু হাঁটা যায় না—আমি তাই ভেসে ভেসে মহাকাশে শরীর ঠিক রাখার জন্য ছোট ব্যামামের ঘরটিতে গিয়ে হাজির হলাম। গোলাকার এই ঘরটিকে তার অক্ষের ওপর ঘুরিয়ে এর ভিতরে কম বা বেশি মাধ্যাকর্ষণ তৈরি করা যায়। দীর্ঘ মহাকাশ অভিযানে যেতে হলে সবাইকে সময় করে নিয়মমাফিক এখানে প্রবেশ করতে হয়। আমি দেয়ালে সুইচটি স্পর্শ করতেই গোলাকার ঘরটি ঘুরতে শুরু করল এবং আমি কিছুক্ষণের মাঝেই ঘরের দেয়ালে পা দিয়ে দাঁড়ালাম। দুই হাত ছড়িয়ে শরীরে রক্ত চলাচল করিয়ে আমি এবারে হাঁটতে শুরু করি, হাঁটতে হাঁটতে পুরো ব্যাপারটি একেবারে গোড়া থেকে ভাবা দরকার।

ম্যাক্সেল কুাস একজন হাইব্রিড মানুষ—যার অর্ধ সে একই সাথে মানুষ এবং যন্ত্র। তার শরীরে কী ধরনের যান্ত্রিক ব্যাপার আছে আমি জানি না। কিন্তু তার মস্তিষ্কে একটা কপেট্রিন বসানো আছে সে ব্যাপারে আমি নিশ্চিত। তাই যখন তার সেহের তাপমাত্রা শীতল করে তাকে ক্যাপসুলে ভরে রাখা হয়েছিল সে তার ভিতর থেকে বের হতে পেরেছিল। একজন সাধারণ মানুষ অচেতন হয়ে যায় ম্যাক্সেল কুাস কখনো অচেতন হয় না—তার কপেট্রিন তখন তার শরীরের দায়িত্ব নিয়ে নেয়। সেই কপেট্রিনটি কতটুকু বুদ্ধিমান? যেহেতু তার মাথার মাঝে বসানো আছে সেটি বাড়াবাড়ি কিছু হতে পারে না, নিশ্চয়ই কাজ চালানোর মতো একটা কপেট্রিন। যদি কোনোভাবে ম্যাক্সেল কুাসকে অচেতন করে তার কপেট্রিনকে বের করে আনা যেত তা হলে কি বুদ্ধিমত্তার একটা প্রতিযোগিতা করা যেত না?

আমি গোলাকার ঘরের মাঝে আরো দ্রুত হাঁটতে থাকি এবং আমার হাঁটার সাথে তাল মিলিয়ে ঘরটি আরো দ্রুত ঘুরতে থাকে এবং মাধ্যাকর্ষণ শক্তিও বেড়ে যায়—আমার মনে হতে থাকে আমার শরীর ভারী হয়ে আসছে। ম্যাক্সেল কুাসকে অচেতন করতে হলে তাকে বিষাক্ত কোনো গ্যাস দিয়ে অচেতন করতে হবে কিংবা খাবারের মাঝে কোনো বিষাক্ত জিনিস মিশিয়ে দিতে হবে। কিন্তু এগুলো তৃতীয় শ্রেণীর অপরাধীর কাজ—আমি কেমন করে সেটা করব?

আমি আরো দ্রুত হাঁটতে থাকি এবং অনুভব করতে থাকি আমার শরীরের ওজন আরো বেড়ে যাচ্ছে—মাধ্যাকর্ষণ শক্তি নিশ্চয়ই অনেকগুণ বেড়ে গেছে। আমার হঠাৎ এক ধরনের ছেলেমানুষি কৌক চাপল, আমি আমার শারীরিক ক্ষমতা পরীক্ষা করার জন্য আরো দ্রুত হাঁটতে থাকি এবং দেখতে দেখতে আমার শরীর সীসার মতো ভারী হয়ে আসে, আমার মাথা

হালকা লাগতে থাকে এবং আমার মনে হয় আমি বুদ্ধি অচেতন হয়ে পড়ব। আমি তবুও দাঁতে দাঁত চেপে নিজেকে টেনে নিতে থাকি—আমার নিশ্বাস ভারী হয়ে আসে, আমার সারা শরীর ঘামতে থাকে। আমি পাথরের মতো ভারী দুটি পা'কে আরো দ্রুত টেনে নিতে থাকি, ধাতব দেয়ালে পাথরের শব্দ প্রতিধ্বনি হয়ে ফিরে আসতে থাকে—আমার মনে হতে থাকে লাল একটা পরদা বুদ্ধি চোখের সামনে নেমে আসতে চাইছে, তবু আমি ধামলাম না, আমি ছুটেই চললাম।

হঠাৎ করে কোথায় জানি কর্কশ স্বরে একটা এলার্ম বেজে ওঠে এবং একটা লাল বাতি জ্বলতে-নিভতে শুরু করে। আমি সাথে সাথে ফোবির কথা স্মরণে পেলাম, “মহামান্য ইবান, আপনি ধামুন না হয় অচেতন হয়ে যাবেন।”

আমি বিদ্যুৎস্পৃষ্টের মতো চমকে উঠে বললাম, “কী বললে তুমি ফোবি? কী বললে?”

“বলছি আপনি এতক্ষণ যদি না ধামেন তা হলে অচেতন হয়ে যাবেন, আপনার মস্তিষ্কে রক্তপ্রবাহ কমে আসছে।”

“অচেতন? তুমি বলছ অচেতন হয়ে যাব?”

“হ্যাঁ।”

“ফোবি আমি দেখতে চাই আমি অচেতন না হয়ে কতদূর যেতে পারি—”

“কেন মহামান্য ইবান?”

“কারণ আছে, একটা কারণ আছে।”

“কী কারণ?”

“সময় হলোই তোমাকে বলব। এখন আমাকে আরো বেশি মাধ্যাকর্ষণ নিয়ে চল—আরো বেশি—”

“ব্যাপারটি ঝুঁকিপূর্ণ হয়ে যাচ্ছে। আপনি যে ভয়ঙ্কর মাধ্যাকর্ষণ শক্তিতে দাঁড়িয়ে আছেন, বেশিরভাগ মানুষ এখানে দাঁড়িয়ে থাকতে পারবে না। তার অনেক আগেই অচেতন হয়ে পড়বে।”

আমি হিংস্রভাবে একটু হেসে বললাম, “আমি সেটাই চাই ফোবি, সব মানুষ যে মাধ্যাকর্ষণ বলে অচেতন হয়ে পড়বে আমি সেখানে স্থির হয়ে দাঁড়িয়ে থাকতে চাই।”

“আমি বুঝতে পারছি না মহামান্য ইবান।”

“তোমার বোঝার দরকার নেই—তুমি মূল তথ্যকেন্দ্র থেকে সব তথ্য নিয়ে এসে আমাকে সাহায্য কর—ভয়ঙ্কর মাধ্যাকর্ষণ শক্তির মাঝে আমাকে স্থির থাকার শক্তি এনে নাও। মানুষের শরীরের যেটুকু শক্তি থাকতে পারে, যেটুকু সহ্য করার ক্ষমতা থাকতে পারে তার পুরোটুকু আমার মাঝে এনে নাও। আমাকে পাথরের মতো শক্ত করে নাও।”

“সেজন্য সময়ের প্রয়োজন মহামান্য ইবান। রাতারাতি মানুষকে অতিমানবে রূপান্তর করা যায় না।”

“আমার কতটুকু সময় আছে আমি জানি না, কিন্তু আমি জানি নষ্ট করার জন্য এক মাইক্রোসেকেন্ডও নেই।”

ফোবি খানিকক্ষণ চুপ করে থেকে বলল, “বেশ।”

আমি মুখ হাঁ করে বড় বড় নিশ্বাস নিয়ে গোলাকার ঘরটিতে নিজেকে টেনে নিতে থাকি—আমাকে যেভাবেই হোক জ্ঞান না হারিয়ে থাকতে হবে। মানুষের পক্ষে যেটা অসম্ভব আমাকে সেই অসম্ভব শক্তি অর্জন করতে হবে। মস্তিষ্ককে বাঁচানোর এ ছাড়া আর কোনো উপায় নেই।

ঘুম থেকে উঠে আমি মিতিকাকে খুঁজে বের করলাম। মহাকাশযানের এক নির্জন কোনায় গোল জানালার পাশে শুয়ে বাইরে তাকিয়ে আছে। বাইরে অসংখ্য নক্ষত্র কালো মহাকাশের মাঝে জ্বলজ্বল করে জ্বলছে। মহাকাশযানটি নিউট্রন স্টারের কাছাকাছি চলে আসছে, আমরা বুঝতে পারছি না কিন্তু মহাকাশযানটির গতিবেগ দ্রুত বেড়ে যাচ্ছে। নিউট্রন স্টারটি এত ছোট যে এটিকে দেখা যাচ্ছে না। দূরে একটি নেবুলা তার সমস্ত বিচিত্র রূপ নিয়ে ফুটে আছে। আমি মিতিকার পাশে গিয়ে নরম গলায় ডাকলাম, “মিতিকা।”

সে ঘুরে আমার দিকে তাকাল, কিছু বলল না।

আমি হাসার চেষ্টা করে বললাম, “তুমি আমার ওপর খুব রেগে আছ তাই না?”

মিতিকা এবারেরও কোনো কথা বলল না। আমি অপরাধীর মতো বললাম, “তোমার সাথে আমি একটা কথা বলতে চাইছিলাম মিতিকা।”

মিতিকা বড় বড় চোখে আমার দিকে তাকিয়ে অদ্ভুতভাবে একটা হেসে বলল, “তোমার মতো একজন মহাপুরুষ আমার মতো তুচ্ছ একজন মানুষের সাথে কথা বলবে?”

আমি একটা হতচকিত হয়ে বললাম, “তুমি কী বলছ মিতিকা?”

“আমি ঠিকই বলছি। তুমি অন্য ধরনের মানুষ—তুমি দশজন সাধারণ মানুষের মতো নও— বিশ্বব্রহ্মাণ্ডের বড় বড় জিনিস নিয়ে তোমাকে ভাবতে হয়। মহাজাগতিক প্রাণীরা যেন মানুষকে ভুল না ভাবে সেজন্য আমার মতো তুচ্ছ একজন মানুষকে তুমি আবর্জনার মতো— অঞ্জালের মতো ফেলে দাও।”

“কী বলছ তুমি মিতিকা?”

মিতিকা গলার স্বরে শ্রেয় ফুটিয়ে এনে বলল, “আমি ভুল বলেছি? নিশ্চয়ই ভুল বলেছি। আমি তুচ্ছ সাধারণ অশিক্ষিত মূর্খ একজন মেয়ে, আমি কি এই মহাজাগতের বড় বড় জিনিস বুঝতে পারি? পারি না—”

“মিতিকা—”

মিতিকা মুখ ফিরিয়ে বলল, “আমাকে একা থাকতে দাও ইবান। দোহাই তোমার—”

“কিন্তু মিতিকা তোমার সাথে আমার কথা বলতেই হবে।”

“না ইবান।” মিতিকা মাথা নেড়ে বলল, “আমার সাথে তোমার কথা বলার কিছু নেই ইবান। আমাকে একা থাকতে দাও। দোহাই তোমার।”

মিতিকা মুখ ফিরিয়ে নিয়ে তার চোখ মুছে নিল—আমার সামনে সে কাঁদতেও রাজি নয়।

আমি ভেসে ভেসে নিয়ন্ত্রণ কক্ষে ফিরে এলাম, হঠাৎ করে আমার নিজেকে একজন সত্যিকারের অপরাধী বলে মনে হতে থাকে।

নিয়ন্ত্রণ কক্ষে ম্যাক্সেল কুস চিত্তিত মুখে বসে ছিল, আমাকে দেখে সে সফ্র চোখে বলল, “ইবান, তোমার সাথে আমার কথা রয়েছে।”

আমি দেখতে পেলাম সে কোমরে একটা স্বয়ংক্রিয় অস্ত্র খুলিয়ে রেখেছে। আমি কাছাকাছি গিয়ে বললাম, “কী কথা?”

“তুমি জান আমি উপরহাে আটকা পড়ে থাকা আমার দলের লোকজনকে উদ্ধার করে আনতে চেয়েছিলাম।”

আমি মাথা নাড়লাম, বললাম, “জানি।”

“কিন্তু দেখতেই পাচ্ছ আমি আমার লোকজনকে উদ্ধার করতে পারি নি।” ম্যাক্সেল কুস একটা নিশ্বাস ফেলে বলল, “তার মানে বুঝতে পারছ?”

আমি মাথা নাড়লাম, বললাম, “বুঝতে পারছি। তোমাকে আবার নতুন করে তোমার দল দাঁড়া করতে হবে।”

ম্যাক্সেল কুস একটা চমকে উঠে আমার দিকে তাকাল, সে আমার কাছে এই উত্তর আশা করে নি। কয়েক মুহূর্ত আমার দিকে নীতল চোখে তাকিয়ে থেকে বলল, “হ্যাঁ। তুমি ঠিকই বলেছ, আমাকে আবার নতুন করে আমার দল তৈরি করতে হবে। দল তৈরি করার জন্য আমার কিছু মানুষ দরকার।”

আমি মুখে বিদ্রূপের একটা হাসি ফুটিয়ে বললাম, “তোমার কিছু মানুষ দরকার নেই, তোমার দরকার কিছু দানবের।”

ম্যাক্সেল কুসের মুখ পাথরের মতো শক্ত হয়ে উঠল, সে কঠোর দৃষ্টিতে আমার দিকে তাকিয়ে বলল, “আমি তোমার সাহস দেখে মাঝে মাঝে বেশ অবাক হয়ে যাই। বেশি সাহস করা দেখায় জ্ঞান।”

“জানি।”

“কারা?”

“দুই ধরনের মানুষ—যারা সাহসী এবং যারা নির্বোধ। আমি জানি আমি সাহসী নই—কাজেই আমি নিশ্চয়ই নির্বোধ।” কথা শেষ করে আমি দাঁত বের করে হাসার ভঙ্গি করলাম।

“না, তুমি নির্বোধ নও। আমি প্রায় মন স্থির করে ফেলেছি যে তোমাকে আমি আমার দলে নেব।”

আমি তয়ানক চমকে উঠলাম, একজন পুরোনস্তুর দস্যু আমাকে তার দলে নেবে সে ধরনের কথা আমি স্ননতে পাব কখনো কল্পনা করি নি। আমি বিশ্বয়ে হতবাক হয়ে তার দিকে তাকিয়ে রইলাম—মানুষটি কি আমার সাথে ঠাট্টা করছে? আমি কয়েকবার চেষ্টা করে শেষ পর্যন্ত বললাম, “তুমি কী বলছ?”

“তুমি অনেক আমি কী বলেছি। এখন তুমি ভাবছ ব্যাপারটা অসম্ভব। তোমার মতো একজন নীতিবান সং ভালোমানুষ কেমন করে দস্যুদলে যোগ দেবে? কিন্তু ব্যাপারটা আসলে অন্যরকম।”

“অন্যরকম?”

“হ্যাঁ। সেই বিংশ শতাব্দীতে মানুষ আবিষ্কার করেছিল মস্তিষ্কের সামনের দিকে একটা অংশ রয়েছে যেটি মানুষের নৈতিকতাকে নিয়ন্ত্রণ করে। মস্তিষ্কের ফ্রন্টাল লোবে ট্রাপল্যানিয়াল ম্যাগনেটিক স্টিমুলেটর দিয়ে সেই অংশটি নিখুঁতভাবে খুঁজে বের করা হয়েছে। আমি সেই অংশটির অবস্থান জানি—মস্তিষ্কের এই অংশটি নষ্ট করে দেওয়া হলে মানুষকে মুক্তি দেওয়া হয়।”

“মুক্তি?”

“হ্যাঁ। তোমাদের তথাকথিত নৈতিকতার বন্ধন থেকে মুক্তি। একবার যখন মুক্তি পাবে তখন তোমাদের আর ভালো কাজ করতে হবে না, মহত্ব দেখাতে হবে না, নৈতিকতা নিয়ে মাথা ঘামাতে হবে না। একেবারে ঠাঞ্জা মাথায় তখন তুমি মানুষ খুল করতে পারবে।”

আমি কিছুক্ষণ বিস্ময়িত চোখে ম্যাক্সেল কুসের দিকে তাকিয়ে রইলাম, মানুষটির কথাবার্তায় রহস্য বা বিদ্রূপের এতটুকু চিহ্ন নেই। সে যে কথাটি বিশ্বাস করে ঠিক সেই কথাটিই বলছে। ম্যাক্সেল কুস হাত দিয়ে দেখিয়ে বলল, “আমি ছোট একটা যন্ত্র তৈরি

করিয়েছি, কপালের ওপর বসিয়ে নিতে হয়, মাথার তিনদিক দিয়ে স্থান করে মস্তিষ্কের মাঝে নির্দিষ্ট অংশটি খুঁজে বের করে। তারপর কপালে ড্রিল করে মস্তিষ্কে ঢুকে যায়, সেখানে নির্দিষ্ট অংশটিতে উষ্ণ চাপের বিদ্যুৎ দিয়ে নিউরনগুলোকে কলসে দেওয়া হয়। চতুর্দশ ঘণ্টার মাঝে তুমি পুরোপুরি অন্য মানুষ হয়ে সেয়ে উঠবে।” ম্যাসেল কাস কথা শেষ করে আমার দিকে তাকিয়ে মধুরভাবে হাসার চেষ্টা করল।

আমি হঠাৎ অনুভব করলাম ভয়ের একটা শীতল স্রোত আমার মেডুলা দিয়ে বয়ে যাচ্ছে। ম্যাসেল কাস আমার আতঙ্কটি বুঝতে পারল, মুখে একটা হাসি ফুটিয়ে মাথা নেড়ে বলল, “আসলে ব্যাপারটি তোমার কাছে যত ভয়ঙ্কর মনে হচ্ছে সেটা মোটেও তত ভয়ঙ্কর নয়। পুরো ব্যাপারটি দুই ঘণ্টার মাঝে শেষ হয়ে যায়, মস্তিষ্কের নির্দিষ্ট অংশটা খুঁজে বের করতে এক ঘণ্টা, মাথায় ড্রিল করে ফুটো করতে এক ঘণ্টা। নিউরনগুলো চোখের পলকে কলসে দেওয়া যায়। সেয়ে উঠতে চতুর্দশ ঘণ্টার মতো সময় লাগে। পুরো ব্যাপারে সেটাই সবচেয়ে সময়সাপেক্ষ। তোমার কাছে এখন মনে হচ্ছে অন্যান্য কাজ করা খুব কঠিন, কিন্তু তুমি দেখবে কত সহজ।”

আমি কোনো কথা না বলে বিস্ফারিত চোখে ম্যাসেল কাসের দিকে তাকিয়ে রইলাম। ম্যাসেল কাস জিত বের করে ঠোঁট দুটো ভিজিয়ে নিয়ে প্রত্যেকটি শব্দ আলাদাভাবে উচ্চারণ করে বলল, “তুমি কা শেষ হয়েছে, এবারে আসল কাজের কথায় আসা যাক।” সে একটা নিশ্বাস নিল, তারপর নিজের নখের দিকে তাকাল, তারপর ঘুরে আমার দিকে তাকিয়ে বলল, “ইবান, আমি বড় নিঃশঙ্ক।”

আমি ভিতরে শিউরে উঠলেও বাইরে শান্ত মুখে দাঁড়িয়ে রইলাম। ম্যাসেল কাস মুখে হাসি ফুটিয়ে বলল, “তোমার মহাকাশযান ফেবিয়ানের মেয়েটিকে আমার খুব পছন্দ হয়েছে। নামটিও খুব সুন্দর, মিতিকা।”

ম্যাসেল কাস একটা নিশ্বাস ফেলে বলল, “আমি ঠিক করেছি মিতিকাকে আমার সঙ্গী করে নেব। কী বল?”

“তোমার মতো একজন দানবের চরিত্রের সাথে মানানসই একটা সিদ্ধান্ত।”

“ম্যাসেল কাস কোমরে বেঁধে রাখা অস্ত্রটি খুলে এবারে হাতে নিয়ে বলল, “তোমার নিজের মস্তিষ্কের জন্য বলছি ইবান, সীমা অতিক্রম করো না। ব্যাপারটি নিয়ে দুঃখিত হবারও সুযোগ পাবে না।”

“তুমি আমার মতামত জানতে চেয়েছিলে—”

“আসলে মতামত জানতে চাই নি, তোমাকে জানিয়ে রাখছিলাম। তোমার আসল সমস্যাটি কোথায় জান?”

“ঠিক কোন সমস্যার কথা বলছ জানালে হয়তো বলতে পারতাম।”

“না, পারতে না। কারণ তুমি জান না। ন্যায়-অন্যায় অপরাধ-মহত্ব এসবের সংজ্ঞার পরিবর্তন হয়েছে। মস্তিষ্কের একটি ছোট অংশ আছে কি নেই সেটা হচ্ছে অপরাধী এবং নিরপরাধের মাঝে পার্থক্য। যার সেই ছোট অংশ নেই তাকে কি আর অপরাধী হিসেবে ঘৃণা করা যায়, নাকি শাস্তি দেওয়া যায়?”

আমি কোনো কথা বললাম না। ম্যাসেল কাস কয়েক মুহূর্ত চুপ করে থেকে বলল, “প্রাচীনকালে অপরাধী ছিল, মীতিবান মানুষও ছিল, এখন ওসব কিছু নেই। যেমন মনে কর মিতিকার কথা। মেয়েটিকে আমার খুব পছন্দ হয়েছে—কিন্তু আমি কি তাকে জোর করে আমার সঙ্গী করব?” ম্যাসেল কাস নিশ্বাস ফেলে বলল, “কখনোই না। আমি তার মস্তিষ্কে

ছোট একটা অস্ত্রোপচার করব, মিতিকা তখন তার চারপাশের জগৎকে নতুন চোখে দেখবে।”

ম্যাসেল কাস হাত দিয়ে নিজের বুক স্পর্শ করে বলল, “মিতিকার তখন মনে হবে এই বিশ্বব্রহ্মাণ্ডে সবচেয়ে সুন্দর সবচেয়ে আকর্ষণীয় মানুষ হচ্ছে ম্যাসেল কাস। পতক যেভাবে আগনের দিকে ছুটে যায়, এহাণু যেভাবে ব্ল্যাকহোলের দিকে ছুটে যায়, ঠিক সেভাবে সে আমার কাছে ছুটে আসবে। বুকেছ?”

আমি মাথা নেড়ে জানলাম যে আমি বুকেছি।

ঠিক এ রকম সময়ে মহাকাশযানটি একটু কেঁপে উঠল, ম্যাসেল কাসের ভুক্ত একটু কুঞ্চিত হয়ে উঠল, সে জিজ্ঞেস করল, “কী হয়েছে?”

“আমরা নিউটন স্টারের মাধ্যাকর্ষণের কাছাকাছি চলে আসছি। ফেবিয়ানের গতিবেগ বেড়ে যাচ্ছে, এই ভয়ঙ্কর গতিবেগের জন্য এটা মাঝে মাঝে কেঁপে উঠছে। আমরা নিউটন স্টারের মাধ্যাকর্ষণ শক্তিকে ব্যবহার করে গ্যালাক্সির এই অংশ পাড়ি দেব।”

“প্রিংশট^{৩৭} প্রক্রিয়া?”

“হ্যাঁ।”

“অত্যন্ত অস্থিতিশীল সময়?”

“খানিকটা।”

“তোমার হিসাবে ভুল হলে নিউটন স্টারে গিয়ে ধ্বংস হয়ে যাবে।”

আমি শান্ত গলায় বললাম, “হিসাবে ভুল হবে না। ফেবিয়ান পঞ্চম মাত্রার মহাকাশযান, এর নিউরাল নেটওয়ার্ক হিসাবে ভুল করে না।”

ম্যাসেল কাস উঠে দাঁড়াতে গিয়ে খানিকদূর ভেলে গেল, ঘুরেফিরে এসে বলল, “ইবান, এই ভয়ঙ্কর পরিবেশ আমার আর ভালো লাগছে না। তুমি মহাকাশযানটিকে অক্ষের ওপর ঘুরিয়ে মাধ্যাকর্ষণ ফিরিয়ে এনো।”

আমি বললাম, “আনব। নিশ্চয়ই আনব।”

ম্যাসেল কাস চলে যাবার পর আমি নিয়ন্ত্রণ প্যানেলের সামনে বসে দীর্ঘ সময় নিয়ে ফেবিয়ানের যাত্রাপথ পর্যালোচনা করলাম। ফেবিয়ানের জ্বালানী সীমিত কাজেই যাত্রাপথে প্রতিটি বড় গ্রহ, নিরূপদ নক্ষত্র বা নিউটন স্টারকে ব্যবহার করা হয়, কোনো বিপদ না ঘটলে যতটুকু সম্ভব কাছাকাছি যাওয়া হয়, প্রকল মহাকর্ষণে ফেবিয়ানের গতিবেগ বাড়িয়ে নেওয়া হয়। গতিপথটি খুব যত্ন করে ছক করে নিতে হয় যেন নির্দিষ্ট দিকে নির্দিষ্ট বেগে যাওয়া যায়। ফেবিয়ানের নিউরাল নেটওয়ার্ক হিসাবে কোনো ভুল করবে না সে ব্যাপারে আমি পুরোপুরি নিশ্চিত, তবুও পুরোটা নিজের চোখে দেখতে চাইলাম। ম্যাসেল কাসের দলকে উদ্ধার করার জন্য খানিকটা ঘুরে আসতে হয়েছে। জ্বালানী নষ্ট না করে সেই ফতিটুকু পূরণ করার জন্য এই নিউটন স্টারের বেশ কাছাকাছি যেতে হচ্ছে, যে ব্যাপারটি আমার ঠিক পছন্দ হচ্ছে না। এখান থেকে যে পরিমাণ বিকিরণ হচ্ছে সেটা ফেবিয়ান কতক্ষণ সহ্য করতে পারবে কে জানে। আমি নিয়ন্ত্রণ প্যানেলে নিউটন স্টারের অবস্থানটুকু খুঁটিয়ে খুঁটিয়ে দেখে একটা নিশ্বাস ফেললাম, এর আকর্ষণে মহাকাশযানটির গতিবেগ প্রতি মুহূর্তে বেড়ে যাচ্ছে। মহাকাশযানে এক ধরনের কম্পন অনুভব করা যাচ্ছে, ফতই সময় যাচ্ছে সেটা ততই বেড়ে যাচ্ছে। এ রকম সময়ে যদি কোনো দুর্ঘটনা না ঘটে যায় সেটা নিয়ন্ত্রণ করা খুব কঠিন হবে।

আমি নিয়ন্ত্রণ প্যানেল থেকে সরে এসে ব্যায়াম করার ঘরটিতে ঢুকে সেটা ঘুরিয়ে নেওয়ার ব্যবস্থা করলাম। দেখতে দেখতে ঘূর্ণি বেড়ে গেল, আমি সাথে সাথে দেয়ালে এসে দাঁড়ালাম। কিছুক্ষণের মাঝেই আমার দেহের ওজন বেড়ে যেতে শুরু করে, আমি আবার আমার শরীরের সহ্য করার ক্ষমতা পরীক্ষা করে দেখতে শুরু করে দিই।

কিছুক্ষণের মাঝেই আমার শরীর সীসার মতো ভারী হয়ে আসে, আমার নিশ্বাস নিতে কষ্ট হয়, আমার চোখের সামনে লাল পরদা কাঁপতে থাকে, আমি কোনোমতে পা টেনে টেনে দৌড়াতে থাকি, আমি টের পাই আমার সমস্ত শরীর ঘামতে শুরু করেছে। যখন মনে হল আমি সুটিয়ে মাটিতে পড়ে যাব ঠিক তখন আমার কানের কাছে ফোবির কথা শুনতে পেলাম, “মহামান্য ইবান।”

আমি হাঁপাতে হাঁপাতে কোনোভাবে বললাম, “বল ফোবি।”

“আপনি আবার নিরাপত্তার সীমা অতিক্রম করছেন।”

“ইচ্ছে করেই করছি ফোবি।”

“আমি এখনো বুঝতে পারছি না কেন।”

“সময় হলেই বুঝবে। এখন আমার একটা কথা শোন।”

“কলুন মহামান্য ইবান।”

“আমার কথাটি পুরোপুরি গোপনীয়। আর কেউ কি শুনতে পাবে?”

“না মহামান্য ইবান, আর কেউ শুনতে পাবে না।”

“বেশ, তা হলে শোন, আমি তোমাকে সত্তম মাত্রার একটি জরুরি নির্দেশ দিচ্ছি।”

ফোবি কিছুক্ষণ চুপ করে থেকে বলল, “সত্তম মাত্রার নির্দেশ? আপনি কি সত্যিই বলছেন?”

“আমি সত্যিই বলছি।”

“সত্তম মাত্রার নির্দেশে মহাকাশযানকে ধ্বংস করার পর্যায়ে নেওয়া হয়।”

“হ্যাঁ। আমি জানি। অধিনায়ক হিসেবে আমার সেই ক্ষমতা আছে।”

“আপনি কেন সত্তম মাত্রার জরুরি নির্দেশ নিচ্ছেন মহামান্য ইবান?”

“তুমি নিশ্চয়ই জান ম্যাক্সেল কুাস মিত্তিকার মস্তিষ্কে একটা অস্ত্রোপচার করার সিদ্ধান্ত নিয়েছে।”

“জানি। অত্যন্ত দুঃখজনক একটি সিদ্ধান্ত।”

“সে যদি সত্যিই অস্ত্রোপচার শুরু করে তোমাকে এই আদেশ কার্যকর করতে হবে। যদি না করে তা হলে প্রয়োজন নেই।”

“আমি কীভাবে আদেশ কার্যকর করব?”

“ফোবিয়ানের গতিবেগ কমিয়ে আনতে শুরু করবে।”

“তার জন্য ইঞ্জিন চালু করার প্রয়োজন রয়েছে।”

“আমি তোমাকে ইঞ্জিন চালু করার অনুমতি দিচ্ছি।”

ফোবিয়ান দীর্ঘ সময় চুপ করে থেকে বলল, “ফোবিয়ানের গতিবেগ কমিয়ে আনার অর্ধ আমার নিউট্রন স্টারে গিয়ে আঘাত করব।”

“হ্যাঁ, আমার ধারণা আত্মহত্যার জন্য সেটি চমৎকার একটি উপায়।”

“আপনি আত্মহত্যা করতে চাইছেন মহামান্য ইবান?”

“না, চাইছি না। তবে অনেক সময় কিছু একটা না চাইলেও সেটা করতে হয়।”

ফোবি আবার দীর্ঘ সময় চুপ করে থেকে বলল, “আপনি সত্যিই এটা করতে চাইছেন?”

“হ্যাঁ। ফোবি আমি চাইছি।”

“বেশ, তবে আমার কিছু সুনির্দিষ্ট তথ্য প্রয়োজন। কী হারে গতিবেগ কমাতে?”

“আমি বলছি, তুমি মন দিয়ে শোন।”

আমি আমার পাথরের মতো ভারী দেহকে টেনে নিতে নিতে ফোবিকে নির্দেশ দিতে শুরু করলাম।

৭

মাত্র কিছুক্ষণ হল আমি ফোবিয়ানের খানিকটা মাধ্যাকর্ষণ বল ফিরিয়ে নেওয়ার জন্য পুরো মহাকাশযানটিকে তার অক্ষের ওপর ঘোরানো শুরু করেছি। এত বড় মহাকাশযানটিকে ঘোরাতে প্রচুর শক্তির প্রয়োজন, খুব ধীরে ধীরে সেটা ঘুরতে শুরু করেছে। প্রায় সাথে সাথেই আমরা সবাই মহাকাশযানের দেয়ালে দাঁড়াতে শুরু করেছি। যতক্ষণ ভেসেছিলাম বুঝতে পারি নি এখন বুঝতে পারছি যে ফোবিয়ান আসলে ভয়ানকভাবে কাঁপছে, নিউট্রন স্টারের প্রবল মহাকর্ষ বলটি এই মহাকাশযানের ওপর বেশ ভয়ঙ্কর চাপ সৃষ্টি করেছে। আমি নিয়ন্ত্রণ প্যানেলে ফোবিয়ানের যাত্রাপথটি খুঁটিয়ে খুঁটিয়ে দেখছিলাম, তখন পায়ের শব্দ শুনে ঘুরে তাকিয়ে আমি ভয়ানকভাবে চমকে উঠলাম। ম্যাক্সেল কুাস সৈনিকদের মতো পা ফেলে হেঁটে আসছে, তার পিছনে দুজন অপরিচিত মানুষ, তারা মিত্তিকাকে ধরে টেনেহিঁচড়ে নিয়ে আসছে।

আমি উঠে দাঁড়িয়ে বললাম, “কী হচ্ছে এখানে?”

ম্যাক্সেল কুাস শীতল গলায় বলল, “বিশেষ কিছু নয়। এই মহাকাশযানের নতুন দুজন সদস্যকে তোমার সাথে পরিচয় করিয়ে দিই অধিনায়ক ইবান।”

মিত্তিকাকে ধরে রাখা দুজন মানুষ অদ্ভুত একটা ভঙ্গিতে হাসার চেষ্টা করল, তাদের চোখের দৃষ্টি দেখে তাদেরকে স্বাভাবিক মানুষ বলে মনে হল না। এদেরকে আমি আগে কখনো দেখি নি, নিশ্চয়ই শীতল কক্ষ থেকে তাদের আগিয়ে আনা হয়েছে। আরেকটু কাছে এলে আমি দেখতে পেলাম দুজনের কপালের ঠিক একই জায়গায় একটা ক্ষত, ম্যাক্সেল কুাস নিশ্চয়ই তার অস্ত্রোপচার করে এই দুজন মানুষকে ঘাড় অপরাধীতে পাঠে নিয়েছে।

ম্যাক্সেল কুাস আমার সাথে পরিচয় করিয়ে দিল, “এরা হচ্ছে রুদ এবং মুশ। একসময়ে নিরাপত্তাবাহিনীর সদস্য ছিল, এখন আমার একান্ত অনুগত সদস্য। তাই না?”

ম্যাক্সেল কুাসের কথার উত্তরে দুজনেই অনুগত গৃহপালিত রোবটের মতো মাথা নাড়ল। ম্যাক্সেল কুাস মুখে হাসি ফুটিয়ে বলল, “আমি তাদেরকে তাদের প্রথম দায়িত্ব দিয়েছি, দেখ তারা কী উৎসাহ নিয়ে দায়িত্ব পালন করছে।”

আমি একটা নিশ্বাস নিয়ে বললাম, “দায়িত্বটি কী?”

“মিত্তিকাকে চিকিৎসা কক্ষে নিয়ে অপারেশন বিয়েটারে শুইয়ে দেওয়া। আমার তৃতীয় অস্ত্রোপচারের জন্য প্রস্তুত করা।”

মিত্তিকা আতঙ্কে চিৎকার করে বটকা মেরে নিজেকে ছাড়িয়ে নেওয়ার চেষ্টা করল কিন্তু পারল না, রুদ এবং মুশ শক্ত করে তাকে ধরে রেখেছে। তাদের মুখে একটা উল্লাসের ছায়া পড়ল, মনে হতে লাগল পুরো ব্যাপারটিতে তাদের খুব আনন্দ হচ্ছে। আমি কঠোর গলায় বললাম, “মিত্তিকাকে ছেড়ে দাও।”

রুদ এবং মুশ এমনভাবে আমার দিকে তাকাল যেন আমি একটা অত্যন্ত মজার কথা বলেছি, তারা একে অপরের দিকে তাকাল এবং উচ্চৈঃস্বরে হাসতে শুরু করল। আমি গলায় স্বর উচ্চ করে বললাম, “তোমরা বুঝতে পারছ না। তোমাদের মাথায় এই মানুষটি অস্ত্রোপচার করেছে? এখন তোমাদের ভিতরে কোনো ন্যায়-অন্যায় বোধ নেই। তোমাদের দিয়ে ম্যাসেল কাস ভয়ঙ্কর অন্যায় করিয়ে নিচ্ছে।”

রুদ হাত দিয়ে তার ক্ষতস্থান স্পর্শ করে মুখে জোর করে এক ধরনের হাসি ফুটিয়ে বলল, “অস্ত্রোপচার যদি করে থাকে সেটি আমাদের ভালোর জন্যই করেছে।”

মুশ মাথা নাড়ল, বলল, “হ্যাঁ, ভালোর জন্যই করেছে।”

দুজনে মিলে মিতিকাকে টেনে নিতে নিতে বলল, “এখন আমরা এই মেয়েটার মাথায় অস্ত্রোপচার করব, তখন সেও আমাদের একজন হয়ে যাবে।”

মিতিকা আবার নিজেকে ছাড়িয়ে নেওয়ার চেষ্টা করে আমার দিকে তাকিয়ে বলল, “ইবান আমাকে বাঁচাও।”

মিতিকার চোখের দিকে তাকিয়ে আমার বুক ভেঙে গেল, আমি সাহস দিয়ে কিছু একটা বলতে যাক্সিলাম কিন্তু ম্যাসেল কাস আমাকে সে সুযোগ দিল না, মিতিকার দিকে তাকিয়ে বলল, “যে বেঁচে আছে তাকে নতুন করে বাঁচানো যায় না মেয়ে।”

মিতিকা কিছু একটা বলতে চাইছিল রুদ এবং মুশ তাকে সে সুযোগ দিল না, একটা খটকা মেয়ে তাকে টেনে নিয়ে গেল। আমি শুনতে পেলাম সে হিষ্টিরিয়ায়ান্তর মতো চিৎকার করে কাঁদছে, মহাকাশযানে তার কান্নার শব্দ প্রতিধ্বনিত হয়ে ফিরে এল। ম্যাসেল কাস মাথা নেড়ে বলল, “বোকা মেয়ে, অবুঝ মেয়ে।”

আমি ম্যাসেল কাসের দিকে হিংস্র চোখে তাকিয়ে রইলাম, ম্যাসেল কাস আমাকে পুরোপুরি উপেক্ষা করে বলল, “আশা করছি তুমি কোনোরকম নির্বুদ্ধিতা করবে না। তুমি জান আমার শরীরের ভিতরেও বিস্ফোরক রয়েছে, আমি আমার আঙুল দিয়ে একটা এলাকা ধ্বংস করে দিতে পারি।”

“আমি জানি।”

“আমার শরীরের ওপর বায়োমারের আস্তরণ রয়েছে, কোনো বিস্ফোরক দিয়ে সেটা তুমি ছিন্ন করতে পারবে না।

“আমি জানি।”

“আমি হাইব্রিড মানুষ। আমার মস্তিষ্কে কপেট্রিন রয়েছে, আমাকে কখনো ধামিয়ে রাখা যায় না, আমার জৈবিক শরীরকে অচেতন করলেও কপেট্রিন শরীরের দায়িত্ব নিজে নেয়।”

“আমি জানি।”

“বর্তমান প্রযুক্তি আমাকে ধামাতে পারবে না। কাজেই আমার বিরুদ্ধে যাওয়ার চেষ্টা করো না।”

আমি কোনো কথা বললাম না। ম্যাসেল কাস নিচু গলায় বলল, “তোমার আমাকে সাহায্যও করতে হবে না ইবান, কিন্তু আমার বিরোধিতা করো না।”

আমি এবারও কোনো কথা বললাম না। ম্যাসেল কাস মুখে বিচিত্র এক ধরনের হাসি ফুটিয়ে বলল, “তুমি নিশ্চয়ই বুঝতে পারছ ইবান একসময় তুমি আমার একজন ঘনিষ্ঠ মানুষ হবে। তুমি, আমি আর মিতিকা খুব পাশাপাশি থাকব।”

আমি এবারও কোনো কথা বললাম না, ম্যাসেল কাস চোখে বিদ্রূপ ফুটিয়ে বলল, “কিন্তু একটা বল ইবান।”

“তুমি গোপ্তায় যাও ম্যাসেল কাস।”

ম্যাসেল কাসের চোখ হঠাৎ হিংস্র স্বাপনের মতো জ্বলে উঠল, আমার মুহূর্তের জন্য মনে হল সে আমাকে হত্যা করবে। কিন্তু সে নিজেকে সামলে নিল, তারপর মুখে হাসি ফুটিয়ে বলল, “তবে তাই হোক ইবান।”

ম্যাসেল কাস ঘুরে চিকিৎসা কক্ষের দিকে রওনা দিতেই হঠাৎ পুরো ফেবিয়ান ধরধর করে কেঁপে উঠল। আমি দেয়াল ধরে নিজেকে সামলে নিলাম, সম্ভবত মিতিকাকে অপারেশন থিয়েটারে জোর করে শোয়ানো হয়েছে এবং ফেবি আমার সত্তম মাত্রার নির্দেশমতো ফেবিয়ানের গতি কমিয়ে আনছে। আমি নিয়ন্ত্রণ প্যানেলের দিকে তাকালাম, সেখানে একটি লাল আলো জ্বলে উঠে আবার নিতে গেল। আমি মূল ইঞ্জিন দুটোর গুঞ্জন শুনতে পেলাম। ম্যাসেল কাস আমার দিকে ভুরু কঁচকে তাকাল, “কী হচ্ছে এখন?”

“আমরা নিউট্রন স্টারের কাছাকাছি চলে আসছি। ফেবিয়ানের গতিবেগ নিয়ন্ত্রণের মাঝে রাখার জন্য যাত্রাপথকে একটু পরিবর্তন করতে হচ্ছে।”

ম্যাসেল কাস আমার দিকে তীক্ষ্ণ দৃষ্টিতে তাকিয়ে রইল, আমি বললাম, “তুমি স্বীকার কর আর না—ই কর—আমি এখনো এই মহাকাশযানের অধিনায়ক। তোমাকে আমার উপর নির্ভর করতে হবে ম্যাসেল কাস।”

ম্যাসেল কাস কিছুক্ষণ চুপ করে থেকে আবার ঘুরে চিকিৎসা কক্ষের দিকে এগিয়ে গেল।

আমি নিয়ন্ত্রণ প্যানেলের দিকে তাকিয়ে রইলাম। খুব ধীরে ধীরে ফেবিয়ানের গতিবেগ কমে আসছে, এভাবে আর কিছুক্ষণ চলতে থাকলে ফেবিয়ান নিউট্রন স্টারের প্রবল মহাকর্ষণ থেকে কোনোদিনই বের হয়ে আসতে পারবে না। আমি শান্ত চোখে সেদিকে তাকিয়ে রইলাম, মিতিকাকে বাঁচানোর জন্য আর কোনো উপায় ছিল কি না আমার জানা নেই। থাকলেও এখন আর কিছু করার নেই, মহাকাশযান ফেবিয়ান এবং এর যাত্রীদের নিয়ে আমি যে ভয়ঙ্কর খেলায় নেমেছি তার থেকে আর ফিরে আসার কোনো উপায় নেই। আমি নিয়ন্ত্রণ প্যানেলে বসে দেখতে থাকি ফেবিয়ান ধীরে ধীরে তার নিরাপদ দূরত্ব থেকে সরে আসছে, নিউট্রন স্টারের প্রবল আকর্ষণে ফেবিয়ান একটু পরে পরে কেঁপে উঠছে, প্রতিবার কেঁপে ওঠার সময় বিচিত্র এক ধরনের শব্দ শোনা যায়, অত্যন্ত এক ধরনের শব্দ—আমার দীর্ঘদিনের অভিজ্ঞতার পরও এই শব্দ শুনে আমার বুক কেঁপে ওঠে।

আমি একটা নিশ্বাস ফেলে উঠে দাঁড়লাম, শেষ পর্যন্ত কী হবে আমি জানি না, যদি এই ভয়ঙ্কর খেলা থেকে ফিরে আসতে না পারি তা হলে আর কারো সাথে দেখা হবে না। আমার মনে হয় মিতিকার কাছে একবার কমা চেয়ে আসা উচিত।

আমি ফেবিয়ানের দেয়াল ধরে হেঁটে হেঁটে চিকিৎসা কক্ষে হাজির হলাম, ঘরের দরজায় লাল আলো জ্বলছে, এখন ভিতরে কারো ঢোকের কথা নয়। আমি অধিনায়কের কোড প্রবেশ করিয়ে ভিতরে ঢুকতেই সবাই ঘুরে আমার দিকে তাকাল। মিতিকাকে অপারেশন থিয়েটারে শক্ত করে বেঁধে রাখা হয়েছে, তার কপালের ওপর একটি রিং। সেখান থেকে দুর্বোধ্য কিছু সঙ্কেত বের হয়ে আসছে। রুদ বা মুশ দুজনের একজনের হাতে গ্যাস মাস্ক, মিতিকাকে ঘুম পাড়িয়ে দেবার জন্য গ্যাস নিয়ে প্রস্তুত হয়ে আছে। ম্যাসেল কাস আমাকে দেখে যেন স্থপিত হয়ে উঠল, মুখে হাসি ফুটিয়ে বলল, “চমৎকার! আমি তোমাকেই চাইছিলাম।”

“কেন?”

“মিত্তিকার মস্তিষ্কের নির্দিষ্ট কিছু জায়গা খুঁজে বের করা প্রয়োজন। সেই জায়গাগুলো খুঁজে বের করতে হলে সেখানে এক ধরনের আলোড়ন তৈরি করতে হবে যেন আমার সিনাক্স মডিউল^{৩৩} সেটা খুঁজে পায়।”

আমি শীতল গলায় বললাম, “আমি তোমাকে সেই জায়গাগুলো খুঁজে বের করতে সাহায্য করব তোমার সেরকম ধারণা কেমন করে হল?”

“তোমার সেগুলো খুঁজে বের করতে হবে না ইবান। তোমার জন্য মিত্তিকার ভিতরে খুব একটা স্নেহার্হু জায়গা আছে, তোমাকে দেবলেই তার মস্তিষ্কের এক জায়গায় আলোড়ন হবে—”

“এবং তুমি সেই জায়গাগুলো ধ্বংস করবে?”

ম্যাক্সেল কুস একগাল হেসে বলল, “ঠিক অনুমান করেছ।”

রুদ কিংবা মুশ দুজনের একজন, আমি এখনো তাদের আলাদা করে ধরতে পারছি না— উত্তেজিত গলায় বলল, “ক্যাপ্টেন, সিনাক্স মডিউলে সন্দেহ আসছে।”

“চমৎকার!” ম্যাক্সেল কুস আমার দিকে তাকিয়ে বলল, “তুমি আরো একটু কাছে এসে দাঁড়াও।”

আমি আরো একটু কাছে গিয়ে দাঁড়িয়ে মিত্তিকার শক্ত করে বেঁধে রাখা হাত স্পর্শ করে বললাম, “মিত্তিকা, আমি তোমাকে একটা কথা বলতে এসেছি।”

মিত্তিকার সেই ভয়ঙ্কর ভীতিটুকু আর নেই। তার চোখেমুখে হঠাৎ করে পুরোপুরি হাল ছেড়ে পেওয়া মানুষের এক ধরনের প্রশান্তি চলে এসেছে, সে নরম গলায় বলল, “বল ইবান।”

“আমি খুব দুঃখিত মিত্তিকা—”

“তোমার দুঃখ পাবার কিছু নেই ইবান। আমি সারাক্ষণ বুঝতে চেষ্টা করছিলাম তুমি কেমন করে এই মানুষটিকে বাঁচিয়ে নিয়ে এলে। আমি বুঝতে পারি নি। এইখানে এই অপারেশন থিয়েটারে শুয়ে ম্যাক্সেল কুসের চোখের দিকে তাকিয়ে আমি হঠাৎ করে বুঝতে পেরেছি।”

“মিত্তিকা—”

“আমি বুঝতে পেরেছি যে এই সৃষ্টিজগতে অন্যান্য—ভয়ঙ্কর অন্যান্য বেরকম থাকবে, তাকে ধমানোর জন্য সেবকম সত্য আর ন্যায় থাকতে হবে। অন্যান্যকে অন্যান্য দিয়ে যুক্ত করা যায় না। ন্যায় দিয়ে অন্যায়ের সাথে যুক্ত করতে হয়।”

“মিত্তিকা শোন—”

“আমি তোমার ওপর অভিমান করেছিলাম ইবান। আমি ভেবেছিলাম তুমি আমাকে এই ভয়ঙ্কর মানুষের হাতে তুলে দিয়েছ। এই নিঃসঙ্গ অপারেশন থিয়েটারে শুয়ে শুয়ে আমি হঠাৎ করে বুঝতে পেরেছি যে আসলে কেউ আমাকে ম্যাক্সেল কুসের হাতে তুলে দিতে পারবে না! কেউ পারবে না।”

মিত্তিকা খুব সুন্দর করে হাসল, হেসে বলল, “আমার ভিতরকার যত সুন্দর অনুভূতি, যত ভালবাসা সবকিছু এই মানুষটি ধ্বংস করে দেবে। তারপর যেটা বেঁচে থাকবে সেটা তো মিত্তিকা নয়। সেটা অন্য কেউ। সেই ভয়ঙ্কর অমানুষ চরিত্রটির শরীর হয়তো আমার কিছু সেটি আমি নই। জগতের সব ভালবাসা, সব সুন্দর, সব সত্য, সব ন্যায় সবিয়ে নিলে সেটা আমি থাকব না। আমার ভিতরকার ভাগ্যটুকু আমি, খারাপটুকু আমি নই।”

ম্যাক্সেল কুস উৎফুল্ল গলায় বলল, “চমৎকার মিত্তিকা, এর চাইতে ভালোভাবে এটা করা সম্ভব ছিল না। তোমার মস্তিষ্কের প্রত্যেকটা অংশ নির্ধারণ করা হয়েছে। তোমাকে অনেক ধন্যবাদ।”

ঘুম পাড়িয়ে দেওয়ার জন্য নিহিলা^{৩৪} গ্যাস মাফটি মিত্তিকার মুখের কাছে এগিয়ে নিয়ে রুদ বলল, “এখন ঘুম পাড়িয়ে লেব, ক্যাপ্টেন?”

“হ্যাঁ। ঘুম পাড়িয়ে দাও। আর এক ঘণ্টার মধ্যে মিত্তিকা নতুন মানুষ হয়ে উঠবে।”

রুদ মিত্তিকার মুখের ওপর গ্যাস মাফটি নামিয়ে আনল। মিত্তিকা খুব সুন্দর করে হাসল, হেসে বলল, “ইবান, বিদায়। আমার চোখে ঘুম নেমে আসছে। এই ঘুম থেকে যে মানুষটি জেগে উঠবে সেটি আর মিত্তিকা থাকবে না। সেই ভয়ঙ্কর মানুষটিকে তুমি ক্ষমা করে দিও ইবান।”

আমি মিত্তিকার হাতে চাপ দিয়ে বললাম, “মিত্তিকা, তুমি নিশ্চিন্তে ঘুমাও। তোমার ভিতরকার ভালবাসা কেউ কেড়ে নিতে পারবে না।”

মিত্তিকা তার শক্ত করে বেঁধে রাখা হাত দিয়ে আমার হাতকে স্পর্শ করার চেষ্টা করল, পারল না, আমি অনুভব করলাম তার হাত দুর্বল হয়ে আসছে, আমি তার মুখের দিকে তাকলাম। সেখানে গভীর ঘুম নেমে আসছে। আমি একটা নিশ্বাস ফেলে সোজা হয়ে দাঁড়ালাম। ম্যাক্সেল কুস ভীষণ দৃষ্টিতে আমার দিকে তাকিয়ে ছিল, শীতল গলায় জিজ্ঞেস করল, “আমি ভেবেছিলাম তুমি কাউকে মিথ্যা সাক্ষ্য দাও না।”

“না। আমি দিই না।”

“তা হলে তাকে কেন বলেছ কেউ তার ভিতরকার ভালবাসা কেড়ে নিতে পারবে না?”

“কারণ তার আশেই সে মারা যাবে।”

ম্যাক্সেল কুস চমকে উঠে বলল, “কী বললে?”

“ওধু মিত্তিকা নয়। তুমি, আমি, তোমার এই প্রভুত্বক অনুচর সবাই মারা যাবে।”

“কেন?”

“আমি ফোবিয়ানকে ধ্বংস করে ফেলছি ম্যাক্সেল কুস। তুমি টের পাছ না ফোবিয়ান তার পতিবেশ পাটে নিউট্রন স্টারের দিকে ছুটে যাচ্ছে?”

আমি এই প্রথমবার ম্যাক্সেল কুসের মুখে আতঙ্কের চিহ্ন দেখলাম। সে অবিশ্বাসের দৃষ্টিতে আমার দিকে তাকিয়ে রইল, বলল, “কী বললে? তুমি ফোবিয়ানকে ধ্বংস করে ফেলছ?”

“হ্যাঁ।”

“কেন?”

আমি মিত্তিকাকে দেখিয়ে বললাম, “এই মেয়েটার মাঝে একটা আশ্চর্য সরলতা রয়েছে। তাকে একজন কৃৎসিত অপরাধীতে পাটে দেবে সেটা আমার জন্য গ্রহণযোগ্য নয়।”

“এই একটা তুচ্ছ মেয়ের জন্য তুমি—”

“একজন মানুষ কখনো তুচ্ছ নয়। আমি তোমার মতো দানবকেও উদ্ধার করে এনেছিলাম। তার তুলনায় মিত্তিকা একজন দেবী, মিত্তিকা খুব ভালো একটি মেয়ে, আমি তার ভালোটুকু বাঁচিয়ে রাখার জন্য এক-দুইটি মহাকাশযান ধ্বংস করে ফেলতে পারি।”

ম্যাক্সেল কুস হঠাৎ আমার কাছে এসে বুকের কাছাকাছি পোশাকটি শক্ত করে ধরল, চিৎকার করে বলল, “তুমি মিথ্যা কথা বলছ।”

আমি ম্যাক্সেল কুসের হাতটি সরিয়ে বললাম, “আমি সাধারণত মিথ্যা কথা বলি না।” রুদ এবং মুশ ম্যাক্সেল কুসের কাছে ছুটে এসে বলল, “এখন কী হবে?”

ম্যাসেল কাস মাথা কঁকিয়ে বলল, “এ মিথ্যা কথা বলছে। এত সহজে কেউ পঞ্চম মাত্রার একটা মহাকাশযান ধ্বংস করে দেয় না।”

“কোনটি সহজ কোনটি কঠিন সে ব্যাপারে তোমার এবং আমার মাঝে বিশাল পার্থক্য—”

আমার কথা শেষ হবার আগেই মহাকাশযান ফেবিয়ান হঠাৎ করে ভয়ঙ্করভাবে কেঁপে উঠল, মনে হল পুরো মহাকাশযানটি বুঝি ভেঙে টুকরো টুকরো হয়ে যাবে, অস্তিত্ব এক ধরনের কর্কশ শব্দ পুরো মহাকাশযানের ভিতরে প্রতিধ্বনিত হয়ে ফিরে এল।

রুদ আতঙ্কিত হয়ে বলল, “ক্যাপ্টেন! আসলেই মহাকাশযানটি ধ্বংস হয়ে যাচ্ছে!”

ম্যাসেল কাস চাণা গলায় বলল, “নিয়ন্ত্রণ কক্ষে চল, দেখি কী হচ্ছে।”

কথা শেষ করার আগেই ম্যাসেল কাস এবং তার পিছু পিছু রুদ এবং মুশ ছুটে বের হয়ে গেল। আমি একটা নিশ্বাস ফেলে মিতিকার কাছে এগিয়ে গেলাম, তার ঘুমন্ত মুখটি স্পর্শ করে নরম গলায় বললাম, “তুমিও মিতিকা। আমি দেখি তোমাকে বাঁচাতে পারি কি না।”

আমি মিতিকার মাথার কাছে রাখা নিহিলা গ্যাস সিগিভারটি তুলে নিলাম। কৃত্রিম শ্বাস-প্রশ্বাসের জন্য ছোট অক্সিজেন সিগিভার থাকে, একটু বুঁজে সেটাও বের করে নিলাম। পোশাকের ভিতরে সেগুলো লুকিয়ে নিয়ে এবারে আমিও ছুটে চললাম নিয়ন্ত্রণ কক্ষে। সেখানে এখন আসল নাটকটি অভিনীত হবে। আমি তার মূল অভিনেতা—আমাকে থাকতেই হবে।

নিয়ন্ত্রণ কক্ষে আমাকে দেখে ম্যাসেল কাস দাঁতের ফাঁক দিয়ে কুৎসিত একটা গালি উচ্চারণ করে বলল, “নির্বোধ আহামক কোথাকার।”

আমি অত্যন্ত সহজ একটা ভঙ্গি করে বললাম, “এখন আমার কথা বিশ্বাস হল? দেখেছ, মহাকাশযানটা ধ্বংস হতে যাচ্ছে!”

ম্যাসেল কাস চিৎকার করে বলল, “না। ধ্বংস হচ্ছে না। আমি সেটাকে ফিরিয়ে আনব।”

“তুমি পারবে না।”

“দেখি পারি কি না।”

ম্যাসেল কাস অভিজ্ঞ মহাকাশপন্থী—মহাকাশের নিয়ন্ত্রণ কীভাবে নিতে হয় সেটি খুব ভালো করে জানে। সে দ্রুত কন্ট্রোল প্যানেলে চোখ বুলিয়ে নেয়, তারপর প্যানেল স্পর্শ করে মূল ইঞ্জিন দুটো পরিপূর্ণভাবে চার্জ করে নেয়। এখন ইঞ্জিন দুটো চালু করতেই প্রচণ্ড শক্তিশালী দুটো ইঞ্জিন মহাকাশযানটিকে সঠিক যাত্রাপথে নেওয়ার চেষ্টা করবে। সেই ভয়ঙ্কর শক্তি মহাকাশযানটিকে প্রচণ্ড ত্বরনের মুখোমুখি এনে ফেলবে, মহাকাশযানের ভিতরে সেটি এক অচিন্তনীয় মাধ্যাকর্ষণের জন্য দেবে। ম্যাসেল কাস, রুদ আর মুশ সেই অচিন্তনীয় মহাকর্ষণে অচেতন হয়ে পড়বে, কিন্তু আমাকে চেতনা হারালে চলবে না, যেভাবেই হোক আমাকে স্থির হয়ে দাঁড়িয়ে থাকতে হবে। আমি জানি না পারব কি না।

ম্যাসেল কাস নিয়ন্ত্রণ প্যানেল স্পর্শ করার জন্য তার হাত বাড়িয়ে দিল, আমি নিজেই রক্ষা করার জন্য নিচে লাফিয়ে পড়লাম, দুই হাত শক্ত করে দুই পাশে দুটি ধাতব রিং আঁকড়ে ধরে চিৎ হয়ে ভয়ে পড়লাম। ম্যাসেল কাস সুইচ স্পর্শ করল এবং সাথে সাথে প্রচণ্ড বিস্ফোরণের শব্দে পুরো মহাকাশযানটি কেঁপে উঠল। আমার প্রথমে মনে হল মহাকাশযানটি বুঝি টুকরো টুকরো হয়ে উড়ে যাবে, কিন্তু একটু পরেই বুঝতে পারলাম যে, না, মহাকাশযানটি এখনো টুকরো টুকরো হয়ে যায় নি—প্রচণ্ড ঝাঁকুনিতে মহাকাশযানের সবকিছু

লগভগ হয়ে উড়ে গেছে মাত্র। আমি চিৎ হয়ে ভয়েছিলাম বলে ম্যাসেল কাস, রুদ বা মুশকে দেখতে পারছি না, কিন্তু কাতর চিৎকার শুনে বুঝতে পারছি তাদের কেউ-না-কেউ ছিটকে পড়ে প্রচণ্ড আঘাত পেয়েছে।

মহাকাশযানটি ধরতর করে কাঁপতে শুরু করেছে। পদার্থ-প্রতিপদার্থের শক্তিশালী ইঞ্জিন ভয়ঙ্কর গর্জন করে শব্দ করেছে, আয়োনিত গ্যাস অচিন্তনীয় গতিবেগে ছুটে বের হয়ে মহাকাশযানটিকে নিউট্রন স্টারের মহাকর্ষ থেকে বের করে আনার চেষ্টা করছে। আমি বুঝতে পারছি মাধ্যাকর্ষণের টানে আমার ওজন বেড়ে যাচ্ছে, মনে হচ্ছে সমস্ত শক্তি নিয়ে অদৃশ্য কোনো দানব আমাকে মহাকাশযানের মেঝেতে চেপে ধরছে। আমি নিশ্বাস নিতে পারছি না, আমার চোখের ওপর একটা লাল পরদা কাঁপতে শুরু করেছে, মনে হচ্ছে আমি বুঝি এক্ষুনি অচেতন হয়ে পড়ব।

কিন্তু আমি জোর করে নিজের চেতনাকে শানিত করে রাখলাম, আমাব কিছুতেই জ্ঞান হারানো চলবে না, আমাকে যেভাবেই হোক নিজের ওপর নিয়ন্ত্রণ রেখে জেপে থাকতে হবে। আমি দাঁতে দাঁত চেপে জেপে রইলাম।

আমি অনুভব করতে পারছি মহাকাশযানের প্রচণ্ড ত্বরণে আমার চেহারা বিকৃত হয়ে যাচ্ছে, অদৃশ্য শক্তি মুখের চামড়া দুইপাশে টেনে ধরেছে, হাত নাড়ানোর চেষ্টা করে নাড়াতে পারছি না, মনে হচ্ছে কেউ যেন পেরেক দিয়ে আমার সমস্ত শরীরকে মেঝের সাথে গাঁপে ফেলেছে, শরীরের সমস্ত অঙ্গপ্রত্যঙ্গ কেউ যেন পিষে ফেলেছে। নিজের শরীরের প্রচণ্ড চাপে আমার নিজের অস্তিত্ব যেন ধ্বংস হয়ে যাচ্ছে। ভয়ঙ্কর কষ্টে আমার মুখ তকিয়ে যায়, প্রচণ্ড ত্বরণীয় বুক হা হা করতে থাকে। মনে হয় কেউ যেন মহাকাশযান থেকে সমস্ত বাতাস তুলে নিয়েছে, অনেক চেষ্টা করেও আমি একফোঁটা বাতাস বুকের ভিতরে আনতে পারি না। মাথার ভিতরে কিছু একটা দপদপ করতে থাকে, মনে হয় বুঝি এক্ষুনি একটা ধমনি ছিঁড়ে যাবে, নাক মুখ চোখ দিয়ে গলগল করে রক্ত বের হয়ে আসবে।

আমি আর পারছি না, অনেক চেষ্টা করেও আর নিজের চেতনাকে ধরে রাখতে পারছি না। হঠাৎ করে মনে হতে থাকে চোখের সামনে একটা কালো পরদা নেমে আসছে, চারপাশে সবকিছু অন্ধকার হয়ে আসছে। আমি যখন হাল ছেড়ে দিয়ে অচেতনতার অন্ধকারে ডুবে যাচ্ছিলাম, ঠিক তখন কে যেন আমাকে ডাকল, “ইবান।”

কে? কে কথা বলে? আমি চোখ খোলার চেষ্টা করলাম কিন্তু পারলাম না। আমি আবার গলার স্বর তনতে পেলাম, “ইবান। তুমি কিছুতেই জ্ঞান হারাতে পারবে না। তোমাকে যেভাবে হোক চেতনাকে ধরে রাখতে হবে। যেভাবেই হোক।”

কে কথা বলছে? মানুষের গলার স্বরটি আমি আগে কোথাও শুনেছি কিন্তু কিছুতেই মনে করতে পারছি না। গলার স্বরটি আবার কথা বলল, “ইবান। তুমি চোখ খুলে তাকাও।”

আমি পারছিলাম না, কিছুতেই চোখ খুলতে পারছিলাম না, কিন্তু গলার স্বরটি আবার জোর করল, “চোখ খুলে তাকাও, ইবান।”

আমি অনেক কষ্টে চোখ খুলে তাকালাম, আমার মুখের কাছে ঝুঁকে বিতুন ক্রিস দাঁড়িয়ে আছেন। আমাকে চোখ খুলে তাকাতে দেখে বললেন, “আমি হলোপ্রাথমিক প্রতিদ্বন্দ্বি না হয়ে সত্যিকার মানুষ হলে তোমাকে বুক করে তুলে নিতাম ইবান। কিন্তু আমি সেটা পারব না। তোমাকে জেপে উঠতে হবে ইবান। যেভাবেই হোক জেপে উঠতে হবে। যদি মিতিকাকে বাঁচাতে চাও, এই মহাকাশযানটিকে বাঁচাতে চাও, তোমাকে জেপে উঠতেই হবে।”

আমি দাঁতে দাঁত চেপে ফিসফিস করে বললাম, “আমি পারছি না, কিছুতেই পারছি না।”

"তোমাকে পারতেই হবে। যেভাবেই হোক তোমাকে পারতেই হবে। ওঠ। ম্যাসেল কাস আর তার দুই জন অনুচর অচেতন হয়ে আছে, ওঠ তুমি।"

"আমি কী করব?"

"নিহিলা গ্যাসের সিলিন্ডারটি এনেছ না?"

"হ্যাঁ, এনেছিলাম।"

"এই সিলিন্ডারটি এনে তাদের কাছাকাছি খুলে দিতে হবে—এদেরকে দীর্ঘ সময় অচেতন রাখতে হবে। ওঠ তুমি।"

আমি ওঠার চেষ্টা করে পারলাম না, মনে হল একটি পাহাড় চেপে ধরে রেখেছে। মনে হল সমস্ত শরীর কেউ শিকল দিয়ে মেকের সাথে বেঁধে রেখেছে। কয়েকবার চেষ্টা করে হাল ছেড়ে দিয়ে বললাম, "পারছি না আমি মহামান্য রিভুন ক্রিস।"

"না পারলে হবে না ইবান। তোমাকে পারতেই হবে। এই যে দেখ তোমার পাশে কৃত্রিম শ্বাস-প্রশ্বাসের জন্য অক্সিজেন সিলিন্ডারটি আছে, তুমি এনেছিলে চিকিৎসা কক্ষ থেকে। সেটা নিজের কাছে টেনে নাও, টিউবটা তোমার নাকে লাগাও, তুমি শরীরে জোর পাবে ইবান।"

আমি অমানুষিক পরিশ্রম করে পাশে পড়ে থাকা সিলিন্ডারটি নিজের কাছে টেনে আনলাম, জরুরি অবস্থায় শ্বাস নেবার জন্য ছোট অক্সিজেন সিলিন্ডারটির সাথে লাগানো টিউবটি নিজের নাকে লাগানোর সাথে সাথে মনে হল বুকের ভিতরে বাতাস এসে আমাকে ঝাঁচিয়ে তুলছে। বুকভরে দুবার নিশ্বাস নিতেই মাথার ভিতর দপদপ করতে থাকা ভাবটা একটু কমে এল, আমি আবার চোখ খুলে তাকালাম।

রিভুন ক্রিস মুখে হাসি ফুটিয়ে বললেন, "চমৎকার ইবান! চমৎকার। এবারে নিহিলা গ্যাসের সিলিন্ডারটি নিয়ে ম্যাসেল কাসের কাছে যাও। সে এখনো অচেতন হয়ে আছে, তার নাকের কাছে নিহিলা গ্যাসটি ছেড়ে দিতে হবে, সে যেন আর জ্ঞান ফিরে না পায়।"

"কিন্তু সে অচেতন হয়ে থাকলেও তার মাথার ভিতরে কপেট্রিন রয়েছে।"

"খাকুক। সেটা পরে দেখা যাবে। তুমি এগিয়ে যাও। নিহিলা গ্যাসের সিলিন্ডারটা নিয়ে এগিয়ে যাও। দেরি কোরো না—"

আমি সমস্ত শক্তি ব্যয় করে কোনোভাবে উপড় হয়ে নিলাম। তারপর নিহিলা গ্যাসের সিলিন্ডারটি হাতে নিয়ে সরাসূপের মতো গড়িয়ে গড়িয়ে এগিয়ে যেতে থাকি। মেকের সাথে ঘর্ষণে আমার মুখের চামড়া উঠে গিয়ে সমস্ত মুখ রক্তাক্ত হয়ে যায়, আমার পোশাক ছিঁড়ে ছিন্নভিন্ন হয়ে যায়, কিন্তু আমি তার মাকেই নিজেই টেনে টেনে নিতে থাকি। নিয়ন্ত্রণ কক্ষের এক অংশ থেকে অন্য অংশে যেতে আমার মনে হল এক যুগ লেগে গেল। প্রথমে রুদ এবং তারপর মুশের অচেতন দেহ পার হয়ে আমি ম্যাসেল কাসের কাছে এগিয়ে গেলাম। রুদ আর মুশ দুজনেই ব্যাধাতাবে আঘাত পেয়েছে, মহাকাশযানের ভয়ঙ্কর তুরণের সাথে অপরিচিত অনভিজ্ঞ দুজন মানুষ প্রথম ধাক্কাতেই ছিটকে পড়ে গিয়ে জ্ঞান হারিয়েছে। মাথার কেধাও আঘাত পেলেই সেখান থেকে চুইয়ে চুইয়ে রক্ত বের হচ্ছে। আমি তাদের মুখের ওপর নিহিলা গ্যাসের মাঙ্কটি কয়েক সেকেন্ডের জন্য লাগিয়ে এসেছি, খুব সহজে এখন তাদের জ্ঞান ফিরে আসবে না।

আমি ম্যাসেল কাসের কাছে পৌঁছে খুব কষ্ট করে মাথা তুলে তার দিকে তাকালাম, সে চোখ বন্ধ করে শুয়ে আছে, নিশ্বাসের সাথে সাথে খুব ধীরে ধীরে তার বুক ওঠানামা করছে। আমি খুব সাবধানে ধীরে ধীরে নিহিলা গ্যাসের মাঙ্কটি হাতে নিয়ে ম্যাসেল কাসের মুখে

লাগানোর জন্য এগিয়ে গেলাম, হঠাৎ করে ম্যাসেল কাসের চোখ খুলে গেল এবং তার ভান হাতটি খণ্ড করে আমার হাত ধরে ফেলল। আমি হাতটি ছাড়িয়ে নিতে চেষ্টা করে পারলাম না, সেটি শক্ত লোহার মতো আমার হাতকে ধরে রেখেছে। ম্যাসেল কাস এবারে খুব ধীরে ধীরে আমার দিকে তাকাল, তার চোখে একটি অতিপ্রাকৃত দৃষ্টি, সে বিচিত্র একটি যন্ত্রিত পলায় বলল, "তুমি কে? তুমি কী করছ?"

ম্যাসেল কাসের মাথায় কনানো কপেট্রিনটি কথা বলছে। আমি অবাক হয়ে লক্ষ করলাম সেটি আমাকে চেনে না—সম্ভবত ম্যাসেল কাস যখন পুরোপুরি অচেতন হয়ে যায় শুধুমাত্র তখনই সেটি তার শরীরের দায়িত্ব নেয়। সম্ভবত এটি আমার জন্য একটি সুযোগ। আমি পনার স্বর অত্যন্ত স্বাভাবিক রেখে বললাম, "আমি ইবান। আমি মহাকাশযান ফেবিয়ানের অধিনায়ক।"

"তুমি নিহিলা গ্যাস মাঙ্ক নিয়ে কী করছ?"

"আমি ফেবিয়ানের সকল যাত্রীকে অচেতন করে রাখছি।"

"কেন?"

"ফেবিয়ানকে রক্ষা করার জন্য তার পতিবেগকে অত্যন্ত দ্রুত বাড়াতে হবে, তার জন্য প্রয়োজনীয় তুরণ মানুষের শরীর সহ্য করতে পারে না। যতক্ষণ পর্যন্ত পতিবেগ নিয়ন্ত্রিত না হচ্ছে ফেবিয়ানের সকল যাত্রীকে অচেতন করে রাখতে হবে।"

"কেন?"

"এই প্রচণ্ড তুরণের মাকে মানুষ যেন নিজে থেকে কিছু করার চেষ্টা করে নিজের শরীরের ক্ষতি না করে ফেলে সেজন্য।"

"কিন্তু তুমি তো অচেতন নও।"

আমি একটু ইতস্তত করে কালাম, "না, আমি এখনো অচেতন নই।"

"কেন নও?"

"আমিও নিজেকে অচেতন করে ফেলব।"

"তা হলে কেন নিজেকে অচেতন করছ না?"

ম্যাসেল কাসের মস্তিষ্কে বসানো কপেট্রিনটিকে এ রকম সম্পূর্ণ একটি সর্গাসঙ্গিক বিবং নিয়ে এ রকম গুরুতর আলোচনা শুরু করতে দেখে আমি খুব অবাক হয়ে গেলাম। আমার কথা বলতে কষ্ট হচ্ছিল কিন্তু তবুও জোর করে প্রশ্নের উত্তর দিয়ে যাচ্ছি। ম্যাসেল কাসের গলা থেকে আবার বিচিত্র একটা শব্দ বের হল, "আমার প্রশ্নের উত্তর দাও, তুমি কেন নিজেকে অচেতন করছ না?"

"তুমি কেন এটা জানতে চাইছ?"

"আমি ম্যাসেল কাসের মস্তিষ্কের কপেট্রিন। যখন প্রভু ম্যাসেল কাস অচেতন থাকেন তখন আমি তার নিরাপত্তার দায়িত্ব নিই। আমাকে জানতে হবে তুমি কী করছ।"

"কেন?"

"যদি আমার মনে হয় তুমি প্রভুর বিরুদ্ধে কিছু করছ তা হলে আমি তোমাকে হত্যা করব।"

আমি আতঙ্কে শিউরে উঠে দেখলাম ম্যাসেল কাসের একটি হাত খুব ধীরে ধীরে আমার মস্তিষ্কের দিকে তাক করে স্থির হল। আমি জানি তার হাতের আঙুলে ভয়ঙ্কর বিস্ফোরক লুকানো রয়েছে, মুহূর্তে সেটি ছুটে এসে আমার মস্তিষ্কে ছিন্তিত্ত্ব করে দিতে পারে। আমি বিস্ফারিত চোখে দেখলাম তার আঙুলের ভিতর চামড়ার নিচে দিয়ে কিছু একটা নড়ে গেল, সম্ভবত বিস্ফোরকটি নির্দিষ্ট লক্ষ্যে স্থির হয়েছে।

ম্যাসেল ক্বাসের পলা নিয়ে আবার যান্ত্রিক বিচিত্র একটি শব্দ বের হল, কাটা-কাটা গলায় বলল, “আমার প্রশ্নের উত্তর নাও ইবান। তুমি কেন নিজেকে অচেতন করছ না?”

আমি হতচকিত হয়ে ম্যাসেল ক্বাসের উদাত হাতের দিকে তাকিয়ে রইলাম, ইতস্তত করে বললাম, “যারা নিজেদেরকে অচেতন করতে পারছে না আমি শুধু তাদের অচেতন করছি।”

আমি ব্যাপারটা বুঝিয়ে বলার জন্য আরো কিছু বলতে গিয়ে ধেমে গেলাম, মনে হল হঠাৎ করে ম্যাসেল ক্বাসের ভিতরে কিছু একটা ঘটে গেছে, সে অত্যন্ত বিচিত্র ভঙ্গিতে স্থির হয়ে রইল। সে কিছু বলল না বা কিছু করল না। তার উদাত হাতটি এতটুকু নড়ল না এবং যে হাত দিয়ে আমাকে শক্ত করে ধরে রেখেছিল, সেই হাতটিও হঠাৎ করে শিথিল হয়ে গেল। কী হয়েছে আমি কিছু বুঝতে পারলাম না কিন্তু আমি বোঝার চেষ্টাও করলাম না। নিহিলা প্যাসের মাষ্টি ম্যাসেল ক্বাসের মুখে চেপে ধরলাম, আমি দেখতে পেলাম ম্যাসেল ক্বাসের বুক ওঠানামা করছে, এই গ্যাসটি তার ফুসফুসে রক্তের সাথে মিশে যাচ্ছে। মস্তিষ্কের কপেট্রনের ওপর আমার কোনো নিয়ন্ত্রণ নেই কিন্তু মানুষ ম্যাসেল ক্বাস সহজে ঘুম থেকে জেগে উঠবে না।

আমি ধবল রক্তিতে মেকোতে মাথা রেখে চোখ বন্ধ করলাম। ঠিক তখন কে যেন আমার খুব কাছে হেসে উঠল। আমি কষ্ট করে চোখ খুলে তাকালাম, আমার খুব কাছে রিতুন ক্রিস দাঁড়িয়ে আছেন। হাসতে হাসতে তিনি আমার পাশে বসে পড়লেন, বললেন, “চমৎকার! ইবান—চমৎকার।”

“কী হয়েছে?”

“তুমি দেখছ না কী হয়েছে?”

“না দেখছি না।” আমি বড় একটা নিশ্বাস নিয়ে জিজ্ঞেস করলাম, “কী হয়েছে?”

“ম্যাসেল ক্বাসকে তুমি নিহিলা গ্যাস দিয়ে দীর্ঘ সময়ের জন্য অচেতন করে দিয়েছ। তার কপেট্রনকেও অচল করে দিয়েছ।”

“আমি কপেট্রনকে অচল করে দিয়েছি? কখন? কীভাবে?”

“তোমার সাথে কথোপকথনের সময় তুমি তাকে কী বলেছ মনে আছে?”

“না। আমার মনে নেই। অচেতন করা নিয়ে কিছু একটা বলছিল তখন আমিও জানি ভয় পেয়ে কিছু একটা উত্তর দিয়েছি।”

রিতুন ক্রিস আবার হেসে উঠে বললেন, “তোমার মনে নেই কিন্তু আমার খুব ভালো করে মনে আছে—কারণ তোমাদের এই কথোপকথন হচ্ছে ঐতিহাসিক একটি ব্যাপার। এ রকম কথোপকথন আগে কখনো হয়েছে বলে আমার জানা নেই, শুভবিষ্মতেও কখনো হবে কি না জানি না। কিন্তু যুক্তিতর্ক বা গণিতের একেবারে প্রাথমিক আলোচনাতেও এই কথোপকথনের যুক্তিগুলো থাকে।”

আমি অবাক হয়ে বললাম, “আমি কিছুই বুঝতে পারছি না।”

“আমি বুঝিয়ে দিচ্ছি।” রিতুন ক্রিস আমার আরো কাছে ঝুঁকে পড়ে বললেন, “ম্যাসেল ক্বাসের কপেট্রন তোমাকে জিজ্ঞেস করেছে তুমি কেন নিজেকে অচেতন করছ না?”

আমি কষ্ট করে মাথা নাড়লাম, “ই্যা মনে পড়ছে।”

“তুমি বলেছ, যারা নিজেদেরকে অচেতন করতে পারছে না তুমি শুধু তাদের অচেতন করছ। তা হলে কি তুমি নিজেকে অচেতন করবে? এই প্রশ্নের শুধুমাত্র দুটি উত্তর হতে পারে, এক : নিজেকে অচেতন করবে কিংবা দুই : নিজেকে অচেতন করবে না। ধরা যাক প্রথমটি সত্যি, অর্থাৎ তুমি নিজেকে অচেতন করবে, কিন্তু তুমি বলেছ যারা নিজেকে অচেতন করছে

না তুমি শুধু তাদের অচেতন করছ, কাজেই এটা হতে পারে না। তা হলে নিশ্চয়ই দ্বিতীয় উত্তরটি সত্যি, অর্থাৎ তুমি নিজেকে অচেতন করছ না। কিন্তু তুমি বলেছ যারা নিজেদেরকে অচেতন করছে না তুমি শুধু তাদের অচেতন করছ; কাজেই এটাও সত্যি হতে পারে না। এটি একটি অত্যন্ত পুরোনো গাণিতিক বিদ্রাষ্টি, তুমি খুব চমৎকারভাবে এখানে ব্যবহার করেছ। এই কপেট্রনের ক্ষমতা খুব সীমিত, এই বিদ্রাষ্টি থেকে সেটি কিছুতেই বের হতে পারছে না।”

আমি মাথা নেড়ে বললাম, “আমি এটা বুঝে ব্যবহার করি নি, হঠাৎ করে ঘটে গেছে।”

“আমি ভাগ্যে বিশ্বাস করি না, এটা নিশ্চয়ই হঠাৎ করে ঘটে নি। কিন্তু সেটা নিয়ে পরে আলোচনা করা যাবে, এখন আরো একটা খুব জরুরি কাজ বাকি রয়েছে।”

“কী কাজ?”

“ম্যাসেল ক্বাসের কপেট্রন কতক্ষণ এভাবে থাকবে তার কোনো নিশ্চয়তা নেই; তুমি এটাকে পুরোপুরি বিকল করে দাও।”

“কীভাবে বিকল করব?”

“এই সেখ ওর মাথার পিছনে দুটি ইলেকট্রড আছে, এদিক দিয়ে যদি এক মিলিয়ন ভোল্টের একটা বিন্যুৎপ্রবাহ দেওয়া যায় কপেট্রনটা পাকাপাকিভাবে অচল হয়ে যাবে।”

“এক মিলিয়ন ভোল্ট?”

“ই্যা, ঝুঁকি নিয়ে কাজ নেই। কন্ট্রোল প্যানেলেই তুমি পাবে। কমিউনিকেশাপ মডিউলের বাইপাসে এ রকম ভোল্টেজ থাকে। তুমি দুটো তার বের করে নাও, নিউরাল নেটওয়ার্ক তোমাকে ভোল্টেজ প্রস্তুত করে দেবে।”

আমি নিজেকে টেনে নিতে গিয়ে আবার মেঝেতে ভয়ে পড়ে কাতর গলায় বললাম, “আমি পারছি না মহামান্য রিতুন।”

রিতুন ক্রিস ফিসফিস করে বললেন, “তোমাকে পারতেই হবে ইবান। তুমি যদি না পার তা হলে যে কোনো মুহূর্তে ম্যাসেল ক্বাসের কপেট্রন এই বিদ্রাষ্টি থেকে বের হয়ে আসবে, তখন তুমি তার সাথে পারবে না। তোমার জীবন শুধু নয়, যুক্তিকার জীবনও শেষ হয়ে যাবে। তুমি চেষ্টা কর ইবান।”

আমি অক্লিঞ্জন সিলিঙার থেকে বুকভরে কয়েকবার নিশ্বাস নিয়ে আবার গুড়ি মেরে সরীসৃপের মতো এগুতে থাকি। কন্ট্রোল প্যানেলের নিচে ভয়ে কমিউনিকেশাপ মডিউলের দুটি তার টেনে খুলে এনে ম্যাসেল ক্বাসের কাছে এগিয়ে গেলাম। তার মাথার পিছনে দুটি ইলেকট্রড থাকার কথা, ছেলের পিছনে লুকিয়ে আছে। আমি ঝুঁকে বের করে তার দুটো লাগিয়ে একটু সরে এসে নিচু গলায় ফোবিকে তাকলাম, “ফোবি।”

“বলুন মহামান্য ইবান।”

“তুমি এই তার দুটোতে এক মিলিয়ন ভোল্টের একটা বিন্যুৎপ্রবাহ দাও।”

“দিচ্ছি, আপনি আরো একটু সরে যান।”

“আমি পারছি না ফোবি, তুমি দিয়ে দাও।”

“ম্যাসেল ক্বাস হঠাৎ একটু নড়ে উঠল, আমি চিৎকার করে উঠলাম, “ফোবি, এছুরি দাও।”

সাথে সাথে ভয়ঙ্কর বিন্যুৎপ্রবাহকে ম্যাসেল ক্বাসের পুরো শরীর কেঁপে উঠল, তার হাত দুটো হঠাৎ করে প্রায় ছিটকে সোজা হয়ে উঠল এবং আঙুলের ডগা দিয়ে ভয়ঙ্কর বিস্ফোরক

বের হয়ে আসে, আমি প্রচণ্ড বিস্ফোরণের শব্দ শুনতে পেলাম, ফেবিয়ান ধরধর করে কঁপে উঠল, কালো ধোঁয়ায় পুরো নিয়ন্ত্রণ কক্ষটি অন্ধকার হয়ে আসে।

ম্যাসেল কাসের শরীরটা বিচিত্রভাবে নড়তে শুরু করে, একটা চোখ হঠাৎ করে খুলে ছিটকে বের হয়ে আসে, চোখের কালো গর্তের ভিতর দিয়ে সবুজ রঙের ধোঁয়া এবং কিছু ফাইবার বের হতে শুরু করে। মুখটি হাঁ করে খুলে জিতের নিচে থেকে কিছু জটিল যন্ত্রপাতি বের হয়ে আসে। যন্ত্রগুলো অনিয়ন্ত্রিতভাবে নড়তে থাকে, এক ধরনের কালো তেলতেলে জিনিস মুখ বেয়ে বের হতে থাকে। কান থেকে সাদা আঠালো এক ধরনের জিনিস গড়িয়ে বের হতে শুরু করে।

আমি আতঙ্কে চিৎকার করে পিছনে সরে আসার চেষ্টা করলাম। রিতুন ক্লিন আমার পাশে বসে শান্ত গলায় বললেন, “ভয় নেই ইবান, কোনো ভয় নেই।”

“কী হয়েছে? ম্যাসেল কাসের কী হয়েছে?”

“ও হাইব্রিড মানুষ। ওর যন্ত্রের অংশটি নষ্ট হয়ে গেছে ইবান। মানুষের অংশটি আছে, ঘুমাচ্ছে।”

“ঘুমাচ্ছে?”

“হ্যাঁ, সহজে ঘুম ভাঙবে না।”

“আমি কি একটু ঘুমাতে পারি রিতুন ক্লিন?”

রিতুন ক্লিন কী বললেন আমি শুনতে পেলাম না কারণ তার আগেই আমি অচেতন হয়ে গেলাম। মানুষের শরীর অত্যন্ত বিচিত্র, যে সময়টুকু জেগে না থাকলেই নয় তখন জেগে ছিল; এখন যেহেতু প্রয়োজন মিটেছে আমার শরীর আর একমুহূর্ত জেগে থাকতে রাজি নয়।

৮

আমি মিতিকার হাত এবং পায়ের বাঁধন খুলে নিয়ে তার মাথার কাছে রাখা বায়ো জ্যাকেটটি চালু করে দিলাম। প্রায় সাথে সাথেই বায়ো জ্যাকেটের ছোট পাম্পটি গুঞ্জন করে ওঠে। আমি মনিটরে দেখতে পেলাম তার রক্তের মাঝে দ্রবীভূত হয়ে থাকা নিহিলা গ্যাসটুকু পরিশোধন করতে শুরু করে দিয়েছে। আমি মিতিকার মাথার কাছে ছুপচাপ দাঁড়িয়ে তার মুখের দিকে তাকিয়ে রইলাম, মেয়েটি সত্যিই অপূর্ব সুন্দরী, চেহারার মাকে এক ধরনের সারল্য রয়েছে যেটি সচরাচর দেখা যায় না। আমার এখনো বিশ্বাস হয় না যে মিতিকাকে আরেকটু হলে ম্যাসেল কাস একজন ঘাঘু অপরাধীতে পাতে দিতে চাইছিল।

আমি মিতিকার দিকে তাকিয়ে রইলাম, খুব ধীরে ধীরে তার সেহে প্রাণের চিহ্ন ফিরে আসছে, মিতিকার মুখে গোলাপি আভা ফিরে এল, সে হাত-পা নাড়ল এবং একসময় হটফট করে মাথা নাড়তে শুরু করল। আমি তার হাত ধরে ঝাঁকুনি দিয়ে ডাকলাম, “মিতিকা, চোখ খুলে তাকাও মিতিকা।”

মিতিকা মাথা নেড়ে অস্পষ্ট স্বরে কাতর গলায় কিছু একটা বলল, আমি ঠিক বুঝতে পারলাম না। মিতিকার হাত ধরে ঝাঁকুনি দিয়ে আমি আবার ডাকলাম, “মিতিকা। মিতিকা—”

মিতিকা হঠাৎ চোখ খুলে তাকাল, তার দৃষ্টি অশকুতিস্থ মানুষের মতো বিভ্রান্ত। আমাকে দেখে সে চিনতে পারল বলে মনে হল না। মিতিকা অসহায়ের মতো চারদিকে একবার তাকিয়ে হঠাৎ করে আমার দুই হাত জাপটে ধরে বলল, “আমি কোথায়? আমার কী হয়েছে?”

“তোমার কিছু হয় নি মিতিকা।” আমি মিতিকার মাথায় হাত বুলিয়ে বললাম, “তোমার যেখানে থাকার কথা ছিল তুমি সেখানেই আছ।”

মিতিকার হঠাৎ কিছু একটা মনে পড়ে গেল, আতর্জনকার করে ভয়ানক গলায় বলল, “ম্যাসেল কাস?”

আমি হেসে বললাম, “তোমার কোনো ভয় নেই মিতিকা, ম্যাসেল কাসকে নিয়ে আর কোনো ভয় নেই।”

মিতিকা আতঙ্কিত চোখে আমার দিকে তাকিয়ে বলল, “কোথায় আছে ম্যাসেল কাস?”

“এস আমার সাথে, দেখবে।”

“না।” মিতিকা আমাকে জড়িয়ে ধরে বলল, “দেখব না, আমি দেখব না।”

“দেখতে না চাইলে দেখো না, কিন্তু আমার মনে হয় এখন যদি তাকে দেখ তোমার খুব খারাপ লাগবে না।”

“কেন?”

“কারণ সে আর হাইব্রিড মানুষ নেই। তার ভিতরের যেটুকু অংশ যন্ত্র ছিল সেটা পুরোপুরি ধ্বংস হয়ে গেছে। যেটা একসময় তার শক্তি ছিল এখন সেটা তার দুর্বলতা।”

মিতিকা একটু অবাক হয়ে আমার দিকে তাকিয়ে রইল, মনে হল সে আমার কথা ঠিক বুঝতে পারছে না। কয়েকবার চেষ্টা করে বলল, “তুমি কী বলছ, আমি কিছু বুঝতে পারছি না। কে তাকে ধ্বংস করল? কীভাবে করল? কখন করল?”

“সে অনেক বড় ইতিহাস।” আমি একটু হেসে বললাম, “তুমি আমার সাথে চল নিজের চোখেই দেখতে পাবে।”

মিতিকা অপারেশন থিয়েটার থেকে নেমে এল। আমি তার হাত ধরে তাকে নিয়ে করিডোর ধরে হাঁটতে থাকলাম।

রুদ এবং মুশ আলানা আলানা দুটি চেয়ারে বসে ছিল, তাদের হাত পিছনে শক্ত করে বাঁধা। আমাকে দেখে রুদ বলল, “মহামান্য অধিনায়ক, আমার হাত দুটো খুলে দেবেন?”

“কেন?”

“অনেকক্ষণ থেকে আমার নাকের উপরের অংশ চুলকাচ্ছে।”

আমি রক্তে মাথামাঝি হয়ে থাকা এই মানুষ দুজনের দিকে তাকিয়ে এক ধরনের সমবেদনা অনুভব করলাম, একসময়ে নিশ্চয়ই তারা চমৎকার মানুষ ছিল, ম্যাসেল কাস তাদেরকে আধা-মানুষ আধা-জন্তুতে পরিণত করে দিয়েছে। আমি জানি না তাদের মস্তিষ্কের ক্ষতিগ্রস্ত জায়গা আবার ঠিক করে দিয়ে আবার তাদের স্বাভাবিক মানুষে তৈরি করে দেওয়া যাবে কি না।

রুদ আবার অনুনয় করে বলল, “মহামান্য অধিনায়ক ইবান, আপনি কি আমার হাত দুটি খুলে দেবেন?”

আমি মাথা নাড়লাম, বললাম, “না রুদ। সেটি সম্ভব নয়। আমি ঠিক জানি না তোমরা ব্যাপারটির গুরুত্বটুকু ধরতে পেরেছ কি না। ম্যাসেল কাস তোমাদের মস্তিষ্কে এক ধরনের অস্ত্রোপচার করে তোমাদের স্বাভাবিক চিন্তা করার ক্ষমতা অনেকটুকু নষ্ট করে দিয়েছে। আমার পক্ষে এখন কোনো কুঁকি নেওয়া সম্ভব নয়।”

রুদ কাতর মুখে বলল, “আপনি বিশ্বাস করুন মহামান্য ইবান আমি আপনার কোনো ক্ষতি করব না।”

মুগ্ধ গঞ্জীর মুখে মাথা নাড়ল, বলল, “আমিও ক্ষতি করব না।”

আমিও মাথা নাড়লাম, “আমি দুঃখিত রুদ এবং মুশ, তোমাদের আরো একটু কষ্ট করতে হবে। আমি কিছুক্ষণের মাঝে তোমাদের কিছু একটা ব্যবস্থা করব।”

রুদ এবং মুশ নেহায়েত অগ্রসর মুখে আমার দিকে তাকিয়ে রইল। আমি মিতিকাকে নিয়ে আরো একটু এগিয়ে গেলাম, নিয়ন্ত্রণ কক্ষের একেবারে কোনার দিকে আমি ম্যাসেল কাসকে বেঁধে রেখেছি। তাপ পরিবহনের টিউবগুলো খোঁসে ঘরের মেঝেতে নেমে এসেছে সেখানে ম্যাসেল কাসের দুটি হাত ছড়িয়ে আললা করে বেঁধে রাখা হয়েছে। সে মেঝেতে পা ছড়িয়ে বসে আছে, আমি সেখানেও কোনো ঝুঁকি নিই নি, দুটি পা শক্ত করে বেঁধে রেখেছি। ম্যাসেল কাসকে দেখে মিতিকা আতঙ্কে চিৎকার করে আমাকে শক্ত করে আঁকড়ে ধরল। আমি ফিসফিস করে বললাম, “মিতিকা, ভয় পাবার কিছু নেই। যখন তাকে ভয় পাবার কথা ছিল তখন যেহেতু তাকে ভয় পাও নি, এখন ভয় পেয়ো না।”

মিতিকা ভাঙা গলায় বলল, “কিন্তু, দেখ কী বীভৎস! কী ভয়ানক!”

আমি তাকে দেখলাম, সত্যিই বীভৎস, সত্যিই ভয়ানক। একটি চোখ বুলে ফুলছে, চোখের গর্ভ থেকে কিছু ফাইবার বের হয়ে আছে, মুখের ভিতর থেকে কিছু যন্ত্রপাতি বের হয়ে আসছে, কিছু পালের চামড়া ফুটো করে ফেলেছে। হাত এবং পায়ের নানা অংশ থেকে ধাতব অংশ শরীরের চামড়া ফুটো করে বের হয়ে এসেছে, সেসব জায়গা থেকে রক্ত চুইয়ে চুইয়ে পড়ছে। ম্যাসেল কাস যখন হাইব্রিড মানুষ ছিল তখন তার যন্ত্র এবং মানব-অংশের মাঝে চমৎকার একটি সমন্বয় ছিল, এখন নেই। এখন দেখে ভিতরের একটি আতঙ্ক হতে থাকে।

ম্যাসেল কাস তার ভালো চোখটি দিয়ে আমাদের দিকে তাকাল, একটি যন্ত্রপাতির শব্দ করে বলল, “ইবান, আমি তোমাকে বলছি আমাকে কীভাবে হত্যা করতে হবে।” সে কথাগুলো বল খুব কষ্ট করে, তার উচ্চারণ হল অস্পষ্ট এবং জড়িত।

আমি বললাম, “আমি সেটা জানতে চাই না।”

ম্যাসেল কাস অনুনয় করে বলল, “একটা চতুর্থ মাত্রার অস্ত্র নিয়ে আমার চোখের ফুটো দিয়ে উপরের দিকে লক্ষ্য করে গুলি করলে মস্তিষ্কটি ছিন্নতিন হয়ে যাবে—”

ম্যাসেল কাসের কথা শুনে মিতিকা শিউরে উঠল, আমি তাকে শক্ত করে ধরে রেখে বললাম, “ম্যাসেল কাস, আমি তোমাকে হত্যা করব না। তোমাকে হত্যা করাই যদি আমার উদ্দেশ্য হত আমি তা হলে তোমাকে ঐ উপগ্রহটিতে তোমার মৃত বন্ধুদের সাথে রেখে আসতে পারতাম।”

“তুমি তা হলে আমাকে কী করতে চাও?”

“তোমাকে কর্তৃপক্ষের হাতে তুলে দিতে চাই।”

“আমি ভেবেছিলাম তুমি ভালো মানুষ। তুমি কাউকে কষ্ট দিতে চাও না।”

“আমি আসলেই কাউকে কষ্ট দিতে চাই না।”

“তা হলে কেন তুমি আমাকে হত্যা করছ না?”

“কারণ আমি দীর্ঘদিন চিকিৎসাবিজ্ঞানের বোজ রাখি নি—হয়তো চিকিৎসাবিজ্ঞানের অনেক উন্নতি হয়েছে, হয়তো তারা তোমার মস্তিষ্ক সারিয়ে তুলতে পারবে, তুমি হয়তো আবার একজন সাধারণ মানুষ হয়ে যাবে।”

ম্যাসেল কাস তার বিচিত্র যান্ত্রিক মুখ দিয়ে অবিশ্বাসের মতো একটা ভঙ্গি করে বলল, “তুমি সত্যিই সেটা বিশ্বাস কর?”

“হ্যাঁ করি।”

ম্যাসেল কাস কয়েক মুহূর্ত আমার দিকে তাকিয়ে রইল, তারপর মাথা নেড়ে বলল, “কিন্তু তা হলে সেই মানুষটি তো ম্যাসেল কাস থাকবে না, সেটি হবে অন্য একজন মানুষ। আমি কি অন্য মানুষ হতে চাই?”

আমি একটু অবাক হয়ে তার দিকে তাকিয়ে রইলাম, তার এই প্রশ্নের উত্তর আমার জানা নেই।

ম্যাসেল কাস এবং তার দুই অনুচর রুদ এবং মুশকে তাদের ক্যাপসুলে ঢুকিয়ে, দেহগুলোকে শীতল করে অনির্দিষ্ট সময়ের জন্য সংরক্ষণ করতে আমার এবং মিতিকার দীর্ঘ সময় লেগে গেল। সত্যি কথা বলতে কী মিতিকা না থাকলে আমার একার পক্ষে এ কাজগুলো করা দুঃসাধ্য ব্যাপার ছিল। রুদ এবং মুশ খুব সহজেই তাদের ভাগ্যকে মেনে নিয়েছিল কিন্তু ম্যাসেল কাসের জন্য সেটি ছিল অসম্ভব একটি ব্যাপার। ক্যাপসুলের কালো ঢাকনাটি যখন ধীরে ধীরে নেমে আসছিল তখনো সে আমার চোখের দিকে তাকিয়ে কাতর গলায় তাকে হত্যা করার জন্য অনুরোধ করে যাচ্ছিল। কোনো একটি বিচিত্র কারণে ম্যাসেল কাস বুঝতে পারছিল না যে আসলে তার মৃত্যু ঘটে গেছে। একজন মানুষ যখন এভাবে মৃত্যু কামনা করে তখন তার বেঁচে থাকা না-থাকায় আর কিছু আসে-যায় না।

ম্যাসেল কাস আর তার দুজন অনুচরকে নিরাপদে সংরক্ষণ করার পর আমি প্রথমবার ফেবিয়ানের দিকে নজর দিলাম, নিউট্রিন স্টারের প্রবল আকর্ষণ থেকে বের হয়ে আসার জন্য যে প্রচণ্ড শক্তিকর হয়েছে তার চিহ্ন সর্বত্র ছড়িয়ে-ছিটিয়ে আছে। নিয়ন্ত্রণের মূল অংশটি ধ্বংস হয়ে যাওয়ায় জরুরি অংশটি কোনোভাবে কাজ করছে। তাপ সঞ্চালনের অনেকগুলো টিউব দুমড়ে মুচড়ে ফেটে গেছে। কিছু সঞ্চালনের একটি বড় অংশ অচল হয়ে আছে। ফেবিয়ানের দেয়ালের কোথাও কোথাও সূক্ষ্ম ফাটলের সৃষ্টি হয়েছে, ভিতর থেকে বাতাস বের হয়ে যাওয়ার আশঙ্কা থাকায় ফেবিয়ানের অনেকগুলো অংশের জরুরি চাপনিয়ন্ত্রণক দরজা পাকাপাকিভাবে বন্ধ হয়ে আছে। যোগাযোগ মডিউলের কিছু অংশও অকাজে হয়ে আছে, গন্তব্যস্থানে নিয়মিত যে সিগন্যাল পাঠানো হচ্ছিল সেটি বন্ধ হয়ে গেছে, সেটি আবার চালু করে না দিলে মহাকাশগতিক নিয়ন্ত্রণ কেন্দ্র ধারণা করতে পারে ফেবিয়ান নিউট্রিন স্টারের আকর্ষণে পুরোপুরি বিধ্বস্ত হয়ে গেছে। সব মিলিয়ে এখন অচুর কাজ। কিছু কিছু এই মুহূর্তে তরু করতে হবে।

কিন্তু সব কাজ শুরু করার আগে আমার মিতিকাকে তার শীতল ক্যাপসুলে ঘুম পাড়িয়ে দিতে হবে। এই মহাকাশযানটিতে শুধুমাত্র তার অধিনায়কের থাকার কথা—এটি সেভাবেই প্রকৃত করা হয়েছে। কোনো একটি বিচিত্র কারণে আমার মিতিকাকে শীতল ক্যাপসুলে ঘুম পাড়িয়ে দিতে ইচ্ছে করছিল না—ইচ্ছে করছিল তাকে আমার পাশাপাশি রেখে দিই, কিন্তু সেটি সম্ভব নয়। সে মহাকাশযানের একজন যাত্রী, তাকে নিরাপদে তার গন্তব্যে পৌঁছে দিতে হবে। একজন যাত্রীকে সারাক্ষণ তার শীতল ক্যাপসুলে ঘুমিয়ে থাকার কথা, আর এখন এই মহাকাশযানের মেটামুটি বিপজ্জনক পরিবেশে তাকে বাইরে রাখা বেআইনি এবং বিপজ্জনক; একজন মহাকাশযানের অধিনায়ক হিসেবে আমি কোনো অবস্থাতেই সেটি করতে পারি না। মিতিকা নিজেও সেটা জানে কাজেই ম্যাসেল কাস এবং তার দুজন অনুচরকে ঘুম পাড়িয়ে দেওয়ার পর সে আমাকে বলল, “এবার আমার পালা।”

আমি মাথা নাড়লাম, বললাম, “হ্যাঁ।”

“মহাকাশযানের যে অবস্থা আমার মনে হচ্ছে তোমাকে সাহায্য করতে পারলে হত—কিন্তু তুমি তো জান আমি মহাকাশযানের কিছুই জানি না।”

আমি মাথা নাড়লাম, বললাম, “আমি জানি। তোমার জ্ঞানার কথা নয়। আমাকে দীর্ঘদিনে এসব শিখতে হয়েছে।”

মিত্তিকা চোখে একটু দৃষ্টিভঙ্গি ফুটিয়ে বলল, “তুমি কি একা এইসব কাজ শেষ করতে পারবে?”

আমার ইচ্ছে হল বলি, না, পারব না। তুমি আমার পাশে থাক—কিন্তু আমি সেটা মুখ ফুটে বলতে পারলাম না। বললাম, “পারব মিত্তিকা। আমাকে সাহায্য করার জন্য সাহায্যকারী রোবটগুলো চালু করে দেব। নিউরাল নেটওয়ার্কে সব তথ্য রাখা আছে—কোনো সমস্যা হবে না।”

মিত্তিকা কিছু বলল না, একটা নিশ্বাস ফেলল। আমি বললাম, “এই মহাকাশযানের যাত্রী হওয়ার কারণে তোমার অনেক দুর্ভোগ হল মিত্তিকা। ফোবিয়ানের অধিনায়ক হিসেবে আমি আন্তরিকভাবে তোমার কাছে দুঃখ প্রকাশ করছি। তুমি যদি চাও আমি আনুষ্ঠানিকভাবে তোমার কাছে ক্ষমাপ্রার্থনা করতে পারি।”

মিত্তিকা শব্দ করে হেসে বলল, “এর প্রয়োজন নেই ইবান, অধিনায়ক হিসেবে তুমি আনুষ্ঠানিকভাবে ক্ষমাপ্রার্থনা করতে পার—কিন্তু আমি কী করব? আমার তো কোনো আনুষ্ঠানিক ক্ষমতা নেই, আমার প্রাণ বাঁচানোর জন্য আমি কীভাবে ধন্যবাদ জানাব?”

“ধন্যবাদ জানানোর কিছু নেই মিত্তিকা। আসলে আমরা খুব সৌভাগ্যবান তাই এত বড় বিপদ থেকে রক্ষা পেয়ে গেছি।” আমি নিয়ন্ত্রণ প্যানেলের ওপর রাখা কন্ট্রোলার গোলকের ভিতরে সৌভাগ্য-বৃক্ষটিকে দেখিয়ে বললাম, “এই সৌভাগ্য-বৃক্ষে এতক্ষণ ফুল ফুটে যাওয়া উচিত ছিল।”

“ঠিকই বলেছ। আমরা যে সৌভাগ্যবান সেটা জ্ঞানার জন্য আমাদের যেটুকু সময় বেঁচে থাকার পরকার ছিল তুমি না থাকলে সেটা সম্ভব হত না।”

আমি কোনো কিছু না বলে একটু হাসলাম। মিত্তিকা একটু এগিয়ে এসে আমার হাত স্পর্শ করে বলল, আমি তোমার কাছে আরো একটা ব্যাপারে কৃতজ্ঞ ইবান।”

“কী ব্যাপার?”

“আমি তোমার কাছে প্রথম দেখতে পেয়েছি যে অন্য মানুষের জন্য ভালবাসা থাকতে হয়। নিজের ক্ষতি করে হলেও অন্যের ভালো দেখতে হয়!”

আমি শব্দ করে হেসে বললাম, “আমার মা আমার এই সর্বনাশটি করে গেছেন! বিশ্বজগতের সব মানুষ যখন বুদ্ধি, প্রতিভা, সৌন্দর্য, শক্তি, সৃজনশীলতা নিয়ে জন্ম হচ্ছে তখন আমার মা আমাকে জন্ম দিয়েছেন ভালবাসা দিয়ে!”

“সত্যি?”

“হ্যাঁ, জিনেটিক ইঞ্জিনিয়ারিং করে শুধুমাত্র এই একটি জিনিসই আমাকে দেওয়া হয়েছে। আমার জন্ম হয়েছে একজন দুর্বল মানুষ হয়ে, আমি বড় হয়েছি দুর্বল মানুষ হিসেবে!”

মিত্তিকা সুন্দর করে হেসে বলল, “ভালবাসা দুর্বলতা নয় ইবান। তোমার মা চমৎকার একজন মানুষ—নিজের সন্তানকে এর চাইতে ভালো কী দেওয়া যায়?”

আমি মাথা নাড়লাম, “যখন বড় হওয়ার জন্য আমি কষ্ট করেছি তখন এই গুণটি আমার খুব প্রয়োজনীয় মনে হয় নি।”

“তোমার মা এখন কোথায় আছেন?”

“তুমি যেখানে যাচ্ছ সেখানে রিশি নক্ষত্রের কলোনির কাছাকাছি কোথাও আছেন। আমি আসলে সেজন্যই যাচ্ছি, মায়ের সাথে দেখা করব! এই সৌভাগ্য-বৃক্ষটা আমি মায়ের জন্য নিয়ে যাচ্ছি।”

“ইস! কী মজা!”

“হ্যাঁ, আমি খুব অপেক্ষা করে আছি। ফোবিয়ানের যোগাযোগ মডিউলটা হঠাৎ করে নষ্ট হয়ে গেল—এটা ঠিক করে আমি চারপাশে ট্রেসার পাঠানো শুরু করব। বুঁজে বের করতে হবে আমার মা কোথায় আছেন।”

মিত্তিকা সুন্দর করে হেসে একটা ছোট নিশ্বাস ফেলল। বলল, “তুমি খুব সৌভাগ্যবান ইবান, তোমার একজন প্রিয় মানুষ তোমার জন্য অপেক্ষা করছে। আমার কেউ নেই।”

আমার হঠাৎ করে বলার ইচ্ছে করল, মিত্তিকা আমি আছি, আমি তোমার জন্য অপেক্ষা করে থাকব। কিন্তু আমি সেটা বলতে পারলাম না, মিত্তিকার দিকে তাকিয়ে নরম গলায় বললাম, “তুমি নিশ্চয়ই একজন প্রিয়জন পাবে মিত্তিকা। নিশ্চয়ই পাবে।”

মিত্তিকা কোনো উত্তর না দিয়ে আমার দিকে তাকিয়ে বিচিত্র একটা ভঙ্গিতে হাসল। তার সেই হাসি দেখে হঠাৎ কেন জানি আমার বুকের তিতরটা দুমড়েমুচড়ে গেল।

মিত্তিকা তার নিও পলিমারের পোশাক পরে কালো ক্যাপসুলে শুয়ে আছে। আমি খুব ধীরে ধীরে ক্যাপসুলের ঢাকনাটি নিচে নামিয়ে আনলাম, মিত্তিকা শেষ মুহূর্তে ফিসফিস করে বলল, “ভালো থেকে ইবান।”

আমিও নরম গলায় বললাম, “তুমিও ভালো থেকে মিত্তিকা।”

মিত্তিকা জোর করে একটু হাসার চেষ্টা করে বলল, “বিদায়।”

“বিদায় মিত্তিকা।”

আমি ক্যাপসুলের ঢাকনাটি নামিয়ে সুইচটা স্পর্শ করতেই স্বয়ংক্রিয় জীবনরক্ষাকারী প্রাণমা জ্যাকেটের হালকা গুঞ্জন শুনতে পেলাম। ক্যাপসুলের স্বচ্ছ ঢাকনা দিয়ে আমি মিত্তিকাকে দেখতে পেলাম—খুব ধীরে ধীরে তার চোখ বন্ধ হয়ে আসছে। ক্যাপসুলের মাঝে শীতল একটি প্রবাহ বইতে শুরু করেছে, কিছুক্ষণের মাঝেই সে গভীর ঘুমে অচেতন হয়ে পড়বে। আমি একদৃষ্টে মিত্তিকার দিকে তাকিয়ে রইলাম, মনে হল এই সাদামাঠা সরল মেয়েটি আমার জীবনের বড় একটা অংশকে গুলটপালট করে দিয়ে গেল।

শীতল কক্ষ থেকে বের হয়ে আমি ফোবিকে ডাকলাম। ফোবি সাথে সাথে উত্তর দিল, বলল, “বসুন মহামান্য ইবান।”

“ফোবিয়ান তো প্রায় স্বেচ্ছচুরে টুকরো টুকরো হয়ে গেছে। বলা যায় একটি বিপজ্জনক অবস্থা।”

“আপনি ঠিকই বলেছেন।”

“সবচেয়ে জরুরি কাজ কোনটি? কোন কাজটা দিয়ে শুরু করব?”

“সবচেয়ে জরুরি কাজ হচ্ছে যোগাযোগ মডিউলটি ঠিক করা। ত্বরনের প্রথম ধাক্কাটা লাগার সাথে সাথে প্রচণ্ড ঝাঁকুনিতে সেটা বন্ধ হয়ে গেছে। গত ছয়শ ঘণ্টা এখান থেকে কোনো সংকেত যায় নি। মহাজাগতিক নিয়ন্ত্রণ কেন্দ্রের লোকজন ভাবতে পারে আমরা ধ্বংস হয়ে গেছি!”

“বেশ।” আমি উঠে দাঁড়িয়ে বললাম, “তা হলে এটা দিয়েই শুরু করা যাক।”

“আপনি এটা দিয়ে শুরু করতে পারবেন না মহামান্য ইবান। মূল নিয়ন্ত্রণটি না সারিয়ে

আপনি কিছুতেই যোগাযোগ মডিউল সারাতে পারবেন না। আবার মূল নিয়ন্ত্রণ সারিয়ে তোলার আগে পেয়ালের সূক্ষ ফালিগুলো বন্ধ করতে হবে।”

আমি একটা নিশ্বাস ফেলে বললাম, “বেশ, কিছু ইঞ্জিনিয়ার রোবট ছেড়ে দাও, কাজে লেগে যাই।”

আমি প্রায় এক ডজন ইঞ্জিনিয়ার রোবট নিয়ে কাজে লেগে গেলাম। মহাকাশযানের বাইরে থেকে মাইক্রো স্ক্যানার দিয়ে সূক্ষ ফালিগুলো খুঁজে বের করে ইঞ্জিনিয়ার রোবটদের নিয়ে সেগুলো ওয়েভ করে সারিয়ে তুলতে লাগলাম। প্রায় একটানা কাজ করে যখন সেখানে পেলাম শরীর আর চলছে না তখন আমি মহাকাশযানের ভিতরে ফিরে এলাম, এসে দেখি মহামান্য রিতুন ক্রিস আমার জন্য অপেক্ষা করছেন। আমি বললাম, “মহামান্য রিতুন, আপনি?”

“হ্যাঁ! তোমার কাছে বিদায় নিতে এসেছি।”

“বিদায়?”

“হ্যাঁ। মনে হচ্ছে পুরো ব্যাপারটি তুমি চমৎকারভাবে গুছিয়ে নিয়েছ। আমার প্রয়োজন ফুরিয়েছে।”

আমি মাথা নেড়ে বললাম, “আপনার প্রয়োজন কখনোই ফুরাবে না মহামান্য রিতুন। আপনি সাহায্য না করলে আমি কখনোই এই বিপদ থেকে উদ্ধার পেতাম না।”

রিতুন ক্রিস হেসে বললেন, “সেটি সত্যি নয়। যেটি করার সেটি তুমি নিজেই করেছ।”

“কিন্তু কী করতে হবে আমি জানতাম না।”

“তুমি জানতে ইবান। তুমি এখনো জান। নিজের ওপরে বিশ্বাস রেখো।”

“রাখব।”

রিতুন ক্রিস কাছাকাছি এসে বললেন, “আমি সত্যিকারের মানুষ হলে তোমাকে স্পর্শ করতাম। সত্যিকারের মানুষ নই বলে স্পর্শ করতে পারছি না।”

আমি বললাম, “আমার কাছে আপনি তবুও সত্যিকারের মানুষ।”

“সত্যে খুশি হলাম।” রিতুন ক্রিস আমার চোখের দিকে তাকিয়ে বললেন, “যাবার আগে একটা শেষ কথা বলে যাই?”

“বলুন।”

“আমি সত্যিকারের মানুষ নই। যারা সত্যিকারের মানুষ তাদের নিয়ে কখনো নিজের সাথে প্রতারণা করো না।”

আমি একটু অবাক হয়ে বললাম, “আপনি কী বলছেন আমি ঠিক বুঝতে পারছি না মহামান্য রিতুন।”

“বুঝতে না পারলে কথাটি তোমার জন্য নয় ইবান। কিন্তু কখনো যদি বুঝতে পার কথাটি মনে রেখো।” রিতুন ক্রিস আমার দিকে তাকিয়ে নরম গলায় বললেন, “আমাকে বিদায় দাও ইবান।”

“বিদায়। বিদায় মহামান্য রিতুন।”

“বিদায়—আমার একটু ভয় ভয় করছে ইবান। ভয় এবং দুঃখ। তার সাথে একটু আনন্দ—তোমার মতো একজন চমৎকার মানুষের সাথে পরিচয় হল সেই আনন্দ।”

“আমারও খুব সৌভাগ্য মহামান্য রিতুন যে আপনার সাথে আমার পরিচয় হল। আমার মা এখানে থাকলে খুব খুশি হতেন।”

“রিতুন ক্রিস কিছুক্ষণ চুপ করে রইলেন, তারপর নিচু এবং বিবর্ণ গলায় বললেন, “যদি

তার সাথে দেখা হয় তাকে আমার ভালবাসা জানিও। তাকে বলবে তিনি ঠিক কাজ করেছিলেন, সন্তানের বুকের মাঝে সবার আগে ভালবাসা দিয়েছিলেন।”

“বলব।”

রিতুন ক্রিস একটি হাত উপরে তুলে হঠাৎ করে মিলিয়ে গেলেন, আমার মনে হল আমি মৃদু একটা আর্চট্রিংকার শুনেছিলাম, তবে সেটি আমার মনের ভুলও হতে পারে। ঘরের ফাঁকা জায়গাটিতে তাকিয়ে আমি বুকের ভিতরে এক ধরনের শূন্যতা অনুভব করতে থাকি। আমার মা সত্যি কথাই বলেছিলেন, রিতুন ক্রিস সত্যিই চমৎকার একজন মানুষ। ফোবিয়ানে আমার ভয়ঙ্কর অভিজ্ঞতার সময় রিতুন ক্রিস না থাকলে কী সর্বনাশই—না হত! পুরো গল্পটা যখন আমার মাকে শোনাব আমার হাসিখুশি ছেলেমানুষি মা নিশ্চয়ই কী অম্মহ নিয়েই—না জনবেন! ব্যাপারটি চিন্তা করেই এক ধরনের আনন্দে আমার চোখ ভিজে ওঠে।

যোগাযোগ মডিউলটি ঠিক হওয়ার সাথে সাথে আমি মহাজাগতিক মূল কেন্দ্রে যোগাযোগ করার জন্য তথ্য পাঠাতে শুরু করলাম। এ পর্যন্ত যা ঘটেছে তার পুরো বর্ণনা দিয়ে আমি আমার মায়ের খোঁজ নেওয়ার চেষ্টা করলাম। তার আন্তঃগ্যালাক্টিক পরিচয়সংখ্যা দিয়ে তিনি কোথায় আছেন সেটি খুঁজে বের করার জন্য একটি অনুরোধ পাঠালাম। আনুষ্ঠানিকভাবে এটি অনুরোধ হলেও পঞ্চম মাত্রার মহাকাশযানের অধিনায়ক হিসেবে এটি একটি নির্দেশ হিসেবেই বিবেচনা করার কথা। মহাজাগতিক মূল কেন্দ্রে থেকে খবর ফিরে আসতে অনেক সময় লাগবে, আমি তার মাঝে ফোবিয়ানের অন্যান্য সমস্যাগুলো সারতে শুরু করে নিলাম।

বিন্যূৎ সঞ্চালনের অংশটুকু নেবো তুলতে দীর্ঘ সময় লেগে গেল। কাজটি সহজ হলেও বেশ সময়সাপেক্ষ, অভিজ্ঞ রোবটগুলো পুরো সময়টুকু এক জায়গা থেকে অন্য জায়গায় ছোঁড়াছুঁড়ি করছিল। মহাকাশযানের ভিতরে সারাক্ষণই এক ধরনের ছোঁড়াছুঁড়ি এবং বিন্যূতের কালকানি এবং তার সাথে হালকা ওজনের গন্ধ। বিন্যূৎ সঞ্চালনের কাজটুকু শেষ হওয়ার পর আমি তাপ পরিবহনের অংশটুকুতে হাত দিলাম, তাপ সুপরিবাহী বিশেষ সংকর ধাতুর উজ্জ্বল টিউবগুলো অনেক জায়গাতেই দুমড়েমুচড়ে গিয়েছে, ভিতরে তাপ পরিবাহী ত্বরণগুলো নানা জায়গাতে ছড়িয়ে-ছিটিয়ে আছে। সেগুলো পরিষ্কার করে টিউবগুলো পাল্টে দেওয়ার কাজ শুরু করতে হল। ফোবিয়ানের মূল পাণ্ডের বিভিন্ন অংশ থেকে টিউবগুলোর ভিতর দিয়ে তরলগুলো মহাকাশযানের নানা অংশে পাঠিয়ে পুরো পদ্ধতিটি বারবার পরীক্ষা করে দেখতে হল।

ফোবিয়ানকে পুরোপুরি দাঁড় করানোর বিশাল কাজ করতে করতে আমার সময়ের জ্ঞান ছিল না, ফোবির অনুরোধে মাকে মাকে খেমেছি মাকে মাকে বিশ্রাম নিয়েছি। গন্তব্যস্থানে পৌঁছানোর আগে আমি মহাকাশযানটিকে তার আগের অবস্থায় নিয়ে যেতে চাই।

এ রকম সময়ে ফোবি আমাকে জানাল মূল মহাজাগতিক কেন্দ্রের সাথে আমাদের যোগাযোগ পুনঃপ্রতিষ্ঠা হয়েছে। আমি স্বস্তির নিশ্বাস ফেলে বললাম, “চমৎকার! তাদের প্রতিক্রিয়া কী রকম?”

ফোবি কিছুক্ষণ চুপ করে থেকে বলল, “আপনি নিজেই দেখুন মহামান্য ইবান।”

আমি হাতের যন্ত্রপাতি নামিয়ে রেখে মনিটরের দিকে তাকালাম, মহাজাগতিক কেন্দ্রের একজন উচ্চপদস্থ কর্মচারী হাত-পা নেড়ে ফোবিয়ানে যা ঘটেছে সেটা নিয়ে উত্তেজিত ভঙ্গিতে হড়বড় করে কথা বলছে। ম্যাক্সেল কাসের মতো বড় একজন অপরাধীকে সার্বিকভাবে পরীক্ষা না করে ফোবিয়ানে তুলে দেওয়া নিয়ে ক্ষোভ প্রকাশ করছে।

“আমি—আমি বড় একা।”

মিত্তিকা গভীর মমতায় আমার হাত ধরল। আমি কাতর গলায় বললাম, “তুমি আমাকে ছেড়ে যেও না, মিত্তিকা।”

মিত্তিকা গভীর ভালবাসায় আমার মুখমণ্ডল স্পর্শ করে বলল, “যাব না। আমি তোমাকে ছেড়ে যাব না ইবান।”

হঠাৎ করে ঘরের মাঝমাঝি একটা ছায়া পড়ল, আমি চোখ তুলে তাকিয়ে দেখলাম, সেখানে রিতুন ক্রিস দাঁড়িয়ে আছেন। আমি ইতস্তত করে বললাম, “আমি ভেবেছিলাম আপনি চলে গিয়েছেন রিতুন ক্রিস।”

“হ্যাঁ—আমি চলে যেতে চেয়েছিলাম কিন্তু তোমাকে একা ফেলে যেতে পারছিলাম না ইবান।”

“ধন্যবাদ রিতুন ক্রিস। আপনাকে অনেক ধন্যবাদ।”

“তোমাকে দেখে আমার খুব কষ্ট হচ্ছিল, আমি তাই মিত্তিকাকে জ্ঞাপিয়ে দিলাম। মনে হল মিত্তিকা হয়তো তোমার পাশে থাকতে পারবে। মানুষের অবলম্বন লাগে—মানুষ যত শক্তই হোক তার একজন অবলম্বন দরকার, তার পাশে একজনকে থাকতে হয়।”

“আমার জন্য আপনার ভালবাসা আমি কখনো ফিরিয়ে দিতে পারব না।”

“তুমি ফিরিয়ে দিয়েছ ইবান। আমি তাই এখন যেতে পারব। তোমাকে ছেড়ে আমি যেতে পারব। রিতুন ক্রিস তার বিষণ্ণ মুখে একটু হাসি ফুটিয়ে তুলে বললেন, “বিদায় ইবান। বিদায় মিত্তিকা।”

আমি আর মিত্তিকা হাত নাড়লাম, বললাম, “বিদায়।”

রিতুন ক্রিসের ছায়ামূর্তি খুব ধীরে ধীরে অদৃশ্য হয়ে গেল। চিরদিনের মতোই।

৯

মহাকাশ নিকম কালো অন্ধকার, তার মাঝে অসংখ্য নক্ষত্র জ্বলজ্বল করে জ্বলছে। কোথাও নেবুলার রক্তিম ঘূর্ণন, কোথাও ধোঁয়াটে প্যল্যাক্সি। কোথাও কোয়াজারের উজ্জ্বল নীলাভ আলো, কোথাও অদৃশ্য গ্ল্যাকসোলের আকর্ষণে আটকে পড়া নক্ষত্রে তীব্র আলোকচ্ছটা। সেই আদি সেই অন্ত সেই অন্ধকার হিমশীতল মহাকাশ দিয়ে নিঃশব্দে ছুটে চলছে ফোবিয়ান। নিঃসঙ্গ এই মহাকাশখানে দুজন যাত্রী। আমি এবং মিত্তিকা।

ফোবিয়ানের দুই নিঃসঙ্গ যাত্রী।

নির্ঘণ্ট

১. নিও পলিমার : পোশাক হিসেবে ব্যবহার করার জন্য নতুন ধরনের পলিমার (কোরনিক)।
২. ব্যায়োডোম : জীবনরক্ষাকারী বিশাল গোলক (কোরনিক)।
৩. ভিভি টিউব : যোগাযোগের অন্য বিশেষ ভিভিও সংযোগ (কোরনিক)।
৪. হোলোগ্রাফিক : আলোর ব্যতিক্রম ব্যবহার করে ত্রিমাত্রিক ছবি দেখানোর বিশেষ পদ্ধতি।
৫. জিন : মানুষের জন্মোৎসবে যে অংশটুকু জৈবিক বৈশিষ্ট্য বহন করে।
৬. জিনেটিক ইঞ্জিনিয়ারিং : জিনের পরিবর্তন করে জৈবিক বৈশিষ্ট্য পরিবর্তনের প্রক্রিয়া।
৭. মিশিন ধহ : উদ্ভাপাতে ব্যায়োডোম ফাংশন হয়ে বসবাসকারী মানুষের মৃত্যু হয়েছিল যে ধহে (কোরনিক)।
৮. গ্ল্যাকসোল : গ্রবল মহাকর্ষ বলে সৃষ্টি Singularity, যেখান থেকে আলো পর্যন্ত বের হতে পারে না।
৯. কারগো বে : মহাকাশযানের যেখানে পরিবহন করার জিনিসপত্র সংরক্ষণ করা হয় (কোরনিক)।
১০. নিউরন : মস্তিষ্কের কোষ।
১১. সিনাল : নিউরনের মাঝে যোগাযোগ হওয়ার সংযোগস্থান।
১২. নিউরাল নেটওয়ার্ক : মানুষের মস্তিষ্কের অনুকরণে সৃষ্টি নেটওয়ার্ক।
১৩. মস্তিষ্ক ম্যাপিং : একজন মানুষের মস্তিষ্ককে সংরক্ষণ করার প্রক্রিয়া (কোরনিক)।
১৪. জিনম ল্যাবরেটরি : মানুষকে জন্ম দেওয়ার কৃত্রিম পদ্ধতি যে ল্যাবরেটরিতে ব্যবহার করা হয় (কোরনিক)।
১৫. প্র্যাসেন্টা : মাতৃগর্ভে সন্তান যে অংশ দিয়ে মাঝের দেহ থেকে পুষ্টি গ্রহণ করে।
১৬. মেটা ফাইল : যে ফাইলে বিপুল পরিমাণ তথ্য সংরক্ষণ করা যায় (কোরনিক)।
১৭. স্ফটিকশিপি : মূল মহাকাশযান থেকে আশপাশে যাওয়ার জন্য ছোট মহাকাশযান (কোরনিক)।
১৮. প্রতিপদার্থ : পদার্থের সংস্পর্শে এসে যেটি শক্তিতে রূপান্তরিত হয়ে যায়।
১৯. প্রাজমা : পদার্থের চতুর্থ অবস্থা আয়োনিত গ্যাস।
২০. এপ্সরে লেজার : কয়েক এক্সট্রিম তরঙ্গদৈর্ঘ্য দিয়ে তৈরি লেজার।

২১. নিহিলিন	: যে ভ্রাণ বেয়ে দীর্ঘ সময় না ঘুমিয়ে থাকে যায় (কোম্বিনিক)।
২২. তরল হিলিয়াম তাপমাত্রা	: শূন্যের নিচে প্রায় দু'শ সত্তর ডিগ্রি সেলসিয়াস।
২৩. নিউট্রন স্টার	: যে নক্ষত্রে পরমাণু ভেঙে নিউক্লিয়াস সম্মিলিত হয়ে যায়।
২৪. হাইব্রিড	: যে মানুষের ভিতরে তার জৈবিক সত্তার পাশাপাশি একটি যান্ত্রিক সত্তা বিরাজ করে (কোম্বিনিক)।
২৫. বায়োসমার	: মানুষের শরীরের ওপর ব্যবহার করার জন্য একটি বিশেষ পলিমার (কোম্বিনিক)।
২৬. হোয়াইট ডোয়ার্ফ	: নক্ষত্রের বিবর্তনে একটি বিশেষ পর্যায়।
২৭. আয়ন	: পরমাণুতে প্রয়োজন থেকে বেশি কিংবা কম ইলেকট্রনের উপস্থিতি।
২৮. গাণিতিক অবস্থান নির্ধারণ মডিউল	: যে যন্ত্র দিয়ে গ্যালাক্সিতে যে কোনো আয়গার অবস্থান নির্ণয়তভাবে জানা যায় (কোম্বিনিক)।
২৯. গ্লুকোলাইট	: অচিহ্নিত বিস্ফোরণের ক্ষমতাসম্পন্ন দূষণীয় ধনিজ (কোম্বিনিক)।
৩০. এটমিক ব্লাস্টার	: শক্তিশালী পরমাণু দিয়ে তৈরি বিশেষ ধরনের অস্ত্র (কোম্বিনিক)।
৩১. জেটপ্যাক	: শরীরের সাথে লাগানো ক্ষুদ্রকায় জেট ইঞ্জিন যেটি একজন মানুষকে উড়িয়ে নিতে পারে (কোম্বিনিক)।
৩২. কোয়ারেন্টাইন কক্ষ	: যে কক্ষে কোনো কিছুকে জীবাণুমুক্ত করা হয়।
৩৩. আলট্রাভায়োলেট রশ্মি	: যে আলোর তরঙ্গদৈর্ঘ্য দৃশ্যমান আলোর তরঙ্গদৈর্ঘ্য থেকে ছোট।
৩৪. জিনেটিক প্রোফাইল	: একজন মানুষের জিনের বিন্যাস।
৩৫. কম্পেট্রন	: কৃত্রিম মস্তিষ্ক (কোম্বিনিক)।
৩৬. ট্রান্সজ্যানিয়ার ম্যাগনেটিক ডিমুনেটর	: উচ্চ ক্ষমতাসম্পন্ন এবং উচ্চ কম্পনের চৌম্বকীয় ক্ষেত্র দিয়ে মস্তিষ্কের বাইরে থেকে মস্তিষ্কের ভিতরে সংবেদন সৃষ্টি করার বিশেষ যন্ত্র।
৩৭. স্মিৎগট	: মহাকাশ কল ব্যবহার করে মহাকাশযানের গতিপথে শক্তি প্রয়োগের পদ্ধতি।
৩৮. সিনাক্স মডিউল	: মস্তিষ্কের ভিতরে কোথায় আলোড়ন সৃষ্টি হয় সেটি বুঝে বের করার বিশেষ যন্ত্র (কোম্বিনিক)।
৩৯. নিহিলা	: মানুষকে দীর্ঘ সময় অচেতন রাখার বিশেষ ধরনের গ্যাস (কোম্বিনিক)।

প্রথম প্রকাশ : বইমেলা ২০০১